

تفسير سورة يوسف

لسيدنا يوسف بن المسيح

عليه الصلاة والسلام

إعداد وتقديم الخادم يوشع بن نون 2021



درس القرآن و تفسير الوجه الأول من يوسف.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ المدود الخاصة ، ثم قام بقراءة الوجه الأول من أوجه سورة يوسف ، و أجاب على أسئلتنا بهذا الوجه ، ثم صحح لنا تلاوتنا ، و أنهى الجلسة بأن طلب نبي الله الحبيب منا إستخراج الأحكام من الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الأول من أوجه سورة يوسف ، و نبدأ بأحكام التلاوة و مروان :

المدود الخاصة و تمد بمقدار حركتين ، و هي :

- مد لين مثل بيت ، خوف .
- مد عوض مثل أبدا ، أحدا
- مد بدل مثل آدم ، أزر .
- مد الفرق مثل الله ، الذكرين .

و بعد مروان قال الأحكام رفيعة ثم أرسلان .

—

و ثم تابع نبي الله يوسف الثاني ﷺ الجلسة بشرح الوجه لنا فقال :

الوجه المبارك ده من هذه السورة المباركة العظيمة ، سورة يوسف ، يقول سبحانه و تعالى : {بسم الله الرحمن الرحيم} فهي آية من كل سورة ، في بداية كل سورة ، ما عدا سورة براءة(التوبة) .

{الر تِلْكَ آيَاتُ الْكِتَابِ الْمُبِينِ} :

{الر} و هي حروف مقطعات و تكلمنا عنها كثيراً فيما مضى ، انظر لكي ترى ، {الر} انظر لكي ترى ، و انظر علة ما ترى ، و ألم ترى؟ {تلك آيات الكتاب المبين} هذه آيات القرآن المبين الحق المهيم المسيطر على من قبله من الكتب .

—

{إِنَّا أَنْزَلْنَاهُ قُرْآنًا عَرَبِيًّا لَعَلَّكُمْ تَعْقِلُونَ} :

نزلنا الوحي بلغة العرب و عربنا القصص و عربنا المعاني ، و جعل الكلمات الدالة معربة باللغة العربية الإلهامية ، و أعطيناها أصواتاً و معاني لكي تفهموها و تتذوقوها ، و كذلك قصص القرآن مُعربة ، و الأسماء معظمها مُعربة ، و تعريبها مقصود و له غاية ، و له غاية .

{نَحْنُ نَقُصُّ عَلَيْكَ أَحْسَنَ الْقَصَصِ بِمَا أَوْحَيْنَا إِلَيْكَ هَذَا الْقُرْآنَ وَإِنْ كُنْتَ مِنْ قَبْلِهِ لَمَنِ الْغَافِلِينَ} :

(نحن نقص عليك أحسن القصص) أحسن القصص في القرآن هو يوسف ، قصة يوسف ، مليئة بالعظة و العظات ، (نحن نقص عليك أحسن القصص بما أوحينا إليك هذا القرآن) يعني إيه؟ ربنا سبحانه و تعالى يُقسم بحالة الوحي بالقرآن للنبي ﷺ أي بعظمة هذا الوحي الذي نوحيه إليك و نعطيك فيه آيات القرآن (نحن نقص عليك أحسن القصص) أعظم القصص ، (و إن كنت من قبله لمن الغافلين) ، أحسن القصص نقول إيه؟ يوسف بشكل خاص ، كذلك أحسن القصص هي القصص التي يتلوها الله سبحانه و تعالى على أنبياءه و خصيصاً على سيدنا محمد ﷺ لكي يُسلِّيه و يُعزِّيه و يُثبِت فؤاده ، لأن النبي بشر ، ممكن يأتيه وقت يشعر باليأس ، و قد يشعر بالإحباط لتكذيب قومه ، قد يشك و لكن الله سبحانه و تعالى يأتيه بالوحي و يُثبِّته ، و يُعطيه الآيات و يربط على قلبه كي يُكمل مسيرته ، (نحن نقص عليك أحسن القصص بما أوحينا إليك هذا القرآن و إن كنت من قبله لمن الغافلين) كلام صريح ، كلام صريح للنبي ﷺ ، كان غافلاً ، لم يعرف هذه القصص و لم يكن يعرف تلك العظات ، و لكن الله سبحانه و تعالى هو المُزكي و هو المُثبِّه ، فدعى النبي ﷺ و إختبره و جربه فاستجاب النبي ﷺ و تزكى و تطهر قلبه ، و كان أظهر قلب في حينه بل هو أظهر قلب على وجه الأرض ، فاصطفاه الله سبحانه و تعالى لكي ينزل على قلبه هذا القرآن الكريم ، الذي هو حكمة إيه؟ حكمة هذا الكون .

{إِذْ قَالَ يُوسُفُ لِأَبِيهِ يَا أَبَتِ إِنِّي رَأَيْتُ أَحَدَ عَشَرَ كَوْكَبًا وَالشَّمْسَ وَالْقَمَرَ رَأَيْتُهُمْ لِي سَاجِدِينَ} ؛

(إذ قال يوسف لأبيه) يوسف كان ساعته إيه؟ طفل ، طفل كده في سن اليفوع ، مثلاً زي سن إرسال كده ، قال لأبيه يعقوب -عليه السلام- النبي اللي هو إسرائيل -عليه السلام- ، اسمه كده إسرائيل أي صَفِيُّ الله ، (يا أبت) يا بابا يعني ، يترقق و يتلطف مع والده فيقول له يا أبت ، يعني زي دلوقتي لما نقول إيه يا بابا ، (إني رأيت أحد عشر كوكباً) شوف ربنا هنا بيعرب الكلام ، يوسف مائلش لأبوه كده (يا أبت إني رأيت ..) باللهجة دي ، لا ، بس ربنا بيعرب الحوار ، و بيعرب الأسماء في القرآن عشان إيه؟ يُعطيهها معاني ، معاني جلاية عظيمة و جمالية عظيمة ، و عشان إحنا نفهم ، تمام؟ و بتبقى معاني مقصودة في التعريب الإلهي ، هذا هو التعريب الإلهي لقصص التاريخ ، رينا بيرويها بالرواية العربية ، بإسلوب عربي مبين ، (إذ قال يوسف لأبيه يا أبت) خلي بالك بقى (إني رأيت أحد عشر كوكباً و الشمس و القمر رأيتهم لي ساجدين) نبداً من الآخر ، (ساجدين) يعني طائعين ، ده تأويل الرؤيا ، (أحد عشر كوكباً) اللي هم مين؟ إخوانه ، و ربنا حط/وضع رقم ١١ في القرآن ، دلالة إيه؟ خضوع الأقران ، خضوع إيه؟ الأقران ، اللي هم إخوانه يعتبروا نظائره أو أقرانه ، تمام كده؟ ، يوسف -عليه السلام- رآهم خاضعين له ، ساجدين له ، خلي بالك ، خلي بالك ، (و الشمس و القمر) حد يعرف يقول مين الشمس و القمر؟؟؟ مهمة جداً ، و كثير جداً من الناس كانوا غافلين عن هذا المعنى ، و هو معنى عظيم ، (و الشمس و القمر) أي آية الكسوف و الخسوف في كل زمان ، في كل فترة من فترات البعث الإلهي مع الأنبياء ، ربنا سبحانه و تعالى بيجعل آية الكسوف ، كسوف الشمس و خسوف القمر لها دلالات روحية و مادية في هذا البعث ، و ربنا بيجعل كسوف الشمس و خسوف القمر علامات و دلالات لها فيوض روحية و مادية لتأييد نبي الزمان ، أي نبي زمان ، أي نبي زمان ، يعني دلوقتي يوسف بن المسيح ، و من مئة سنة أو أكثر المسيح الموعود ، و هكذا حتى الأولياء العظام في الأمة ، ربنا كان بيبعث معهم آيات الشمس و القمر ، ممكن مكنش حد واخد باله ، بس دايم كده ، الكسوف الشمسي و الخسوف القمري ربنا بيبعثه آيات ، طبعاً الكسوف الشمسي و الخسوف القمري بتحصل بشكل منتظم ، عادي ، و لكن ربنا دايماً بيربطها بتغير روعي و مادي نُصرةً لنبي الزمان ، فهنا يوسف قال إيه؟ قال (يا أبت إني رأيت أحد عشر كوكباً) اللي هم إخوانه و برضو الأقران لأن كلمة إحد عشر أو رقم ١١ هم الأقران في الزمان و المكان ، ربنا دايماً يخليهم يخضعوا طوعاً أو كرهاً ، طوعاً أو كرهاً لنبي الزمان ، خلاص كده؟ ، (و الشمس و القمر) اللي هي إيه؟ آية كسوف الشمس و خسوف القمر ، اللي متكررة بشكل منتظم ، و لكن ربنا بيجعلها دايماً كده إيه؟ يجعلها دايماً

خاضعة لمتطلبات دعوة النبي في كل زمان ، و خلي بالك ، مش إحنا بس اللي بنقول الكلام ده ، الكلام ده موجود في الكتاب المقدس ، خسوف القمر و كسوف الشمس دائماً بيتبعه دلالات و علامات و أحداث كبرى عظيمة جداً بتحدث ، مُصاحبة لهذا الخسوف القمري أو هذا الكسوف الشمسي ، و كانت أعظم الآيات في العصر الحديث إيه؟ خسوف القمر و كسوف الشمس في رمضان ، آية على صدق المسيح الموعود ﷺ ، مصداق لحديث محمد الباقر -عليه السلام- مرفوعاً إلى النبي ﷺ عندما قال : "إن لمهدينا آيتين ، لم يكونا منذ خلق السماوات و الأرض ، ينخسف القمر لأول ليلة من رمضان ثم تنكسف الشمس في النصف منه ، و لم تكونا منذ خلق السماوات و الأرض" و حدث عام ١٨٩٤ ، خُسف القمر في ليلة ١٣ و كُسفت الشمس في نهار ٢٨ رمضان ، و ده حدث بارز ، كان الرسول مدلل عليه بحديث ، و ممكن بتحصل آيات بقى مش مدلل عليها بنبوءات ، بس دائماً بتيجي مناصرة لنبي الزمان ، زمان بقى الأمم الأمم البدائية زي مثلاً إيه؟ الوثنيين مثلاً في المكسيك أو في أوروبا أو في أي مكان ، كانوا بيعتقدوا إعتقادات خرافية في خسوف القمر أو قمر الدم أو كسوف الشمس ، بيعتقدوا خرافات أو أساطير ، كانوا بيحاولوا يفسروها بشكل أسطوري أو خرافي ، يعني منهم اللي كان بيعتقد ان حوتة اكلت القمر او ان القمر و الشمس بيتحاربوا او ان هناك حيوان مفترس مثل الفهد قضم قزمة من القمر فصار بلون الدم . لكن الحقيقي إن الآيات دي منتظمة و تأتي للدلالة على تأييد الإلهي لنبي هذا الزمان ، دائماً كده بتحصل معها تغييرات روحية و مادية ، ينشر الله سبحانه و تعالى بها العلوم الروحية و الصدق و ينصر الصادقين المُخلصين ، و يُهلك الظالمين بعضهم ببعض ، خلي بالك ، و المسيح الموعود ﷺ إتكلّم عن ده فين؟ في كتاب ((نور الحق)) الجزء الثاني و كذلك في ((مواهب الرحمن)) ، في كتاب ((مواهب الرحمن)) تحدث عن فيوض الخسوف و الكسوف ، تمام كده ، طيب . و من امثلة ذلك في التاريخ هو مزامنة خسوف القمر الدموي مع اول حملات الصليبيين على بيت المقدس و عام ١٤٩٢ عام طرد المسلمين و اليهود من الاندلس و محاكم التفتيش . و ايضاً و باللهيبة : خسوف القمر الدموي في أول بدء مدونة يوسف بن المسيح في اليوم التالي ل 14\4\2014 و أحداث الربيع العربي . ثم الصيحة المدممة بوباء كورونا . و نعلم ان التمثلات الروحية تقابلها تمثلات مادية تدل عليها .

{قَالَ يَا بُنَيَّ لَا تَقْصُصْ رُؤْيَاكَ عَلَى إِخْوَتِكَ فَيَكِيدُوا لَكَ كَيْدًا إِنَّ الشَّيْطَانَ لِلْإِنْسَانِ عَدُوٌّ مُّبِينٌ} :

(قال يا بني لا تقصص رؤياك على إخوتك) آه خبير ، الخبير هنا ، هو راح سأل الخبير ، خبير الزمان وقتها كان يعقوب ، فهو نتيجة خبرته قال له ، و هو عارف بالنفوس البشرية ، حتى لو كانت بتُظهر الطاعة و لكن الشيطان بيلعب دائماً على الحنة دي ، الغيرة ما بين الأقران ، و دي كانت أول إيه؟ معصية في الكون ، إن إبليس تكبر و حَسَدَ آدم و احتقر آدم ، و قال مين ده آدم ده اللي أطيعه و أسجدله ده؟! فهنا كان سبب معصية إبليس الأولى ، الكبر و الحسد و الغيرة ، خلي بالك ، خلي بالك من الحنة دي ، فالخبير هنا بيقول ، مين الخبير؟ يعقوب ، خبير الزمان عنده إيه؟ خبرة لأنه خُلص ، صح كده؟ فيُعطي خبرته لعياله ، و كان أفضل أبناء مين؟ يوسف ، أظهر قلب في أبناء : يوسف ، عشان كده ربنا إختاره ، الله! عادي ، دي رغبة ربنا سبحانه و تعالى ، هو ربنا رأى كده ، شاف و إطلع على قلوب أبناء زي مثلاً يهودا ، نفتالي ، بنيمين ، الناس دي ، كل أبناء الحداشر الذكور ، و بعد كده يوسف هو الإتناشر ، شافهم و قال إيه أظهر قلب كان يوسف ، عشان كده إختاره و أعطاه الرؤيا العظيمة دي ، خلي بالك ، و الرؤى مش لازم تتحقق بعدها بشهر مثلاً اثنين ، سنة ، ممكن بعدها بسنين تتحقق الرؤيا ، دلالة على عظمة الله عز و جل ، و دي من أعظم أدلة وجود الله ، (قال يا بني) الخبير بيقول (قال يا بني لا تقصص رؤياك على إخوتك فيكيدوا لك كيداً) يعني يُضمرُوا لك شر ، كيد كيّ اليد التي تمتد لك بالخير و ايذائها . كيد ك انفكاك يد الخير عن صفاتك . ، الإخوة ممكن يكونوا حلوين مع بعض ، و لكن الشيطان ممكن يحرش ما بين الإخوة و يعمل مشاكل و بتلاقيهم بيغيروا من بعض ، فلذلك الإنسان يزكي نفسه و يعلم أن الله عادل و أن الله حكيم و أن الله يطلع على القلوب ، و أن الله لا يظلم أحد (و ما يظلم ربك أحداً) ، فكل واحد يشتغل على نفسه ، مالوش دخل بغيره ، يرى غيره و يرى النعمة الروحية عليه و يتطلع أن يكون إيه؟ مثله بتزكية قلبه ، إحنا مأمورين كده ، نتطلع لتزكية القلوب و الترقى في أمور الروح و نغض الطرف عن أمور الدنيا عند الناس ، (قال يا بني لا تقصص رؤياك على إخوتك فيكيدوا لك كيداً) إيه العلة بقى؟ (إن الشيطان للإنسان عدو مبين) الشيطان للإنسان موسوس و عدو ، و أصل كل المشاكل و المصايب في العالم ، هو مين؟ إبليس اللعين ، و أتباعه طبعاً و أقرانه من شياطين الإنس و الجن ، عدو للإنسان إيه؟ (عدو مبين) عدو ظاهر ، لأن شغلته بتتكرر كل زمان ، فالمفروض إنتو أخذتوا خبرة بقى و فهمتوا إنه إيه؟ ظاهر ، يعني إيه؟ مشكلة الشيطان مع الإنسان ظاهرة و يَبِينَة ، لا تخفى على أحد ، فهمتوا؟؟ .

{وَكَذَلِكَ يَجْتَبِيكَ رَبُّكَ وَيُعَلِّمُكَ مِنْ تَأْوِيلِ الْأَحَادِيثِ وَيُتِمُّ نِعْمَتَهُ عَلَيْكَ وَعَلَى آلِ يَعْقُوبَ كَمَا أَتَمَّهَا عَلَى أَبَوَيْكَ مِنْ قَبْلُ إِبْرَاهِيمَ وَإِسْحَاقَ إِنَّ رَبَّكَ عَلِيمٌ حَكِيمٌ} :

(و كذلك يجتبيك ربك) آه خلي بالك ، (و كذلك يجتبيك ربك) كلمة دي فيها سر عظيم (يجتبيك) ، و هو قالها ليوسف ساعتها باللهجة بتاعتهم طبعاً ، بس يمكن يوسف مكنش واخد باله من المعنى ده ، يعني ربنا هيصطفيك نبي وسط بيئة غير إيمانية ، و وسط موحش . في صحراء مصر القديمة ، زيك زي إسماعيل - عليه السلام- ، وسط ليس لك فيه معين من البشر ، إنما يكون مُعينك هو الله و ملائكته ، (يجتبيك) أي إيه؟ يختارك و يُعينك في بيئة غير مساعدة على الإيمان ، هو ده معنى الإجتباء ، عكس الإصطفاء ، الإصطفاء يكون إختيار من بيئة إيمانية زي يحيى و عيسى كده و زكريا ، دي بيئة إيمانية و فيها أنبياء و مؤمنين و أولياء ، لكن بيئة موحشة زي مين؟ إسماعيل ، يوسف ، يوسف بن المسيح ، بيئة موحشة ، صح كده؟ ، يجتبيك أي كانك قطعة من جبل نحتك الله اي جاب اجزائك كالذين جابوا الصخر بالواد . نحتك من الجبل للدلالة على قوة اعطاها لك و امتلائك بالتوحيد و صعاب تحملتها لكنك تقف صامدا عبر التاريخ . مجتبي . (و كذلك يجتبيك ربك و يعلمك من تأويل الأحاديث) يُعلمك أي يُعطيك الفهم و الإلهام لتأويل الرؤى ، و ربنا قال له إيه؟ (و يعلمك من تأويل الأحاديث) مش كل التأويل طبعاً ، لأن علم ربنا بحر بل بحوور زخارة ، مليئة بالكنوز و اللآلئ ، (و يعلمك من تأويل الأحاديث) الأحاديث اللي هي إيه؟ الأحلام ، الرؤى ، الكشوف ، تمثلات عالم الروح هي دي معناها الأحاديث ، تمام كده؟ ، و سُميت أيضاً أحاديث لأنها من الحديث ، كذلك أحاديث لأنها تحدث باستمرار ، تتجدد باستمرار و تحدث باستمرار ، إذا تحدث باستمرار فهي أحاديث ، يحدث فيها حديث و حوار ، ممكن يصل لدرجة الحوار بين العبد نفسه و ربه ، و العبد و الملائكة ، و العبد و آخرين من الأرواح ، إذا هي دي تأويل الأحاديث ، سُميت أحاديث لأنها إيه؟ فيها حديث ، كذلك أحاديث أي أنها تتجدد باستمرار ، و أحاديث أنها تحدث باستمرار ، (و يعلمك من تأويل الأحاديث و يُتم نعمته عليك) آه ، دلوقتي إنت أخذت نعمة أهو ، اللي هي إيه؟ (إذ قال يوسف لأبيه يا أبتِ إني رأيت أحد عشر كوكباً و الشمس و القمر رأيتهم لي ساجدين) دي نعمة أهى ، و بداية النعمة ، صح؟ فربنا هيتم عليك النعمة دي ، يعني إيه؟ هيققلك تأويل الرؤيا دي ، و هيعطيك رؤى أخرى و وحي آخر ، و هو ده الإتمام ، (و يتم نعمته عليك و على آل يعقوب) آل يعقوب اللي هم مين؟ إنت و إخوانك يعني و أمهات المؤمنين وقتها ، صح؟ فإنت كده ربنا هيتم عليك النعمة و هتبقى فخر لآل يعقوب ، لبيت يعقوب ، لآل البيت يعني وقتها ، فخر يعني ، فخر روعي ، (كما أتمها على أبويك من قبل إبراهيم و إسحاق) الأنبياء هؤلاء إبراهيم و إسحاق ربنا تمم عليهم و على بيتهم و على عيالهم ، صح كده؟ ، (إن ربك عليم حكيم) ربنا اللي بنعبده عليم أي أصل العلم و الوحي ، حكيم أي أصل الحكمة .

و أنهى الجلسة بأن طلب قمر الأنبياء يوسف الثاني ﷺ من مروان و رفيده و أرسلان بإستخراج أمثلة على أحكام طلبها منهم من هذا الوجه :

طلب من مروان مثال على مد بدل ، فقال :

لم أجد .

و طلب من رفيده مثال على مد عوض ، فقالت :

{كَيْدًا} ، {عَرِيًّا} .

و طلب من أرسلان مثال على مد لين ، فقال :

{أَبَوْنِكَ} .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين .
آمين . 🌿💙

درس القرآن و تفسير الوجه الثاني من يوسف.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ الوقف و السكت , ثم قام بقراءة الوجه الثاني من أوجه سورة يوسف ، و أجاب على أسئلتنا بهذا الوجه ، و أنهى الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الثاني من أوجه سورة يوسف ، و نبدأ بأحكام التلاوة و أحمد :

الوقف :

ج (وقف جائز) , قلي (الوقف أفضل لكن الوصل جائز) , صلي (الوصل أفضل لكن الوقف جائز) , لا (ممنوع الوقف) , ما (وقف لازم) , وقف التعانق و هو لو وقفت عند العلامة الأولى فلا تقف عند العلامة الثانية و لو وقفت عند الثانية لا تقف عند الأولى) .

و السكت :

هو حرف السين ، و هو وقف لطيف دون أخذ النفس ، مثل : من راق ، بل ران .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة قريش ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

هذا الوجه ، الوجه الثاني المبارك من السورة المباركة ، سورة يوسف ، أحسن القصص ، بدايتها هو رد على سؤال سُئِلَ بالأمس من أحد المعترضين على دعوة يوسف بن المسيح ، شخص اعترض على دعوة يوسف بن المسيح و قال إيه؟ : ما هي مُعجزاته؟؟؟ ، هذا الشخص تعرفه أسيا و يعرفه حازم و تعرفه جميلة و يعرفه الشيخ محمد عرفة ، بالأمس يعني ، حدث هذا الحوار ، و كأن الله سبحانه و تعالى بعث هذا المعترض يسأل هذا السؤال ، كي يُجيبه الله سبحانه و تعالى الآن ، مع أول آية من هذا الوجه ، قال تعالى :

{لَقَدْ كَانَ فِي يُوسُفَ وَإِخْوَتِهِ آيَاتٌ لِلِّسَّائِلِينَ} آيات ، معجزات ، ذلك المعترض يقول إيه أو يظن أن المعجزات هي فقط المعجزات المادية ، مع إنه يوجد المعجزات المادية بفضل الله عز وجل ، ولكن أصل المعجزة هي الآيات ، هي النبوءات ، هي الحكمة ، هي التدبر و أخذ العبرة من الزمان و تتالي الزمان ، قصة يوسف و إخوته و ما حدث له في مصر ، هي قصة عظيمة ، هي آية في حد ذاتها بكل تفاصيلها ، (لقد كان في يوسف و إخوته آيات للسائلين) تحقق النبوءة في حد ذاتها آية ، تحقق النبوءة في حد ذاتها آية ، و الحكمة و الإلهام بالحكمة و المعرفة و التزكية ، آية ، آية عظيمة ، و هي أعظم من أي آية مادية و معجزة مادية ، طيب ، كنا ذكرنا في الوجه اللي فات إن ربنا سبحانه و تعالى يجعل القمر و الشمس ، الشمس و القمر ، يسجدوا أي يُطيعوا نبي الزمان ، و يجعلها دائماً سبحانه و تعالى آيات و دلائل تكون مرتبطة بمعجزات و أحداث كبرى ، تمام كده؟ تمام ، من ضمن الدلائل اللي كانت موجودة في التاريخ الإسلامي ، إن أول حملة صليبية كانت على بيت المقدس ، تزامن معها خسوف دموي للقمر ، لأن مش كل خسوف للقمر سيكون دموي ، يكون له دلالة ، و عرفنا دائماً إن التمثلات المادية تدل على تمثلات روحية و العكس ، يعني القمر ده لما يكون خسوفه الدم ، بشكل الدم ، هيكون أكيد في أمر جلل ، تمام؟ فيه إيه؟ عذاب و دماء مثلاً ، مثلاً يعني ، لأن خسوف القمر ده عبارة عن إيه؟ إن الأرض بتوقف أمام الشمس فتحجب نور الشمس عن القمر ، فامشفت الشمس القمر ، و أثناء حجب الأرض للشمس ، و لضوء الشمس عن القمر ، ضوء الشمس بيتفرق و بيتبعثر في الغلاف الجوي للأرض ، فتبعثر ده و الإنكسار ده بيخلي النور الأحمر أو اللون الأحمر هو اللي ينعكس على سطح القمر ، فبنرى القمر إيه؟ بلون الدم ، هو عادي تمثّل مادي و بيحدث باستمرار و بتكرر يعني ، و لكن دائماً ربنا ، غالباً كده بيحمله مقرون بأحداث كبرى ، المهم ، أول حملة صليبية على بيت المقدس ، كان يُصاحبها هذا الخسوف الدموي ، كذلك في عام ١٤٩٢ ميلادي ، العام الذي طُرد فيه المسلمون و اليهود من الأندلس ، و أُقيمت محاكم التفتيش ، من ملك إسبانيا فيرنيند و ملكة إسبانيا إيزابيلا ، أقاموا محاكم التفتيش للمسلمين ، و كان هناك عذاب شديد للمسلمين و بلاء عظيم ، أيضاً في هذا العام حدث خسوف دموي للقمر ، خلي بالك ، كذلك ، كذلك دون أن أعلم ، في اليوم اللي أنشئت فيه المدونة ، كان ربنا سبحانه و تعالى أعطاني وحي قبلها ، عن إنتهاء مادة التوقف ، و أراني الكتاب و المدونة ، يعني إيه؟ أراني حسابي على الفيسبوك و المدونة ، و كان أمر إنني إيه؟ أقيم المدونة لأصلح ما أفسده أتباع الإمام المهدي من تحريف كلامه -عليه السلام- ، بأمر من الله عز وجل ، المهم ، أنا مكنتش أقصد اليوم ده ، أقمت المدونة يوم ١٤/٤/٢٠١٤ ، العجيب إنه اليوم ده ، كان التالي له خسوف دموي للقمر ، و العجيب ، العجيب ، إن الأحداث دي حدثت ، حدثت في خضم المعروف إعلامياً بالربيع العربي و ثورات الربيع العربي ، تمام ، و هلاك الظالمين بالظالمين ، هلاك الظالمين بالظالمين ، و قوة التدافع التي قدرها الله سبحانه و تعالى ، و التي تلتها بعد ذلك إيه ، ثورات شعيب أو جولات ثورة شعيب و ما إلى ذلك ، خلي بالك ، العجيب بقي إن خسوف الدم ده ، اللي هو حصل في اليوم التالي للمدونة ، تكرر ثاني في آخر السنة في شهر أكتوبر ، و تكرر في السنة اللي بعدها برضو في شهر إبريل ، أول إبريل ، و حدث في نص/وسط شهر مارس سنة ٢٠١٥ خسوف كلي للشمس ، أحداث عظيمة لها دلالات ، ربنا بيربطها دائماً بالأحداث العظيمة ، الخسوف القمري و الكسوف الشمسي هي إيه؟ أحداث منتظمة ، و لكن دائماً ربنا بيختار حدوثها أو حدوث بعضها ، مرتبط بأحداث مهمة جداً ، روحية و مادية ، تحدث في هذا الكون ، كما شرح المسيح الموعود ﷺ في كتاب ((نور الحق)) الجزء الثاني و كذلك في كتاب ((مواهب الرحمن)) ، تمام كده ، طيب .

يبقى إحنا إبتدينا قلنا الآية ، أو ربنا بيرد على المعترض اللي بيسأل : إيه هي معجزات يوسف بن المسيح؟؟ ، معجزاته كثيرة جداً ، منها المادي و منها الروحي ، هو ربنا بيقول أهو (لقد كان في يوسف و إخوته آيات للسائلين) مجرد القصة نفسها و تحقق النبوءات و أخذ العبرة و التدقيق و معرفة دقائق الأمور و المعرفة و الحكمة عبر الزمان و إستقاء العبرة ، دي في حد ذاتها آية ، آية عظيمة ، عظيمة جداً ، تحقق النبوءات آية ، و إستجابة الدعاء ، دعاء النبي آية ، آيات عظيمة للسائلين ، (آيات للسائلين) مين السائلين؟ الذين يستخيرون الله و يسألونه بصدق القلب ، الذين هم أطفال القلوب يسألون رب القلوب ، هؤلاء هم السائلون حقاً ، الذين يصلون إلى ربي و رب آبائي الأولين ، فيخلصون و يُخلصون أنفسهم من الهوة و من غل الشيطان ، (لقد كان في يوسف و إخوته آيات للسائلين) .

{إِذْ قَالُوا لْيُيَسِّفْ وَأَخُوهُ أَحَبُّ إِلَيْنَا مِمَّا نَحْنُ غُصْبَةٌ إِنَّ أَبَانَا لَفِي ضَلَالٍ مُّبِينٍ} :

شفت قلة الأدب ، حتى أبناء الأنبياء ممكن يكون في منهم قلالات أدب/قليلين أدب ، و ممكن يتوبوا بعد كده و ربنا يُعطيهم النعمة ، و لكن شايف ، حتى الأنبياء ممكن أبناءهم يبقوا قلالات أدب ، قال إيه بيعدلوا على نبي الله يعقوب!!!! يعني بيقولوا إنه هو أبونا ده ظالم ، بينفع تقول إن أبوك ظالم لو كان نبي؟؟ ماينفعش ، صح؟؟ و هو حصل أهو في التاريخ ، فلازم إحنا نستجيب و نأخذ العبرة ، (إذ قالوا ليوسف و أخوه أحب إلى أبينا منا) يوسف و بنيمين أبناء راحيل ، راحيل دي زوجة من زوجات يعقوب -عليه السلام- ، (إذ قالوا ليوسف و أخوه أحب إلى أبينا منا و نحن عصابة) إحنا مجموعة قوية ، بنقوم بالأعمال المنزلية و بنقوم بالرعي و بعلف البهائم و بالزراعة و بنقوم بجلب التجارة و المتاجرة و تعامل الناس ، إحنا عندنا خبرة و أقويا ، إغثروا بقوتهم المادية ، (و نحن عصابة إن أبانا لفي ضلال مبين) أبونا ده إيه ، غلطان ، مش فاهم المصلحة فين ، مصلحته معنا ، قال يعقوب مصلحته معهم؟؟؟ و لا مصلحته و صلاحه مع الله و مع إختيار الله؟؟؟؟ صلاحه مع إختيار الله ، صح كده؟ ، (إذ قالوا ليوسف و أخوه أحب إلى أبينا منا و نحن عصابة إن أبانا لفي ضلال مبين) .

{اَقْتُلُوا يُوسُفَ أَوْ اطْرَحُوهُ أَرْضًا يَخْلُ لَكُمْ وَجْهُ أَبِيكُمْ وَتَكُونُوا مِنْ بَعْدِهِ قَوْمًا صَالِحِينَ} :

و بعدين الرأي العام ، كَوْنُوا الرأي العام بقى ، طبعاً لما يعقوب -عليه السلام- نصح يوسف و قال له محدش يعرف عن الرؤيا بتاعتك حاجة ، عشان إخوانك ميحسدكش ، و ما يكيديش لك الكيد ، تمام ، طبعاً الخبر تسرب ، أكيد يعني ، لأن يوسف طفل بيتكلم ، أكيد تكلم مع حد مثلاً من إخوانه أو حد من زوجات أبيه ، و الخبر تسرب ، غصباً عنه لأنه طفل ، تمام كده ، ف هم كَوْنُوا رأي عام و قالوا إيه ده ، هو فاكتر إنه أحسن مننا ، هو أحسن مننا في إيه؟؟؟ ، بس ربنا إختار يوسف و جعله هو البكر ، جعل البكورية على يوسف ، مع إنه هو مش الكبير يعني ، بس جعل البركة على يوسف ، مع إنه هو مش أكبر واحد ، أكبر واحد اسمه إيه؟ راؤبين ، راؤ أي يرى ، بين أي ابن ، أي ترى ابنأ باللغة العبرية ، و ده كان أول ابن من أبناء يعقوب ، فكُونُوا رأي عام بقى ضد يوسف ، فقتلوه معنوياً في ما بينهم و بين بعض ، قتلوه معنوياً ، يعني حَقَرُوا منه و بالتالي أدى ذلك إلى تفكيرهم إن هم يقتلوه مادياً ، فالرأي العام كان بيقول إيه؟ (اقتلوا يوسف أو اطرحوه أرضاً) ، (اقتلوا يوسف) يعني قتل معنوي ، زائد قتل مادي ، عشان هم متغاضين منه ، حاسدينه ، أو (اطرحوه أرضاً) يعني حاولوا تبوؤوا يوسف/تفسدوه و حاولوا تفسدوا أخلاقه بحيث ربنا يرفع عنه البركة و أبونا يعقوب يزهد منه و يزعل منه ، و ربنا يشيل منه النعمة و النبوة بتاعته دي (أحد عشر كوكباً و الشمس و القمر ...) علشان ماتتتحققش ، لأنهم فاهمين و عارفين إن الوحي صادق ، و إن الإله موجود فعلاً ، و إن أبوهم نبي ، عارفين إن أبوهم نبي ، المجرمون !!! و بيظلموه ؟ ، و بيعدلوا على أبوهم؟؟ إيه الإجراء ده ، (اقتلوا يوسف أو اطرحوه أرضاً) اطرحوه أرضاً يعني حولوا تفسدوا أخلاقه ، اجعلوه يخلد إلى الأرض ، حاولوا تفسدوه أو متجعلوهوش كده في البكورية اللي هو فيها أو على الفطرة اللي هو فيها ، تمام كده؟ ، لما تعملوا كده (يخل لكم وجه أبيكم) يعني كأن يوسف ده عقبة و حاجز بينهم و بين أبيهم ، هو الشيطان اللي سَوَّلَ لهم ده ، الشيطان هو إيه؟ اللي وسوس لهم بالأمر ده ، و بعدين بقى؟ التبرير بقى ، تبرير المعصية ، تبرير الذنب ، و تبرير الخيانة ، و تبرير الغدر ، عاوزين يُغدروا بيوسف ، دايماً كده الأقربين بيحاولوا يغدروا بيوسف ، لكن الله يُنجيه ، الله يُنجيه ، (اقتلوا يوسف أو اطرحوه أرضاً يخل لكم وجه أبيكم و تكونوا من بعده قوماً صالحين) التبرير بقى أو المُبرر النفسي أو الحاجة اللي هتحاول تهْدِينَا نفسياً ، إن إحنا إيه؟ هنعزم على التوبة و ربنا رحيم ، أهو (و تكونوا من بعده قوماً صالحين) تتوبوا بقى بعدين .

{قَالَ قَائِلٌ مِّنْهُمْ لَا تَقْتُلُوا يُوسُفَ وَأَلْقُوهُ فِي غَيَابَةِ الْجُبِّ يَلْتَقِطُه بَعْضُ السَّيَّارَةِ إِن كُنْتُمْ فَاعِلِينَ} :

(قال قائل منهم) مين؟ راؤبين الكبير ، اللي هو بعد كده هُيُذَكَرُ في الأحداث في آخر سورة يوسف ، راؤبين الإبن الكبير ، (لا تقتلوا يوسف) كأنه أشفق على أخوه الصُغِيرِ يعني ، (و ألقوه في غيابة الجب) شافوا كده ببر/بئر بعيد عن القرية اللي عايشين فيها بالصحرا ، و قال إيه : نزلوه كده ، إربطوه بالحبل و نزلوه في البئر ده ، و تيجي قافلة كده تعدي و تشرب المية/الماء ، يلاقوه فيأخذوه معهم ، و نبيعه لهم كأنه عبد أبق ، كأنه عبد إيه؟ هربان فإحنا عاوزين نخلص منه فنبيعه ، بس ، دي الفكرة اللي إنقذت في ذهن راؤبين وقتها يعني ، طبعاً و ندم بعد كده ، و هُيُظْهَرُ ندمه ده في آخر السورة ، و هنعرف إظهاره للندم ده هيثم مثل

في إيه بالزبط ، هيثم مثل في إيه ، هيكون شديد الحرص على أخيه الثاني الصُّغَيْر بنيمين ، إنه هو مش هيرضى يسببه في مصر ، لما كان هيتحبس في مصر يعني ، المهم هنعرف التفاصيل إن شاء الله في وقتها ، (قال قائل منهم لا تقتلوا يوسف و ألقوه في غيابة الجب) غيابة يعني الغيب ، الغيبة ، يعني إيه ، في مكان مُغِيب ، في قعر البئر ، لأن جوا/داخل البئر إيه؟ مُغِيب ، لا يُرى ، لا يراه الناس ، (ألقوه في غيابة الجب) و لماذا سُمي البئر بالجب؟؟ لأنه مقطوع ، مش نهر و لا نبع و لا بحيرة و لا غدير ، إنما هو جُب مقطوع في الصحراء ، تحفر كده عمق طويل أوي ، عميق جداً تجد الماء ، فهو جُب أي مقطوع ، منقطع وسط الفيافي و الصحاري ، لذلك سُمي البئر بالجب لأنه مقطوع ، لأن كلمة جَب أو جُب أي قطع ، و هي أيضاً من كلمة جاب ، جاب أي نحت ، أي قَطَعَ الصخر أو قَطَعَ الصخر و نحتته ، مش ربنا بيقول (و ثمود الذين جابوا الصخر بالواد) الجاب أي قطع و نحت ، طبعاً كل ده كيد ، كيد كادوه ليوسف ، حد يعرف كلمة كيد من أصوات الكلمات إيه؟ كيد : كي أي من المكوة/المكواة ، كوى ، اللسع بالنار هو الكي ، و يد أي يد ، أي تكوي اليد التي تُمد إليك بالخير ، فهذا هو كيد ، كذلك كيد : الكاف إنفكاك ، يد أي يد خير ، أي تنفك يد الخير عن صفاتك ، أي لا تُقدم يد الخير بل تنفك عنك يد الخير ، فهذا هو الكيد ، لذلك وصف الله سبحانه و تعالى هذا الفعل و هذه النفسية بكلمة كيد ، عندما قال يعقوب ليوسف (فيكيدوا لك كيداً) ، قال أهو (قال يا بني لا تقصص رؤياك على إخوتك فيكيدوا لك كيداً إن الشيطان للإنسان عدو مُبين) فاللي كَوْن الرأي العام ده ، بدايةً كان وسوسة الشيطان ، قتلوا يوسف معنوياً و بعد كده حاولوا يقتلوه مادياً ، و بعد كده إنقذ في ذهن راؤبين ، إنه هو لا ما يقتلوه ، يحطوه في البئر ، و طبعاً كان ده من تدبير ربنا سبحانه و تعالى ، ربنا بعث ملاك لراؤبين خلاه/جعله يقتنع بالفكرة دي ، عشان ربنا يحقق القصة و تتحقق النبوءة ، فهو ربنا اللي بيدبر ، ربنا مُحيط ، الشياطين فاكرة إنها إيه مسيطرة بقى و توسوس ، و تتحكم في شياطين الإنس ، و لكن مين المُحيط؟ و راهم مين؟ الله و ملائكته ، صح كده؟ فربنا بعث ملاك لراؤبين جعله يقتنع بالفكرة و أقتنعهم بها .

(قال قائل منهم لا تقتلوا يوسف و ألقوه في غيابة الجب يلتقطه بعض السيارة) بعض السيارة أي بعض القوافل التي تسير في الصحاري ، (إن كنتم فاعلين) ، طبعاً كل ده تخطيط ، كانوا بيخططوا لسى ، تخطيط ما بينهم و بين بعض ، طبعاً ربنا سبحانه و تعالى بيوحي ليعقوب باللي بيحصل ، بس مش كل التفاصيل بيقولها له ، كذلك كل نبي ، ربنا بيوحي له باللي هو ربنا يُريده أن يعرفه ، عشان تتم كلمة الله عز و جل ، يعني في أمور ربنا بيوحيها للنبي بشكل عام ، بتبقى أمور عامة ، بيّفهمها بشكل عام ، و بعد كده يُعطيّه تفاصيل في حين ، في وقت معين ، لحكمة معينة ، دي إرادة ربنا سبحانه و تعالى ، لأن الغيب المُطلق هو ملك الله فقط ، مش ملك الأنبياء و لا الأولياء ، هم الأنبياء و الأولياء بيطلعوا على جزء ، ربنا هو اللي يُريد يُطلعهم عليه ، سواء كان عام أو فيه تفاصيل ، طيب ، خلي بالك ، لأن يعقوب أصلاً لو كان متأكد بنسبة ١٠٠% إن هم هيعملوا فيه كده بعد كده ، مكنش بعثه معهم ، صح؟ هينفع؟ لا ، بس هو ربنا معطيّه لمسات ، مديله/معطيّه فكرة عامة عن نفسية إخواته دول ، . فاهمين الدنيا ماشية إزاي؟ أو الوحي بيحي إزاي؟ ، زي ما كان يوسف في مصر ، و يعقوب عارف إنه مامتش ، بالوحي ، بس مش عارف هو فين بالزبط ، لأنه لو كان عارف هو فين بالزبط ، كان راح جابه ، هو ربنا لم يُريد أن يعرف ، هو ربنا أعطاه حنة بس كده ، أعطاه حنة من الغيب بس على قده في الوقت ده ، عشان ربنا يُتم الكلمة ، دي إرادة ربنا ، صح كده؟ ، عشان يتم قانون التدافع و تتم كلمة ربنا ، فربنا لا يُعطي الغيب مرة واحدة ، يُعطيّه حنة حنة ، حسب إرادته سبحانه و تعالى ، فاهمين؟؟ .

{قَالُوا يَا أَبَانَا مَا لَكَ لَا تَأْمَنَّا عَلَى يُوسُفَ وَإِنَّا لَهُ لَنَاصِحُونَ} :

كلمة (تأمننا) دي حلوة أوي في أحكام التجويد ، حكم إسمه الإشمام ، الإشمام ده هو عبارة عن إيه؟ الإشارة يعني ، لأن أصل الكلمة إسمها إيه : (قالوا يا أبانا ما لك لا تأمننا على يوسف) لكن هي قُرئت كده (لا تأمننا) بتدغم النونين مع بعض و لا تنطق الضمة الأولى بتاعت النون الأولى ، لا ، بتضم شفائيك بس للدلالة إن هنا كان في ضمة ، فالمُبصر يرى هذا الحكم في شفتي القارئ ، أمّا الأعمى فلا يرى ، هذا هو الإشمام ، الإشمام أي الإشارة ، أو إنك تشمّمه كده الفكرة ، أو يشم المسك ، المسك بتعرفه منين؟ من الشم ، من الريح ، صح؟ بتعرف إنه هنا مسك إزاي؟ بتشمّمه ، إذا الشم دي إشارة غير مباشرة على وجود شيء معين ، كذلك ضم الشفايف في نطق كلمة (لا تأمننا) إشارة إن هنا كان في نون و عليها ضمة ، لأن أصل الكلمة إيه (ما لك لا تأمننا) ، فهو ده حكم الإشمام ، فهمتوه؟ ، لذلك لما حد يبجي يقرأ بقى دلوقتي إن شاء الله هيقراها كده (مالك لا تأمننا) ، إقرأها عادي (لا تأمننا) عادي بس يضم شفائيه و ماينطقش الضمة ، لازم تشوفوني و أنا بقرأ ، مينفعش تسمع بس ، لازم تسمعها و تشوفها ، (قالوا يا أبانا ما لك لا تأمننا) أهو ضمة مش مسموعة ، أضم شفائيفي بس ، للإشارة إن هنا كان في نون مضمومة ، ده حكم تجويدي ، (قالوا يا

أبانا مالِك لا تأمنا على يوسف) إيه ده!! إنت مش مأمنا على أخونا ، جايين بيصيعوا على أبوهم ، بيصيعوا على النبي ، شايف الإجرام ، جايين بيصيعوا على النبي و بيخبوا عنه ، قال يعني ربنا مش هيقله أو هو مش عارف ، سُذَّج ، اللي بيخبي عن النبي حاجة و يغشه و يقولوا : لا لا ده ميعرفش ، بيكلم حد ثاني كده و يشيرله و يقوله لا ده ميعرفش ، ده ساذج أصلاً ، ميعرفش ربنا بيقول للنبي ، إذا مكنش قال له أصلاً يعني ، فالساذج و الهالك هو اللي بيظن النبي ميعرفش أو إنه ربنا مش هيقله ، في حقيقة الأمر ده عدم يقين بالله ، في حقيقة الأمر هذا نفاق ، اللي يغش النبي و يعمل حاجة من وراه ، و يفكر إن النبي مش هيعرف ، لا ، هيعرف و ربنا هيعرفه ، فالطريق السليم إنك تبقى صريح معه و ما تغشوهوش ، متعملش حاجة من وراه أو تخبي عليه حاجة حصلت ، لأنه هيعرفها ، خليك صريح معه ، خليك صريح معه ، عشان تنجو ، (قالوا يا أبانا مالِك لا تأمنا على يوسف و إناله لناصحون) إحنا هنعطيه خبرتنا و هنفيده و هنخليه يستفيد من تجاربنا بالحياة ، و هنزله لأرض الواقع ، يعرف بقى الدنيا فيها إيه ، ده يُعتبر إيه؟ إستهزاء مبطن من إخوة يوسف بيوسف -عليه السلام- ، دايماً كده المتكبر و الكافر و المجرم و المرتد بيرى في المؤمن بأنه ساذج أو إنه معندهوش خبرة ، دايماً بيحتقر المؤمن ، حقيقة الأمر المؤمن ده في كنف الله و في رعاية الله ، و اللي إنت شايفه ساذج ده أو بتظنه ساذج ، هو حقيقة الأمر على الفطرة و هو محمي ، محمي بفطرته ، و محمي بيكوريته لأنه بكر ، أي إنسان مؤمن هو طفل ، هو بكر الفكر ، فيه عذرية ، يعني إيه؟ في صفاء و نقاء .

{أَرْسَلُهُ مَعَنَا غَدًا يَرْتَعُ وَيَلْعَبُ وَإِنَّا لَهُ لَحَافِظُونَ} :

خليه يجي معنا بكرة/غداً في مضارب الرعي ، في تخوم يعني القرية كده في الصحرا ، خليه يجي معنا بكرة ، غداً يعني ، (يرتع و يلعب و إناله لحافظون) هنحفظه و هنعلميه و هندفاع عنه ، مش هنخليه يحتاج أي حاجة ، يرتع ، يعني إيه يرتع بقى؟؟ أي يذهب إلى مراتع الخصب و الرعي ، يذهب إلى الأماكن اللي فيها خصب و رعي و كلاً ، الأماكن اللي إحنا بنودي فيها الأغنام عشان ترعى ، كذلك يرتع ، يرتع يعني إيه بقى؟ خلي بالك ، ير أي يرى ، تع : إنقطاع العي ، أي يرى إنقطاع الآلام و العي ، يعني ينبسط ، يرتع : ير يرى ، التاء : قطع خفيف ، و العين : العي و اللوعة و اللعاعة ، فخليه يجي معنا بكرة يرتع يعني يرى إنقطاع العي ، يعني ينبسط ، و يلعب يعني يلهو و يفرح ، (و إناله لحافظون) .

{قَالَ إِنِّي لَيَحْزُنُنِي أَنْ تَذْهَبُوا بِهِ وَأَخَافُ أَنْ يَأْكُلَهُ الذِّئْبُ وَأَنْتُمْ عَنْهُ غَافِلُونَ} :

يعقوب قال لهم إيه (قال إنني ليحزنني أن تذهبوا به و أخاف أن يأكله الذئب و أنتم عنه غافلون) الكلمة دي لها معاني عظيمة جداً ، (قال إنني ليحزنني أن تذهبوا به) حزين إنه إنتو إيه ، هتغيبوه عن ناظري و لو حتى بضع سويعات ، كذلك (قال إنني ليحزنني أن تذهبوا به و أخاف أن يأكله الذئب) الذئب اللي هو مين؟ إنتو ، أخاف إنتو تاكلوه بغدركم و خيانتكم ، فهنا وصف الخونة بأنهم ذئاب أي غدارين ، يعقوب -عليه السلام- وصف الخيانة بأنها غدر كغدر الذئب ، هو نبي ، نبي فاهم في البواطن ، (و أخاف أن يأكله الذئب) اللي هم أنتم يعني ، نفوسكم الذئبية المريضة ، (و أخاف أن يأكله الذئب و أنتم عنه غافلون) أي في غفلة لأن الإنسان لا يذنب إلا إذا كان في غفلة ، إستحالة واحد مراقب ربنا يعني شايف إن ربنا مراقبه و حاسس بالإحسان و محقق الإحسان في قلبه و يُذنب ، لازم يكون في غفلة ، فصفتهم الذئبية دي هتطلع على يوسف و هم في غفلة ، في غفلة عن الله و عن الوصال و عن الوحي و نصائح أبيهم النبي ، (قال إنني ليحزنني أن تذهبوا به و أخاف أن يأكله الذئب) إنتو يعني أو الذئب اللي هو العادي المعروف ، (و أنتم عنه غافلون) تلتها عنه فالذئب ياكله يعني .

{قَالُوا لَئِنْ أَكَلَهُ الذِّئْبُ وَنَحْنُ عُصْبَةٌ إِنَّا إِدَّا لَخَاسِرُونَ} :



(قالوا لنن أكله الذئب و نحن عصابة) يرددوا عليه بقى إحنا كتار ، إحنا جماعة قوية ، إحنا أقويا ، عندنا خبرة في الدنيا ، عندنا خبرة في الحياة ، و في الآخر إيه؟ بياخدو صابونة ، الشيطان بيعطيهم الصابونة التمام ، ياخذوا الخازوق الصح من الشيطان المجرم ، دايماً كده الكفار المرتدين كده ، واخدين في نفسهم مقلب يعني ، واخذ في نفسه قلم(كف) زي ما المصريين بيقلوا ، صح كده؟ و هو في حقيقة الأمر ميعرفش أي حاجة ، اللي يعرف هو النبي و أتباع النبي ، طبعاً يعرف كل حاجة من اللي ربنا قالها يعني ، مش كل حاجة على الإطلاق يعني ، (قالوا لنن أكله الذئب و نحن عصابة إنا إذا لخاسرون) بيغردوا عضلاتهم على أبيهم أو بيستعرضوا خبراتهم و قوتهم على أبيهم ، إزاي يعني يحصل ده؟ إزاي الذئب ياكله و إحنا موجودين؟؟؟ ، شايف قلة الأدب بتاعتهم ، ف ده تربية ، و خلي بالك ، يعقوب مش كان الإبن البكر أو الكبير لإسحاق ، إبنه الكبير كان اسمه عيسو ، بس ربنا بارك يعقوب ، دلالة مش شرط يكون البكرية أو البركة تكون في الأكبر ، إنما هو في الأطهر قلباً . حد عنده سؤال ثاني؟ ، يلا . ((ثم بدأ مروان بقراءة الوجه المبارك و ثم البقية)) .

● و أثناء تصحيح نبي الله الحبيب يوسف الثاني ﷺ لتلاوتنا ، قال لنا :

بمناسبة ذكر الذئب هنا في السورة العظيمة ، أذكر أني كتبت هذه السطور في المدونة و نقلتها عني آسيا أمس ، قلتُ : "و كنتُ قد رأيتُ في الرؤيا أن بيتي هو حماية للناس من الذئاب ، و وجدتُ أن بشراً كثيرين يدخلون بيتي ليجدوا الأمان ، و رأيتُ الهبة تدخل بيتي ، و رأيتُ أنني أمام منزلي أجلس و أطعم الناس طعاماً يقطع ظلمة الليل" فربنا ورّاني/أراني إنني بحمي الناس من الذئاب ، الذئاب المادية و المعنوية ، لأن الكافر و المرتد و المُبغض و المتكبر ، هذا ذئب ، فيه غدر و خيانة ، فأنا بحمي الناس من الذئاب دي ، لأن ربنا هكذا قدر وهكذا تكلم ، فستتم كلمته .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانهك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين .
أمين .  

درس القرآن و تفسير الوجه الثالث من يوسف.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام النون الساكنة و التنوين , ثم قام بقراءة الوجه الثالث من أوجه سورة يوسف ، و أجاب على أسئلتنا بهذا الوجه ، ثم صحح لنا تلاوتنا ، و أنهى الجلسة بأن صحح نبي الله تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الثالث من أوجه سورة يوسف ، و نبدأ بأحكام التلاوة و أحمد :

- من أحكام النون الساكنة و التنوين :

الإظهار : أي أنه إذا أتى بعد النون الساكنة أو التنوين الحروف من أوائل الكلمات (إن غاب عني حبيبي همّني خبره) ، و حروف الإظهار تجعل النون الساكنة أو التنوين تُظهر كما هي .

الإقلاب : إذا أتى بعد النون الساكنة أو التنوين حرف الباء يُقلب التنوين أو النون ميماً . ثم يكون إخفاء شفويا . مثال : من بعد .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة الإخلاص ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

في هذا الوجه يحكي لنا الله سبحانه و تعالى عن بداية تنفيذ المؤامرة التي خطط لها إخوة يوسف الحاسدين الذين لم يشكروا نعمة الله عز و جل و لم يوقروا أباهم نبي الله يعقوب ، بل إمتلئت صدورهم حسداً لأنهم لم يكونوا يعملوا على تزكية أنفسهم ، لم يكونوا يسمعون لكلام نبي الله إسرائيل -عليه السلام- .

{قَلَمًا ذَهَبُوا بِهِ وَاجْمَعُوا أَنْ يَجْعَلُوهُ فِي غِيَابَةِ الْجُبِّ وَأَوْحَيْنَا إِلَيْهِ لَتُنَبِّئَنَّهُمْ بِأَمْرِهِمْ هَذَا وَهُمْ لَا يَشْعُرُونَ} :

(فلما ذهبوا به و أجمعوا أن يجعلوه في غيابة الجب) هنا بقى إيه؟ إبتدت المؤامرة تتحقق بعد ما زّنوا على أبيهم يعقوب إن هم ياخذوه معهم ، ياخذوا يوسف معهم يعني ، (فلما ذهبوا به) ذهبوا به إلى الصحراء يعني ، (و أجمعوا أن يجعلوه في غيابة الجب) أجمعوا يعني عزموا أمرهم و اجتمعوا على هذا الرأي ، (أن يجعلوه في غيابة الجب) ينزلوه بدلو كده ، يربطوه بحبل و ينزلوه في بئر/بئر كان معروف في المكان ده ، (و أوحينا إليه لتنبئهم بأمرهم هذا و هم لا يشعرون) هنا المعنى معنيين : (و أوحينا إليه) أي أوحينا إلى يعقوب في الضحى ، في الرؤيا ، إن عيالك هيعملوا مكيدة و يكذبوا عليك و هيجوا يقولوك كلام كاذب فماتصدقهمش ، (و هم لا يشعرون) يعني هم لم يشعروا بأننا أوحينا إليك ، لأن وحي الله لطيف ، لأن وحي الله لطيف ، (و أوحينا إليه) أي إلى يوسف -عليه السلام- ، (لتنبئهم بأمرهم هذا و هم لا يشعرون) يعني هتلتقي بهم بعد كده و تحكيهم عن مكيدتهم دي اللي ربنا نجاك منها و هم لا يشعرون ، و هم لم يكونوا يعرفوك وقتها .

(غيابة الجب) غيابة ، غيبة : الغين طبعاً إيه؟ غيبة و غبش و ضباب و استتار ، الياء تموج ، غيابة الجب ، غيب ، في غيب أي غيبوه إلى قعر البئر ، كلمة الجب إحنا شرحناها في الوجه اللي فات .

{وَجَاؤُوا آبَاهُمْ عِشَاءً يَبْكُونَ} :

رجعوا لأبوهام العشا بالليل يعني ، (يبكون) مش إيه؟ يتباكون ، مش ييمثلوا ، لا ، ده عايشين الدور ، ييكون يعني إيه؟ عايشين الدور يعني ، ييمثلوا صح ، حاسين بأحاسيس البكاء فعلاً ، عشان يسبوكوا الدور ، فاكرين إن هم كده هيخدعوا نبي الله يعقوب ، مش عارفين إن ربنا قال له ، محدش يقدر يخدع أي نبي ، محدش يقدر ، ليه؟ لأن ربنا معه ، ف ده درس ، آه درس نستفيده ، مجموعة من العصاة ، أبوهام نبي و عصاة و العياذ بالله ، جايبين يضحكوا على أبيهم أو يحاولوا يمثّلوا عليه عشان يسبوكوا المؤامرة ، فكانوا ييكون مش يتباكون ، ييكون يعني بينزلوا دموع بجد ، عايشين الدور يعني ، زي الممثلين كده اللي بيجوا في المسلسلات و الأفلام ، بتلاقيه بيعيط بجد ، لأنه عايش الدور ، صح؟؟ و ده من تلبس إبليس ، و دي دموع التماسيح ، من تلبس إبليس اللعين .

{قَالُوا يَا أَبَانَا إِنَّا ذَهَبْنَا نَسْتَبِقُ وَتَرَكْنَا يُوسُفَ عِنْدَ مَتَاعِنَا فَأَكَلَهُ الذِّئْبُ وَمَا أَنْتَ بِمُؤْمِنٍ لَّنَا وَلَوْ كُنَّا صَادِقِينَ} :

(قالوا يا أبانا إنا ذهبنا نستبق) رحنا كده إيه ، نتسابق بعيد عن يوسف ، (و تركنا يوسف عند متاعنا) المتاع اللي هو إيه؟ الأدوات بتاعتنا و أغراض الرحلة اللي إحنا كنا طالعيناها دي ، قلنا له إقعد شوية عند المتاع عبال ما نروح نتسابق و نرجع تاني ، (فأكله الذئب) الذئب أتى و أكله ، (و ما أنت بمؤمن لنا و لو كنا صادقين) إحنا عارفين إن إنت مش هتصدقنا حتى و لو كنا صادقين ، عشان إنت مش بتعاملنا حلو زي يوسف ، مابتحناش زي يوسف يعني ، فأنت شكك كده مش هتصدقنا ، شوف شوف ، و كمان إيه بيتعدوا على نبي الله و يقولوه/بيأولوه كلام هو ماقلهوش لسي ، (و ما أنت بمؤمن لنا و لو كنا صادقين) شوف بيجتروا على نبي الله إزاي ، ف ده درس ، درس نتعلم منه ، خطورة عصيان النبي ، تمام كده؟ طيب ، يبقى هم هنا عملوا إيه؟ خانوا العهد مع أبيهم يعقوب و غدروا بأخيه ، ثلاثة : و كذبوا و أوغلو في الكذب ، أربعة : بيجتروا على نبي يعقوب و لا يوقروه ، و إيه تاني بقى عشان يسبوكوا القصة؟؟؟

{وَجَاؤُوا عَلَى قَمِيصِهِ بِدَمٍ كَذِبٍ قَالَ بَلْ سَوَّلَتْ لَكُمْ أَنْفُسُكُمْ أَمْرًا فَصَبْرٌ جَمِيلٌ وَاللَّهُ الْمُسْتَعَانُ عَلَى مَا تَصِفُونَ} :

و إيه تاني عشان يسبوكوا القصة؟؟ (و جاؤوا على قميصه بدم كذب) خلعوه القميص ، و القميص هو الجزء العلوي من الملابس زي الجلابية القصيرة تسمى قميص ، كأنها جلابية يعني بس قصيرة مثلاً ، لغاية

الركبة مثلاً ، (و جاؤوا على قميصه بدم كذب) خلعوه القميص و جابوا إيه ، ذبحوا أي غزالة مثلاً أو شاة كده و حطوا الدم بتاعها على القميص ده ، و وروه/أروه لأبيهم ، أهو الدليل أهو ، شووف القميص بتاع يوسف أهو ، ده قميص يوسف ، و هنعرف قصة قميص يوسف بعد كده في آخر السورة ، له قصة تانية ، طبعاً قميص تاني يعني ، شووف يعقوب أهو ، بيحاولوا يكذبوا على نبي الله ، يا نهار أزرق ، أنا مش عارف إزاي كانت نفسياتهم عامله إيه ، على العموم النفسيات دي بتتكرر كل زمان و مكان ، و إحنا شفتناهم يعني و جربناها ، بيحاول يكذب على نبي الله و يخدعه؟؟؟ ده إيه ده؟؟؟!! ده اللي بيعمل كده ، معندوش إيمان أصلاً ، إزاي تحاول تخدع نبي الله و تغشه ، متعرفش إن ربنا معه و هيقوله؟؟؟ ، (قال بل سولت لكم أنفسكم أمراً) بيقين بيتكلم يعقوب أهو ، لأنه أتاه وحي من الله بأنهم كذابين و هيجبوا يعملوا مكيدة و يخدعوك و يقولوا لك كلام كاذب ، (قال بل سولت لكم أنفسكم أمراً) نفوسكم المريضة الغير مزكاة هي اللي خلتكم تعملوا أمر مش عاوزين تقولوه ، الحل إيه بقى ليا أنا ، ليعقوب؟؟ (فصبر جميل) اعتزلهم بقى في الوقت ده ، (فصبر جميل) هيصبر ، (و الله المستعان على ما تصفون) ربنا يعيني على كل المكيدة اللي إنتو عاملينها دي و المسرحية و التمثيلية اللي عاملينها عليّ ، (و الله المستعان على ما تصفون) ما تصفون من كذب و تمثيل و بهتان و إفتراء ، ربنا يعيني عليكم ، مع إنهم ولاده ، تخيلوا بقى؟ شفتوا الألم .

{وَجَاءَتْ سَيَّارَةٌ فَأَرْسَلُوا وَارِدَهُمْ فَأَدْلَى دَلْوَهُ قَالَ يَا بُشْرَى هَذَا غُلَامٌ وَأَسَرُّهُ بِضَاعَةً وَاللَّهُ عَلِيمٌ بِمَا يَعْمَلُونَ}

(و جاءت سيارة فأرسلوا واردهم فأدلى دلوه) سيارة اللي هي قافلة يعني ، تسير في الصحراء ، سيارة هي القافلة ، (فأرسلوا واردهم) الراجل اللي هو بيروح بيملا مية/ماء للقافلة ، مسؤول المية يعني ، (فأرسلوا واردهم) اللي هو بيرد المياه ، بيرد أماكن المياه يعني ، (فأرسلوا واردهم فأدلى دلوه) نزل كده جردل/دلو بحبل ، و نزله كده في البير على أساس يشد شوية مية ، و هو بينزل كده في البير و يبص كده لاقى إيه؟ الجردل مش عاوز يطلع ، فبص/نظر لاقى إيه يوسف متعلق بالجردل ، (قال يا بشرى هذا غلام) إيه ده؟ ده في غلام تحت أهو ، اللي هو إيه سن ثلاثشراية كده ، ١٢ أو ١٣ السن ده ، (قال يا بشرى هذا غلام) دائماً كده لفظ الغلام ببيجي في القرآن ، في مناط المسرة و في مناط البشرى و الثبات على الحق و التوحيد ، فلذلك لا نعجب عندما يكون المسيح الموعود اسمه غلام احمد ، فكلمة غلام هي كلمة تأتي في مناط البشرى و المسرة ، (و أسروه بضاعة و الله عليم بما يعملون) أسروه هنا عائد على مين؟ إخوانه لأنهم كانوا مراقبين البير و مراقبين القافلة اللي هتيجي ، و شافوه أول ما طلع كده فراحوا عليه ، على القافلة دي ، ده العبد بتاعنا ، عبد أبق و إحنا هنبيعه لكو ، (و أسروه بضاعة) يعني باعوه في السر ، بعيد عن إيه؟ عن عين أبيهم يعقوب و أمهات المؤمنين وقتها ، (و أسروه بضاعة) في السر كده باعوه ، (و الله عليم بما يعملون) ربنا عالم اللي هم بيعملوه ، اللي هو من ورا أبيهم ، بس هو ربنا عالم ، و مش هيقول ليعقوب دلوقتي عن الحادثة دي ، هو بس قايل ليعقوب إيه؟ إنهم كذابين و يوسف حي ، بس ، ربنا ماقلهوش إنه فين بالزبط و حصل إيه ، عشان ميجريش و يروح وراه ، عشان ربنا يكمل الخطه ، عشان كلمة ربنا تتم ، أهو حتى النبي ربنا بيحجب عنه جزء من الغيب ، عشان ربنا عالم بنفسيته ، فهو على الأساس ده ربنا بيتصرف معه و بيديله/يعطيه على قد ما يحتاج ، و على قد الموقف ما يستحمل ، عشان ربنا يكمل المهمة اللي مخططها ، اللي هي إيه؟ تربية يوسف في مكان وحشي ، مصر دي كانت مكان وحشي ، مليء بالوثنية (ملة قوم لا يؤمنون بالله و لا باليوم الآخرة) تمام كده ، و عشان ربنا يُمكن ليوسف ، و داه/بعثه مكان التمكين في مصر ساعتها ، لأن مصر ساعتها كانت دولة عظمية يعني ، زي أمريكا كده ، كانت هي تعتبر أمريكا دلوقتي ، واخدين بالكو ، أقوى قوة ساعتها ، كانت هي إيه؟ مصر ، فلما يتربى بمصر ، هيطلع إيه؟ في مكان التمكين ، فربنا يخططه ، زي ما ربنا خطط لموسى ، إنه يتربى في بيت فرعون ، صح كده؟ ، ربنا ده مخطط عظيم جداً ، خلي بالك .

{وَسَرُّهُ بِثَمْنٍ بَخْسٍ دَرَاهِمَ مَعْدُودَةٍ وَكَانُوا فِيهِ مِنَ الزَّاهِدِينَ} :

يعني إيه؟ إخوانه باعوه بدراهم قليلة ، ما فاصلوش حتى ، يعني مثلاً لو هو يستاهل ١٠٠ درهم ، قولوا مثلاً باعوه بعشرين و لا بخمسة و عشرين ، يلا ، (و كانوا فيه من الزاهدين) زاهدين في أخيهام و كذلك السيارة القافلة كانوا برضو زاهدين يعني ، إحنا مكناش عاملين حسابنا ، إن إحنا إيه ، نشترى غلام و لا

نروح نبيعه و لا هنشيل جمل تأكله طول الطريق ، فكانوا برضو فيه من الزاهدين ، محدش عاوزه ، بس قالوا إيه؟ بيعة و خلاص ، ممكن نستفيد منه و خلاص ، فربنا هنا جعلهم يزهدوا فيه ، إيه؟ عشان يروحوا يبيعوه في مصر ، لمين؟ لواحد باشا من الباشوات ، زمان كانوا بيقلوا عن الباشوات أو ربنا عبر عنه في القرآن بإسم العزيز ، العزيز ده مش منصب واحد و هو الوحيد في مصر ، لا ، العزيز هي طائفة النبلاء ، النبيل كان يُسمى عزيز ، طبعاً دي هنا تعريب ، أكيد كان لها لفظ ساعتها هيروغليفي يعني ، بس هي هنا تعريب ، القرآن يعني معرب المنصب ده و فقال عليه العزيز ، اللي هو راجل نبيل كده ، شخصية نبيلة ، فواحد من النبلاء دول إشتري يوسف ، مش إن هو كان منصب كبير في البلد و هو ده العزيز اللي إشتري يوسف ، مش مكش في غير العزيز ، لا ، ده فهم خاطئ .

{وَقَالَ الَّذِي اشْتَرَاهُ مِنْ مِصْرَ لَامْرَأَتِهِ أَكْرِمِي مَثْوَاهُ عَسَىٰ أَنْ يَنْفَعَنَا أَوْ نَتَّخِذَهُ وَلَدًا وَكَذَٰلِكَ مَكَّنَّا لِيُوسُفَ فِي الْأَرْضِ وَلِنُعَلِّمَهُ مِنْ تَأْوِيلِ الْأَحَادِيثِ وَاللَّهُ غَالِبٌ عَلَىٰ أَمْرِهِ وَلَٰكِنَّ أَكْثَرَ النَّاسِ لَا يَعْلَمُونَ} :

(و قال الذي اشتراه من مصر لامراته أكرمي مثواه عسى أن ينفعنا أو نتخذه ولداً) واحد كده من الطائفة النبيلة ، كان عنده إيه؟ متجوز واحدة و مفيش بينهم عيال ، مفيش عندهم عيال ، فقام قال إيه؟ أعجب بالغلام ده ، و قال ناخذه يخدمنا و يمكن مع الوقت نتبناه كده و يبقى ابننا و ندليه إسمنا ، زمان كان التبني عادي ، و التبني موجود في كل العالم دلوقتي بس الإسلام هو اللي محرمه ، عشان مايحصلش إختلاط للأنساب (أدعوهم لأبائهم هو أقسط عند الله) ، (أكرمي مثواه) كلمة مثوى هنا معناها إيه؟ طبعاً نير العبودية نير يعني قيد و ألم ، فربنا عبر عن مكان جلوس يوسف هنا إيه؟ بالمشوى ، إنه هو مكان يكون مُقيد فيه ، يأتُر بأمر سيده و سيدته ، فهو قال لها و وصاها عليه (أكرمي مثواه) يعني خلي القيد بتاعه و العبودية بتاعته مُكرمة كده ، ماتضيقيش عليه ، (عسى أن ينفعنا أو نتخذه ولداً) يمكن بعد كده يبقى ابننا فمانقشاش عليه يعني ، فدايماً كلمة مثوى هنا ، ميم مفاعلة ، الثاء دهشة ، مش إحنا عرفنا إن الثاء دهشة و أذى و صوت الأفعى ، (أكرمي مثواه عسى أن ينفعنا أو نتخذه ولداً) ، و بعدين بقى ، بداية القصة دي كده ، شووف ربنا دبّر الأسباب دي عشان إيه؟ (و كذلك مكنا ليوسف) عشان ربنا يبدأ معه مسيرة التمكين ، بيهيئه له مهمة عظيمة في المستقبل ، مهمة روحية و مهمة مادية ، (و كذلك مكنا ليوسف في الأرض) بداية التمكين ، كانت من بداية دخوله بيت العزيز ده ، كان إسمه فوتيفار و مراته كان إسمها زليخا ، (و كذلك مكنا ليوسف في الأرض و لنعلمه من تأويل الأحاديث) من هنا بقى ، من بداية جلوسه في مصر ، من يفوعه ده ، الفترة دي هيبدأ يكبر ، هنا بقى الفترة دي ، الموحشة دي ، هننعم عليه بعلم تأويل الأحاديث ، عشان يبقى تسرية له و تثبيت لقلبه على التوحيد ، عشان مايثأثرش بالآلهة الوثنية الموجودة في مصر و العقائد الشركية الوثنية الموجودة ساعتها في مصر زمان ، ما هو ربنا بيربيه أهو ، على عينه ، صح؟ ، (و لنعلمه من تأويل الأحاديث) و عرفنا كلمة أحاديث معانيها إيه و إيه سُميت أحاديث ، أحاديث يعني تحدث باستمرار ، أحاديث تتجدد باستمرار ، أحاديث يعني فيها حديث ما بين العبد و ربه أو ما بين العبد و الملائكة أو ما بين العبد و أرواح أخرى ، (و الله غالب على أمره) ربنا دايماً الغالب ، الله غالب ، كلمة عظيمة ، الله غالب ، (و الله غالب على أمره و لكن أكثر الناس لا يعلمون) أسباط أهو ، أولاد يعقوب ، أولاد نبي ، معندهمش يقين بأن ربنا هو الغالب ، بس ربنا عمل القصة دي عشان يبقى درس لكل الأجيال عبر الأزمان ، إن ربنا غالب ، ربنا غالب ، محدش يقدر ينتصر على ربنا ، ربنا غالب .

{وَلَمَّا بَلَغَ أَشُدَّهُ آتَيْنَاهُ حُكْمًا وَعِلْمًا وَكَذَٰلِكَ نَجْزِي الْمُحْسِنِينَ} :

خلي بالك ، الآية (و شروه بثمن بخس دراهم معدودة و كانوا فيه من الزاهدين) ده إيه؟ حدث ، زي ما نقول فلاش باك ، مش هم راحوا لأبيهم و قعدوا يسبكوا عليه القصة و حاولوا يضحكوا عليه و يكذبوا عليه ، (و جاءت سيارة فأرسلوا واردهم فأدلى دلوه قال يا بشرى هذا غلام و أسروه بضاعة و الله عليم بما يعملون و شروه بثمن بخس دراهم معدودة و كانوا فيه من الزاهدين) ده فلاش باك ، يعني ده حصل قبل ما يروحوا بيكوا عند أبيهم ، كانوا هم خلصوا القصة كلها ، إن هم مامشيوش إلا لما خلصوا القصة ، تمام كده؟ و مش شرط (عشاء) إن هو في نفس الليلة ، ممكن يكونوا قعدوا يومين ثلاثة ، و بعد كده أتو في يوم بالليل ، فاهمين؟ ، يبقى ده (و شروه بثمن بخس ...) ده كان فلاش باك ، يعني مشهد من الماضي ، قبل الحدث اللي إتذكر الأول ، اللي هو إيه؟ محاولة كذبهم على نبي الله يعقوب ، طيب آخر آية في الوجه (و

لما بلغ أشده آتيناها حكماً و علماً و كذلك نجزي المحسنين) ده مشهد من المستقبل ، لأن (و لما بلغ أشده) يعني بقى عنده أربعين سنة ، (حكماً) الحكم و التمكين يعني ، (و علماً) الوحي ، (و كذلك نجزي المحسنين) المُحسن بقى ، خلي بالك درجة الإحسان ، اللي هو يعبر في الجنان خالداً مخلد ، أبد الأبدين لا يفنى أبداً ، المُحسن ، مش إحنا عارفين إن ده الشرط الوحيد لعبور الجنان المتعاقبة ، (و كذلك نجزي المحسنين) هم الأنبياء و الصالحين و الأتقياء و المُخلصين و المصطفين ، صح كده؟ و المجتبيين ، (و كذلك نجزي المحسنين) ، ربنا أعطانا هنا مشهد من المستقبل ، عند أربعين سنة ، ليه بقى؟ لأن الوجه اللي بعده هيجاننا بدايته إيه؟ قصة حصلت قبل سن الأربعين ، يعني تقريباً قول مثلاً بعد ما قعد عندهم خمس سنين مثلاً ، سبع سنين ، هو راح مثلاً عندهم و هو عنده ١٤ ، ١٣ سنة ، و بعد كده ، بعد كم سنة كده ، لما كبر و بقى راجل ، حصل مشهد هيبداً ذكره في الوجه اللي بعده ، المشهد ده حصل قبل الآية دي ، يبقى الآية دي (و لما بلغ أشده و آتيناها حكماً و علماً و كذلك نجزي المحسنين) المشهد ده من المستقبل ، عشان ربنا يطمنا على يوسف ، قبل ما يحكي الحكاية و الألم و الأزمة اللي هتيجي في الوجه اللي جاي ، و سنعرف إن شاء الله الحكاية و الفتنة العظيمة التي تعرض لها يوسف -عليه السلام- .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم تسليماً كثيراً ، سبحانه اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين .
 آمين . 🌿💚

درس القرآن و تفسير الوجه الرابع من يوسف.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام النون الساكنة و التنوين , ثم قام بقراءة الوجه الرابع من أوجه سورة يوسف ، و أجاب على أسئلتنا بهذا الوجه ، و أنهى نبي الله الحبيب الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الرابع من أوجه سورة يوسف ، و نبدأ بأحكام التلاوة و أحمد :

من أحكام النون الساكنة و التنوين :

الإدغام و حروفه مجموعة في كلمة (يرملون) أي أنه إذا أتى بعد النون الساكنة أو التنوين حرف من حروفها , و هو نوعان : إدغام بغنة و حروفه مجموعة في كلمة (ينمو) . و إدغام بغير غنة و حروفه (ل ، ر) .

و الإخفاء الحقيقي حروفه في أوائل الكلمات من الجملة الآتية (صف ذا ثنا كم جاد شخص قد سما دُم طيباً زد في تقي ضع ظالماً) .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة الكوثر ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

عارفين إن يوسف النبي -عليه السلام- و هو غلام إشتراه واحد باشا من باشوات مصر أيام الفراعنة ، أيام القدماء المصريين يعني ، و القرآن عبر عن طبقة النبلاء ، إنه يطلق على النبيل لفظ العزيز ، واحد كان متجوز واحدة مابخلفوش ، قام إشتري يوسف و قال إيه ، ينفعنا أو إحنا نتبناه ، نديله إسمنا و يبقى إبننا ، قعد بتاع تقريباً ، تقريباً ٧ سنين من ساعة ما إشتروه ، يعني مثلاً قول إشتريه و عنده ١٤ سنة مثلاً ، قعد ٧ سنين ، على سن ٢١ ، ٢٠ كده ، حصلت إيه ، القصة دي ، طبعاً القصة دي كان لها إيه ، مقدمات .

{وَرَاوَدْتُهُ الَّتِي هُوَ فِي بَيْتِهَا عَنْ نَفْسِهِ وَغَلَّقَتِ الْأَبْوَابَ وَقَالَتْ هَيْت لَكَ قَالَ مَعَاذَ اللَّهِ إِنَّهُ رَبِّي أَحْسَنَ مَثْوَايَ إِنَّهُ لَا يُفْلِحُ الظَّالِمُونَ} :

فربنا سبحانه و تعالى بيقول عن مرات/زوجة العزيز ده اللي هي زليخا (و راودته التي هو في بيتها عن نفسه) ليه بقى؟ لأنها هي مستضعفاه ، لأنه هو تحت أمرها ، تمام كده ، جميل أوي ، و كلمة (راودته) يعني حاولت تلف عليه ، تلف عليه زي الأفعى كده ، تعمل عليه دايرة زي الأفعى ، عرفنا إزاي الكلام ده؟ من الكلمة نفسها ، من أصوات الكلمة (و راودته) : را : رأت و أرّت ، الواو تموج دائري منتظم ، كذلك راودته أي أراته الود ، را ود أي أرتاه الود الدائم ، لكن ليس الود الطاهر ، إنما الود المبطن بالشهوة المحرمة ، (و راودته) أي ودّته ، أراته ، ودته أي أراته ، (و راودته) أي حاولت تلف عليه ، يعني حاولت تغريه ، (و راودته التي هو في بيتها عن نفسه و غلقت الأبواب) غلقت : صيغة مبالغة ، فَعَلَّتْ ، يعني أكدت على إغلاق الأبواب ، يعني مثلاً باب البيت و باب الغرفة مثلاً ، مش أغلقت ، لا غَلَقْتُ من باب إيه ، الزيادة و المبالغة ، (و غلقت الأبواب و قال هيت لك) و في قراءة ثانية (و قالت هت لك) هت لك يعني تهينت لك ، بقيت إيه ، لبست لبس حلو و حطيت عطر مثلاً و تزينت و عاوزاك إيه ، تجامعني أو تنام معي بالحرام ، هو ده المعنى ، إمراة فاجرة ، تمام ، و هنعرف إيه سلوكها في وسط القصة ، كان شكله عامل إزاي ، إذا عرفنا كلمة (و راودته) معناه إيه ، لفت عليه زي الأفعى ، راودته : را أرتاه الود ، و رأت منه طبعاً ما تريده من جمال مثلاً و رجولة ، (و راودته) و الواو تموج دائري منتظم ، ماشي؟ ، طيب ، و ودته يعني إيه؟ أراته أو رغبتة ، في كلمة كان في السعودية زمان ، كان بيقولها البدو : ودي أشرب مثلاً حاجة ، ودي يعني أريد أو أبغي ، (و راودته) أرتاه الرغبة ، رغبتاه فيه ، فهنا صوت الكلمة مُعبر جداً ، القرآن ده عظيم جداً ، اللغة العربية عظيمة جداً و خصوصاً إذا كانت في القرآن الكريم .

(و قالت هيت لك) من أصوات الكلمات هيت لك ، إيه بقى؟ الهاء تنبيه ، و الياء تموج ، و التاء قطع خفيف ، يعني بتقوله إيه؟ (هيت لك) يعني إيه؟ أنا بنبهك ، بعطيك إشارة أو تنبيه ، الهاء أهو ، و الياء تموج بيني و بينك ، تموج يعني إيه؟ مش مرة واحدة ، لا حاولت كذا مرة تلفت إنتباهه و هو إيه؟ كان بيتعفف ، بيستعصم ، و يستغفر لأنه هو إنسان نبيل شريف طاهر القلب ، مش خسيس و لا دنيء ، مايبخونش ، هبخون سيده؟؟ هبخون زوجها؟؟ مينفعش ، لأنه ده نبي ، قلبه طاهر ، عفيف شريف نظيف فيستعصم ، الأنبياء عندهم رغبات زيهم زي البشر ، و عندهم غرائز زي ما ربنا حطها في البشر ، و لكن يُحسنوا إستخدامها و لا يُصرفونها إلا في الحلال و في مواطن الشرف و الفخر و النبيل ، (هيت لك) بقى من أصوات الكلمات ، يعني إيه : الهاء تنبيه ، يعني أنا بنبهك بايه؟ بتزيني و ترققي بالكلام معك ، بتترقق معه في الكلام ساعات ، مش هي المرة دي بس ، ده كذا مرة ، المرة دي كانت الحاسمة اللي هي بقى ، أقفلت الباب و يلا مش هسيبك ، فحصلت إيه القصة ، المشكلة يعني ، لكن هي أصلاً إيه ، كانت بتحاول تلفت إنتباهه يعني ، فالهاء تنبيه ، بتحاول تنبيهه ، الياء تموج يعني إيه؟ الموجة بتطلع و تنزل ، بتطلع و تنزل ، يعني هي على وقت ، شد و ارخي ، شد و ارخي ، زي الحبل كده ، شد و ارخي ، تموج ، تطلع الموجة لفوق و تنزل لتحت ، يعني ببطء على أيام ، خطوات الشيطان ، الموجة هنا موجة خطوات الشيطان ، اللي هي تحاول تُنبهه من خلالها ، التاء قطع خفيف ، يعني بتقوله إقطع العصمة أو الإستعصام اللي بترسمه عليّ ده ، لأن هي مش عاجبها إنه شريف ، برضو إزاي هي واحدة مش شريفة و اللي قدامها ده شريف ، عاوزة توقعه في الدنس عشان تبقى مبسوطة ، عاوزة توقعه في الغلط و الحرام عشان هي تبقى إيه؟ مبسوطة ، في مثل عربي بيقول إيه : ودت الزانية لو أن كل النساء زواني ، الواحد الدنيء الوسخ يبقى عاوز الناس كلها أوساخ زيّه ، للأسف الشديد العصر بتاعنا ده ، عصر ظبية الدجال ، عصر إيه ، عياداً بالله ، عصر إيه ، عصر دنيء جداً ، طبعاً مش العصر بحد ذاته ، إحنا بنتكلم عن سلوك البشر يعني ، ماشي ، فسلوك البشر ، عياداً بالله ، المنتشر و اللي الشيطان رسخه في قلوب الناس في العصر ده ، حاجة من الإتنين ، يا سلوك ظبية الدجال اللي هو التعري و تأود النساء و النساء يبقو غير عفيفات ، و الطريق الثاني إيه؟؟ النفاق و الكذب و كتمان كلمة الحق ، عياداً بالله ، فدل أوسخ صفتين ، أوسخ صفتين ، الصفة الأولى : عدم الشرف المادي ، و الصفة الثانية : عدم الشرف المعنوي ، لأن كلمة الحق شرف ، و التعفف عن الزنا أيضاً شرف ، يبقى الشرف مش هو التعفف بس عن العلاقة الحرام ، لا ، كذلك الشرف إنك تقول كلمة الحق ، بل هو أعظم الجهاد و أعظم الشرف ، صح كده؟ حلو أوي أوي ، فالعصر ده عصر إيه ، عياداً بالله ، سلوك الناس فيه دنيء ، ليه؟ لأن الدجال سيطر على الأرض و نشر الفسق و الفجور بين الناس ، نلاحظ مثلاً ، نلاقي الشركات مثلاً الإتصالات أو أي مثلاً شركات سياحة ، بيعينوا مين أكثر ناس؟؟ البنات ، لو راحو بنتين مثلاً ، واحدة محببة محترمة ، واحدة لا ، متبرجة بشعرها و لابسة ضيق و سلوكها مش سليم ، يعينوا اللي سلوكها مش سليم ، ليه بقى؟ حتى لو كانت قدراتها و إمكانياتها أقل ، لأنه ده أسلوب خسيس لجلب الزبائن ، و ده اللي منتشر في العالم دلوقتي عياداً بالله ، تلاقى مثلاً لو إتصلت

بشركة إتصالات أو أي شركة مثلاً أو أي خدمة عامة ، بترد عليك إيه؟ واحدة كده بتتبيع و بتخضع بالقول ، آه عياداً بالله ، ليه؟؟ عشان تجلب النفوس المريضة ، و تلاقى الإعلانات في التليفجن ، معظم الإعلانات عن أي سلع ، يجيبوا واحدة ، لا مؤاخذه ، لابسة مش لابسة ، صح كده؟؟؟ ، ف ده عصر ظبية الدجال ، عصر عدم الشرف ، مفيهوش شرف ، عياداً بالله ، لا شرف العفة و لا شرف الكلمة ، تمام ، حلو أوي .

يبقى (قالت هيت لك) هاء تنبيه : أنا بنبهك و بلفت إنتباهك كل شوي ، الياء تموج : على فترات ، بشد و برخي معك ، التاء قطع رقيق : يعني بتحاول معه يقطع الإستعصام بتاعه و مجاهدة العفة ، يعني مجاهدة سلوك العفة لأنه عفيف ، تمام كده ، حلو أوي ، كذلك (هيت لك) في قراءة ثانية (هت لك) يعني أنا تهيت لك .

قال مباشرة (قال معاذ الله) أعوذ بالله ، (قال معاذ الله) يعني أنا بستعيز بالله عز و جل ، يعني أنا بلجأ لله عز و جل من الكلام اللي إنت بتقوليه ده ، (قال معاذ الله إنه ربي أحسن مثواي) (ربي) هنا تأتي بمعنىين : ربي يعني الله سبحانه و تعالى ، أكرمني بالنعمة و بالمثوى اللي أنا فيه دلوقتي ده ، إزاي أخون ربنا ، أخون ربنا أولاً يعني ، الله الواحد يعني ، لأنه يراني فهو مُحسن ، يوسف النبي مُحسن ، و كذلك الأنبياء كلهم و الصالحين ، فهو دلوقتي يُراقب الله ، يعلم أن الله يراه فيقول (إنه ربي أحسن مثواي) هو أحسن مثواي و أنا بحسن إلى ربي ، و كذلك (ربي) يعني جوزها اللي هو إشتراه ، اللي هو فوتفار ، (إنه ربي أحسن مثواي) يعني هو أحسن إقامتي و أحسن معاملتي ، فهل أنا ينفع أخونه مع أهله أو مع زوجته؟؟؟ إستحالة ، (قال معاذ الله إنه رب أحسن مثواي) هنا بقى ظهرت الكلمة ، يعني إيه ، في الأول كان ممكن بالإشارة هو بيتمنع و بيتعفف ، دلوقتي طلبها صريح ، و هو جابها بشكل صريح أيضاً و قال لها (معاذ الله إنه ربي أحسن مثواي إنه لا يفلح الظالمون) لو أنا خنت يبقى أنا ظالم ، عياداً بالله ، لو أنا ظلمت ، ظلمت نفسي و ظلمت الراجل اللي مأمني على بيته و أهله اللي هو فوتفار ، صح كده؟ هو ده سلوك الأنبياء الشريف ، (قال معاذ الله إنه رب أحسن مثواي إنه لا يفلح الظالمون) .

{وَلَقَدْ هَمَّتْ بِهِ وَهَمَّ بِهَا لَوْلَا أَنْ رَأَى بُرْهَانَ رَبِّهِ كَذَلِكَ لِنَصْرِفَ عَنْهُ السُّوءَ وَالْفَحْشَاءَ إِنَّهُ مِنْ عِبَادِنَا الْمُخْلَصِينَ} :

بعد كده ربنا بيصف الحالة النفسية ، الحالة النفسية لزلخا و يوسف النبي ، (و لقد همت به و هم بها لولا أن رأى برهان ربه) ، هي (همت به) يعني رغبتها من جواها بتحبه ، بتحبه طبعاً حُب حرام ، صح؟ لأنه مش جوزها ، صح؟ ، (و لقد همت به) اللي هي زُلخا ، (و هم بها) اللي هو يوسف النبي ، أي نبي يبقى جواه غرائز زي البشر ، بس فرقه عن البشر إيه؟ إن ربنا بيعصمه ، أعطيكم مثال ، يعصمه إزاي بقى؟ يعني كأن النبي ده مثلاً جهاز كهربائي زي التليفجن مثلاً أو الكمبيوتر ، فربنا سبحانه و تعالى يجي وقت الفتنة و فعل الفتنة ، يقوم ربنا شادد الفيشة ، يشد فيشة الكهرباء عنه ، عن الجهاز ده ، فالجهاز يبطل ، كده ميعرفش ، يبقى لخمه ، يبقى إيه؟ لخمه ، ميعرفش يتصرف المعصوم ، ميعرفش يقع في كُيرة ، لا يعرف أن يقع في كُيرة ، ليه؟ لأن ربنا شد فيشة الكهرباء عنه ، في الوقت ده ، كده ، ده قدر مقدور ، لأن ربنا بعد إستواء النبي و تبليغه ، ربنا بيعصمه من الكبائر ، كده يشد الفيشة على طول ، (و لقد همت به و هم بها لولا أن رأى برهان ربه) (برهان ربه) اللي هي العصمة ، (برهان ربه) اللي هو إيه؟ وحي الله عز و جل و تثبितه في الموقف ده ، (برهان ربه) في الوقت ده ، ربنا خلاه يشوفها حقيرة و دنيئة ، فاهم إزاي؟ ، و ربنا شد الفيشة ، فيشة الشهوة عنه ، شد فيشة الكهرباء من النبي ، كأن النبي ده جهاز كهربائي ، ربنا شد الفيشة على طول ، خلصت ، يبقى لخمه ، ميعرفش يتصرف و لااااا يعرف يعمل أي حاجة ، ميعرفش يرتكب الكبيرة أبداً ، حلو أوي .

(كذلك لنصرف عنه السوء و الفحشاء) حد يعرف يقول كلمة فحشاء من أصوات الكلمات؟ ، السوء طبعاً أي معصية أو أي كُيرة أو أي ظلم ، فهو سوء ، و الفحشاء اللي هي إيه ، غالباً هنا بمعنى الزنا أي العلاقة المُحرمة بين رجل و امرأة ليسا في زواج ، تمام كده ، حد يعرف يقول كلمة فحشاء من أصوات الكلمات؟؟ فحشاء : فح : ممكن نقولها تحليل جزئي أو تحليل كلي ، فح أي فحيج الأفعى ، شاء أي إنتشر إلى الأعماق ، ف ده سلوك الفاحشة ، وصف الفاحشة ، كذلك فحشاء : الفاء تَأْفَف ، الحاء الراحة ، الشين تفشي ، و الهمزة أعماق ، أي هذا السلوك يجعل الراحة و النعمة يتفشى فيها إلى الأعماق ، التأفف و عدم الرضا و الجحود و البطر ، و هو ده معنى فحشاء من أصوات الكلمات ، (إنه من عبادنا المُخلصين) يوسف ده مُجتبى ، يعني إيه؟ ربنا رباه على عينه في بيئة وحشية ، يعني إيه بيئة وحشية؟ بيئة مفيهاش إيمان و لا صلاح ، بيئة وثنية وحشية ، فهو ده الإجتباء ، يكون وسط بيئة موحشة ، كذلك اليوسفيين اليوم ،

اليوسفيون اليوم في بيئات موحشة ، عشان كده ربنا إختار لنا هذا الإسم : اليوسفيون ، لأن عصر الدجال و عصر ظبية الدجال بالذات و الخصوص هو عصر موحش من الناحية الروحية و الإيمانية ، معظم الناس كده سفهاء ، معظم الناس فيهم نفاق كثير جداً ، معظم الناس فيهم صفة الغدر و الخيانة ، عياداً بالله ، فايه ، عصر موحش ، فنحن نستعصم بمين؟ بالله ، نستعصم بالروح ، نستعصم بالإيمان ، تمام كده ، جميل أوي .

(إنه من عبادنا المخلصين) مخلصين يعني هو مُخلص و أنا خَلَّصته و خَلَّص ، يعني هو مُخلص ، شريف و مُخلص ، المُخلص هو مُحسن ، و مُخلص يعني خَلَّص نفسه بالتركية و بمعونة الله عز و جل ، فلما خَلَّص فهو هِيَخْلَص الناس ، أي حد يقترب منه بخُسن النية و يسمع منه هِيَخْلَص ، روحه هتخلص يعني هتستريح ، هتترتاح ، جميل ، حصل إيه بعد كده؟ ، بعد ما ربنا شرح النفسية هنا ، نفسية زليخا و نفسية يوسف النبي (و لقد همت به و هم بها لولا أن رأى برهان ربه) و عرفنا يعني إيه برهان ، (كذلك لنصرف عنه السوء و الفحشاء إنه من عبادنا المخلصين) .

{وَاسْتَبَقَا الْبَابَ وَقَدَّتْ قَمِيصَهُ مِنْ دُبُرٍ وَأَلْفَيَا سَيِّدَهَا لَدَى الْبَابِ قَالَتْ مَا جَزَاء مَنْ أَرَادَ بِأَهْلِكَ سُوءًا إِلَّا أَنْ يُسْجَنَ أَوْ عَذَابٌ أَلِيمٌ} :

(و استبقا الباب) جريوا/ركضوا نحو الباب ، مين اللي جري الأول؟؟ هنعرف دلوقتي ، (و استبقا الباب و قدت قميصه من دبر) يبقى هو اللي جري الأول ، و هي كانت وراه ، (و قدت قميصه من دبر) يعني القميص اللي كان لابسه ، قامت بشده من الخلف و قطعتة ، على أساس إنها بتقوله ماتمشيش ، و هي بتشده و هو بيجري فالقميص إتقطع ، امرأة فاجرة ، شووف ، شوف كده عندها جرأة شديدة على المعصية ، ليه؟ لأنها مستضعفاه ، ده خدام عندي ، هو مين ده عشان يقولي لا يعني ، فهي نفسييتها كده يعني ، بس هي ماتعرفش إنه ده راجل شريف حر ، راجل شريف و حر ، و هنعرف إزاي ربنا عبر عن الحنة دي في اللفظ الجاي ده ، (و ألفيا سيدها لدى الباب) ربنا ماقلش (و ألفيا سيدهما) ، قال (و ألفيا سيدها لدى الباب) هنا نستفيد كذا إستفادة ، سيدها يعني ربنا بيعظم قدر الزوج ، هو بمثابة السيد ، يعني الزوجة تقول للزوج يا سيدي ، ده الأصل ، القرآن بيقول أهو (و ألفيا سيدها لدى الباب) ، إذا الزوج سيد ، يعني درجته كبيرة جداً عند الزوجة ، أعظم من درجة الأب و الأم ، الزوج درجته عظيمة ، طيب ، (و ألفيا سيدها لدى الباب) طبعاً مافيش أعظم من درجة الزوج إلا النبي ، أي نبي هو أعظم من درجة الزوج ، غير النبي أو غير أي نبي ، لا يوجد درجة أعظم من درجة الزوج عند الزوجة ، ف ده شيء لازم نكون عارفينه ، (و ألفيا سيدها لدى الباب) إذا قال (سيدها) عن إيه؟ عن زوجته اللي هي زليخا ، زوجة فوتفار ، ماقلش سيدهما ، ليه؟ لأن ربنا هنا عبر بشكل غير مباشر إن يوسف سلوكة ده ، سلوك أحرار ، سلوك واحد شريف ، حر ، (و ألفيا سيدها لدى الباب) ألفيا يعني إيه؟ لاقيا ، (و ألفيا سيدها لدى الباب) باب الغرفة بيحاول يفتحه كده ، لاقى فوتفار واقف عند الباب ، (قالت ما جزاء من أراد بأهلك سوءاً إلا أن يسجن أو عذاب أليم) هنا ربنا بيكشف نفسية الإيه؟؟ المرأة الفاجرة ، ربنا بيكشف نفسية المرأة الفاجرة ، أنا هأقولكم مثل مصري معروف جداً ، بيقول إيه : الفاجرة تتهيك و تجيب اللي فيها فيك أو تحط اللي فيها فيك ، تتهيك يعني تتوهك ، المرأة الفاجرة عياداً بالله تتوهك ، تلخبط الدنيا ، تلخبط الحقائق ، و تحط اللي فيها فيك يعني السلوك السيء اللي هو فيها ، تتهمك فيه ، زي مثال في اللغة العربية : رمتني بداءها و انسلت ، يعني إتهمتني بالعيب أو الداء اللي فيها و هي انسلت يعني مشيت ، (قالت ما جزاء من أراد بأهلك سوءاً إلا أن يسجن أو عذاب أليم) يا مجرم ، يا مجرمة ، آه بتتهم يوسف النبي إنه هو اللي حاول يعتدي عليها ، و كمان بتقول لفوتفار الحل ، لازم يتسجن أو يتعذب ، يتجلد مثلاً أو يُضرب ضرب شديد ، شايف الإجرام ، (قالت ما جزاء من أراد بأهلك سوءاً إلا أن يسجن أو عذاب أليم) هنا فتنة عظيمة ، بس هو نبي ، قلبه مطمئن بنور الله عز و جل ، ثابت ، ربنا قال له إيه : إستمسك بالصلاة ، إثبت ، ماتخفش ، ربنا هينجيك .

{قَالَ هِيَ رَاوَدْتَنِي عَنْ نَفْسِي وَشَهِدَ شَاهِدٌ مِّنْ أَهْلِهَا إِنْ كَانَ قَمِيصُهُ قُدَّ مِنْ قُبُلٍ فَصَدَقَتْ وَهُوَ مِنَ الْكَاذِبِينَ} :

(قال هي راودتني عن نفسي) على طول كده ، يعني القلب الطاهر بيقول اللي جواه على طول ، (قال هي راودتني عن نفسي) هي اللي عملت مش أنا ، (و شهد شاهد من أهلها) واحد يعني من كُبرات العيلة

بتاعتها ، (إن كان قميصه قد من قبل فصدقت و هو من الكاذبين) لأن لو هو اللي بيعتدي عليها و هي بتدفعه عنها ، فالقميص كان هيتقطع من قدام .

{وَإِنْ كَانَ قَمِيصُهُ قُدَّ مِنْ دُبُرٍ فَكَذَّبَتْ وَهُوَ مِنَ الصَّادِقِينَ} :

لو كان من ورا القميص إتقطع من ورا ، يبقى هو اللي كان بيجري و هي اللي بتجري وراه ، سهلة يعني ، دليل مادي أهو ، قميص يوسف ده له حكاية ، قميص اللي كذبوا به إخوانه و حطوا عليه دم كذب و كان القميص مش متقطع ، مكنش مقدود ، يعني مكنش فيه أثار الذيب يعني ، ف دي كانت جريمة غير مكتملة الأركان ، إخوانه ارتكبوا جريمة غير مكتملة الأركان ، القميص هنا في حادثة زليخا ، و بعد كده في آخر السورة هنعرف قميصه مع أبيه ، لما ربنا يجعله سبب في شفاء أبيه ، و هنعرف الشفاء ده حصل إزاي ، و المرض ده حصل إزاي ، ماشي ، جميل أوي ، طبعاً يوسف هو الإبن الحادشر ، رقم ١١ ، و عرفنا رقم ١١ هو إيه؟ تغلب على الأقران ، فربنا جعله هو رقم ١١ أصلاً ، بالإضافة للرؤيا كانت حادشر كوكب سجدوا له في الرؤيا ، بالإضافة للشمس و القمر و اللي هي آية الكسوف و الخسوف ، فرقم ١١ له دلالة عظيمة جداً ، خلاص ، جميل جداً ، و أنا ، يعني إيه سبحانه الله كنت شغال كده من يومين ، إكتشفت إن كلمة يوسف باللغة العبرية معناها (دعه يزيد) العجيب بقى إنني كنت شفت من ١٠ سنين كده أو ١١ سنة مثلاً ، رؤيا لأستاذ مصطفى ثابت -الله يرحمه- أخ أحمد مخلص ، نحسبه و لا نزكيه ، رأيته في سكرة الخشوع ، في البرزخ ، و بعد كده بقول له أخبار الأحمديين في مصر إيه؟ ، قال لي إبحث عن دكتور زياد ، فأولتها إن الدكتور زياد هو أنا يعني ، إنني أزيد و أترقى روحياً ، و بعد كده لما اكتشفت ظن يومين أن كلمة يوسف في العبرية معناها دعه يزيد ، فكانت إيه ، المفاجأة ، ف دي آية من آيات الله و دقيقة من دقائق الروح و الغيب .

{فَلَمَّا رَأَى قَمِيصَهُ قُدَّ مِنْ دُبُرٍ قَالَ إِنَّهُ مِنْ كَيْدِكُنَّ إِنَّ كَيْدَكُنَّ عَظِيمٌ} :

الراجل الحكيم بقى ، الكبير بتاعهم ، بتاع العيلة يعني ، بتاع عيلة زليخة ، (فلما رأى قميصه قد من دبر قال إنه من كيدكن إن كيدكن عظيم) الستات الوحشة دايماً كده ، بيعدوا يكيدوا ، من تحت لتحت ، زي الأفاعي كده ، عياداً بالله ، المرأة غير المتقية أو النساء غير المتقيات ، غير التقيات ، تلاقيهم كده ، فيهن كيد و خبت مداري ، عياداً بالله ، ربنا يُعذنا منه ، فهنا إيه ، الآيات تصف أهو (فلما رأى قميصه قد من دبر قال إنه من كيدكن إن كيدكن عظيم) ، بس على مين ، على ربنا؟؟ على النبي؟؟ مينفعش ، ربنا كده دايماً ، اللي بيتقي الله ، يجعل له مخرج ، ميخفش .

{يُوسُفُ أَعْرِضْ عَنْ هَذَا وَاسْتَغْفِرِي لِذَنْبِكِ إِنَّكَ كُنتِ مِنَ الْخَاطِئِينَ} :

و بعد كده الحكيم بقى و فوتفار و عيلتها قالوا له إيه؟ (يوسف أعرض عن هذا) يعني إنسى بقى الموضوع ده ، مش عاوزين فضيحة ، هيفضحوا نفسهم ، آه ، بس كويس ، فوتفار راجل طيب و الظاهر إن الحكيم بتاع عيلتها كان راجل طيب ، ففهموا أنه رجل نبيل ، فهموا أن يوسف نبيل ، مش عاوزين يظلموه ، هم مش عاوزين يظلموه ، ده في الأول بس ، و بعد كده هيضطروا يظلموه نتيجة ضغط الرأي العام يعني ، المهم هنعرف ، (يوسف أعرض عن هذا) إنسى بقى الموضوع و كأنه محصلش ، آه يا يوسف و كأنه محصلش ، مش عاوزين الموضوع يُخرج من البيت عشان الفضيحة ، و بعد كده توجهوا في الكلام كجمع يعني ، الحكيم و فوتفار يعني (و استغفري لذنبك) يا زليخة استغفري ، يعني عيب اللي عملتيه ده ، (و استغفري لذنبك) واجهوها إنه ده ذنب و يجب إنها إيه؟ تستغفر ، (إنك كنت من الخاطئين) ده سلوك خاطئ ، سلوك إيه؟ الفاجرات ، عياداً بالله ، (إنك كنت من الخاطئين) .

{وَقَالَ نِسْوَةٌ فِي الْمَدِينَةِ امْرَأَتُ الْعَزِيزِ تُرَاوِدُ فَتَاهَا عَنْ نَفْسِهِ قَدْ شَغَفَهَا حُبًّا إِنَّا لَنَرَاهَا فِي ضَلَالٍ مُّبِينٍ} :


و بعد كده أكيد طبعاً إيه ، البيت فيه خدم و الخبر تسرب ، زي ما خبر رؤية يوسف تسرب ، تسريبات بقي بتحصل ، فالخبر تسرب برا البيت ، (و قال نسوة في المدينة امرأة العزيز تراود فتاها عن نفسه) شوية نسوان يقعدوا ينموا و يغتابوا ، عادات النميمة بقي عياداً بالله ، موجودة من قديم الأزل ، شوية نسوان في المدينة قاعدين بينموا و يغتابوا و قالوا إيه ، مرات الباشا عندها ولد حلو و إيه ، بترأوده عن نفسه ، (قد شغفها حُباً) كلمة شغف لها أصل ، و لها صوت و معنى في أصوات الكلمات ، (قد شغفها حُباً) شغف ، حد يعرف يقول؟ الشين تفشي و إنتشار ، غف أي غفوة و غفلة ، أي إيه؟ تفشي الغفوة بسبب هذا الحُب ، يعني زي اللي بيقولك إيه؟ مراية الحُب عمية ، اللي بيحب مايشوفش عيوب المحبوب ، ف ده أكثر بقي ، شغف ، شغف اللي هو إيه؟ إنتشار الغفلة في هذا الحُب ، الحُب بيأتي بالغفلة و الغفوة ، و الإنسان يبقى كأنه سكران مش بعقله ، عقله تايه ، عقله مغطى ، مُغَيَّب بسبب درجة الحُب دي و إسمها شغف ، كذلك شغف : شغا يعني بيشغي ، بيتحرك بخفاء و كثرة ، و الفاء هو التأفف ، يعني سلوك و شعور يتحرك بخفاء و بقوة و بكثرة و بكثافة في القلب و ينتج عنه الحسرة و الألم و التأفف ، نتيجة أنه لم يصل إلى محبوبه الذي شُغِفَ به (قد شغفها حُباً) ، (إننا لنراها في ضلال مبين) خلي بالك ، النسوان بياكلوا لحم زليخا و يقولوا دي ضالة ، إحنا شايفينها إنها ضالة ، في واحدة بتحب العبد بتاعها؟؟ كده يعني ، طبعاً هنعرف زليخة عملت إيه في الوجه الجاي ، و إحنا عارفين إن إيه هي ، سلوك بيقول إيه؟ ودت الفاجرة لو أن كل النساء فاجرات ، صح ، مش المثل بيقول كده؟ ، هتعملهم مكيدة و خطة عشان هي يحصل عندها تشبع نفسي أو إرضاء لغرورها ، عشان هتبين لهم أمر معين و هم يوقعوا في أمر معين ، و هتحاول تشفي به نفسييتها بعد ما هم تكلموا عنها الكلام الوحش ده .

○ و أثناء تصحيح نبي الله الحبيب يوسف الثاني ﷺ لتلاوتنا ، قال لنا :

كمان كلمة راودته لها معنى تاني برضو من أصوات الكلمات ، راودته يعني أرته أودها ، الأود يعني الميوعة ، تتميع كده و تتثنى في الكلام ، ربنا منع المرأة أنها تخضع في القول ، يعني إيه؟ إنها تترقق بالحديث و خصوصاً مع الرجال ، عشان متبقاش فتنة ، ربنا بيقول إيه لنساء النبي : و لا تخضعن بالقول فيطمع الذي في قلبه مرض . ربنا بيتكلم عن نساء النبي و بيقول إيه؟ و طبعاً نساء النبي قدوة (و لا تخضعن بالقول) يعني ما تتأودش كده و تتميع في الكلام ، فراودته يعني أرته ميوعتها ، أرته تأودها عشان تحاول تغريه ، ماشي ، لكنه استعصم ، استعصم ، ربنا شد الفيشة .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانه اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين . 

درس القرآن و تفسير الوجه الخامس من يوسف.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ صفات الحروف , ثم قام بقراءة الوجه الخامس من أوجه سورة يوسف ، و أجاب على أسئلتنا بهذا الوجه ، و أنهى نبي الله الحبيب الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الخامس من أوجه سورة يوسف ، و نبدأ بأحكام التلاوة و أحمد :

صفات الحروف :

القلقلة : حروفها مجموعة في (قطب جد) .

الهمس : حروفه مجموعة في (حثة شخص فسكت) .

التفخيم : حروفه مجموعة في (خص ضغط قظ) .

اللام : تفخم و ترقق : إذا كان ما قبلها مفتوح و مضموم تفخم , و إذا كان ما قبلها مكسور ترقق , و كذلك الراء تفخم و ترقق و ممنوع التكرار .

التفشي : حرفه الشين .

الصفير : حروفه (الصاد , الزين , السين) .

النون و الميم المشدتين تمد بمقدار حركتين .

أنواع الهمزة : همزة وصل , همزة قطع , همزة المد .

الغنة : صوت يخرج من الأنف .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد أن يقرأ سورة قصيرة من القرآن فقرأ سورة قريش ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

الوجه ده بدايته إيه بقى ، ربنا بيكشف نفسية زليخا و إزاي إنها عايزة ترضي غرورها و ترضي نفسيتها ، لما سمعت في شوية نسوان فاضيين ، ماوراهومش إلا اللغو و النميمة و الغيبة في المدينة ، يجيبوا في سيرتها ، بعد ما خبر تحرشها بيوسف إنتشر في المدينة ، تمام كده ، جميل أوي ، حلو أوي ، فحبت ترضي غرورها و تقول لهم إنتو مش أحسن مني .

{فَلَمَّا سَمِعَتْ بِمَكْرِهِنَّ أَرْسَلَتْ إِلَيْهِنَّ وَأَعْتَدَتْ لَهُنَّ مُتَكًا وَآتَتْ كُلَّ وَاحِدَةٍ مِّنْهُنَّ سِكِّينًا وَقَالَتِ اخْرُجْ عَلَيْهِنَّ فَلَمَّا رَأَيْنَهُ أَكْبَرْنَهُ وَقَطَّعْنَ أَيْدِيَهُنَّ وَقُلْنَ حَاشَ لِلَّهِ مَا هَذَا بَشَرًا إِنْ هَذَا إِلَّا مَلَكٌ كَرِيمٌ} :

(فلما سمعت بمكرهن) المكر اللي هو إيه ، الغيبة و النميمة و اللغو ، هو ده ، (أرسلت إليهن) بعثت لهم دعوة ، (و أعتدت لهن متكاً) دعوة إيه ، تستضيفهم عندها ، مجموعة من النساء دول ، تستضيفهم على الغدا مثلاً ، (و أعتدت لهن متكاً) يعني جلاسات مريحة ، بحيث يكونوا مستريحين و هم قاعدين معها ، (و آتت كل واحدة منهن سكيناً) يعني مثلاً إيه ، بعد الغدا كده جابتلهم فواكهة محتاجة إيه سكينه ، تقطع بالسكينة ، مثلاً يعني ، (و قالت اخرج عليهن) خلي بالك القرآن ساعات بيديلنا/يُعطينا ألفاظ و جمل اللي بتخليك إيه ، وجوباً ، يجب أن تتخيل المشهد عشان تشغل دماغك ، يجب أن تفكر و تُعمل عقلك ، عشان تتخيل المشهد و تشغل دماغك ، و في آخر إن شاء الله الوجه هنفهم الكلام ده كويس ، (و قالت اخرج عليهن) يعني إيه ، يلا يا يوسف هات مثلاً الفاكهة مثلاً ، لأنه هو كان إيه؟ عبد ، بيسمع و بيطيع لسيده أو سيدته ، صح؟ بيخدم في البيت و كده ، زي النبي دانيال -عليه السلام- في العراق ، أيضاً كان عبداً عند ملك بابل ، المهم ، (و آتت كل واحدة منهن سكيناً و قالت اخرج عليهن) آه .. (فلما رأينه أكبرنه و قطعن أيديهن) أول ما شافوه إيه ، تلخبطوا كده و ركزوا معه ، هو بقى اللي إحنا كنا بنتكلم عنه؟؟ قاموا جارحين إيديهم أو واحدة منهم أو اتنين ، تلاتة جرحوا إيديهم ، غصباً عنهم يعني ، السكينة كانت حادة ، ماكنوش مركزين أوي مع السكينة و هم بيقطعوا الفاكهة مثلاً ، بس هو ده معنى (و قطعن أيديهن) مش إن هم قطعوها خالص يعني ، جرحوها بس ، (و قلن حاش لله ما هذا بشراً إن هذا إلا ملك كريم) يعني إيه ، ده مش بشر زينا ، ده من وسامته كده ، إحنا نقدر نقول عليه مَلَك ، يعني إيه ، (ملك كريم) يعني إنسان طاهر ، و طبعاً هم عارفين إنه هو تمنع عن زليخا و مارضاش يمشي معها في السكة الوحشة ، السكة العوجة دي ، و هم هنا إيه؟ عندهم خافية ، و لما تأكدوا و شافوه ، شافوه إن هو فعلاً إنسان بريء ، باين عليه إنه طاهر و نقي و إنسان كويس يعني و مؤدب ، فهم كانت نفسياتهم كده ، فربنا عبر عن نفسية الكلام ده ، بالكلام ده ، يعني ربنا عبر عن نفسياتهم ساعتها في الموقف ده بالكلام اللي ربنا قاله ده ، بس ده مش معناه إنهم قالوا الألفاظ دي بالتحديد يعني باللغة الهيروغليفية القديمة ، فاهمين؟ هو ده أسلوب القرآن بيعربلك المشهد ، بحيث إنت تفهمه بالنفسية اللي كانت ساعتها موجودة ، فهمتوا إزاي؟ يعني كأنه واحد مثلاً بيكتب رواية مثلاً بتصرف ، يكتب مشهد بتصرف ، بحيث يُناسب الزمان اللي يُلقى فيه هذا المشهد و يُناسب المكان اللي يُلقى فيه هذا المشهد ، فهو ده بقى التصرف القرآني ، فهمتوا؟ ، (فلما رأينه أكبرنه و قطعن أيديهن) أكبرنه يعني شافوه إنه حاجة كبيرة يعني ، أحسن مما تخيلوها يعني ، (و قطعن أيديهن) جرحن إيديهن و إنهم كانوا متلخبطين و مش مركزين من الإندهاش يعني ، (و قلنا حاش لله ما هذا بشراً إن هذا إلا ملك كريم) حاش لله يعني إستحالة يكون ده أخطأ مع زليخا أو أنه كان بيتحرش بها ، إستحالة ، حاش لله ، حاش لله يعني ده متحوّش لربنا أو لإله ، يعني ده طاهر ، حاش لله يعني يتبع إله ، (ما هذا بشراً إن هذا إلا ملك كريم) كأنه هو في طهارته ، كأنه ملاك وحي ، أو ملاك بيرسل للبشر ، مش بشر بس .

{قَالَتْ فَذَلِكُنَّ الَّذِي لُمْتُنَّنِي فِيهِ وَلَقَدْ رَاودْنَاهُ عَنْ نَفْسِهِ فاستعصم وَلَئِنْ لَّمْ يَفْعَلْ مَا آمُرُهُ لَيُسْجَنَنَّ وَلَيَكُونَا مِّنَ الصَّاغِرِينَ} :

(قالت فذلكن الذي لمتنني فيه) بترد عليهم و تقول لهم بقى هو ده بقى اللي إنتوا قعدتوا تتكلموا عني فيه ، و تقولوا إيه اللي زليخا عملته ده؟؟ تبص لواحد عبد من عبيدها ، إخص عليها ، إيه الدناءة اللي هي فيها دي

، هو ده الكلام اللي كانوا بيقلوه عنها ، (قالت فذلكن الذي لمتنني فيه) هو ده اللي كنتوا بتتكلّموا عني فيه و بتلوموني يعني إني عملت حاجة زي كده ، (و لقد راودته عن نفسه فاستعصم) لَقت عليه لكنه استعصم ، بذل جهده في الإعتصام ، (و لئن لم يفعل ما أمره ليسجنن و ليكونا من الصاغرين) ده دليل إنها كانت إيه ، بتحاول تاني و كانت قبل كده بتحاول برضو تاني ، تاني إنها تلفت إنتباهه عشان توقعه في العلاقة المحرمة و الأثمة ، (و لئن لم يفعل) شفت هنا إيه ، جرأة ، جريئة و إنسانة وقحة ، (و لئن لم يفعل ليسجنن) هسجنه ، (أو ليكونا من الصاغرين) يعني هذله بالسجن ، هضغط عليه أكثر يعني .

{قَالَ رَبِّ السِّجْنُ أَحَبُّ إِلَيَّ مِمَّا يَدْعُونَنِي إِلَيْهِ وَإِلَّا تَصْرِفْ عَنِّي كَيْدَهُنَّ أَصْبُ إِلَيْهِنَّ وَأَكُن مِّنَ الْجَاهِلِينَ} :

فهو طبعاً إيه ، شوف يوسف سامع الكلام ، يعني شايف البجاجة و الوقاحة بتاعت زليخا و كلامها مع النسوان ، هو سامع و فاهم هم بيقلوا إيه ، (قال رب السجن أحب إلي مما يدعونني إليه) يعني حتى و لو هي هتسجني ، ده أحب إليّ من أنا أقع في الخطيئة معها أو معهن ، (و إلا تصرف عني كيدهن أصب إليهن و أكن من الجاهلين) يا ربي لو ما صرفت كيد النسوان دي عني ، ممكن أضعف و أكن من الجاهلين يعني الغافلين بقى ساعتها ، لأن الإنسان لما بيذنب يكون في غفلة ، تمام كده ، ماشي .

{فَاسْتَجَابَ لَهُ رَبُّهُ فَصَرَفَ عَنْهُ كَيْدَهُنَّ إِنَّهُ هُوَ السَّمِيعُ الْعَلِيمُ} :

ربنا قال إيه بقى (فاستجاب له ربه فصرف عنه كيدهن إنه هو السميع العليم) يعني في القدر المُبرم ، ربنا صرف كيد النسوان دي عنه ، (إنه هو السميع العليم) يعني ربنا قال هصرف كيدهن عنك لأنني أنا سميع عليم ، يعني إيه؟ أدري بما يحدث ، و عليم أي أنا مصدر الوحي و العلم .

{ثُمَّ بَدَأَ لَهُمْ مِّن بَعْدِ مَا رَأَوُا الْآيَاتِ لَيْسَجْنُهُنَّ حَتَّىٰ حِينٍ} :

فربنا إستجاب إزاي أو دبر القصة دي إزاي؟ (ثم بدا لهم من بعد ما رأوا الآيات ليسجننه حتى حين) قضاء مصر ساعتها كان إيه ، كان ظالم أهو ، لأنه لو قضاء مصر عادل ساعتها ، مكنش حكم على يوسف بالسجن لأن الحُكم ساعتها قال إنه هو صادق و المرأة هي الكاذبة ، لكن عشان الفضيحة بدأت تبان/تظهر قالوا لا ، إحنا نسجنه بحيث الناس تفتكر إنه هو غلطان أو متحرش فعلاً ، فنسجنه لغاية ما الموضوع ينام ، طبعاً يوسف هنا غلط ، أخطأ ، أخطأ يعني إيه؟ لم يُحسن الدعاء كما قال الرسول ﷺ ، المفروض إيه ، كان يوسف يقول إيه : يا رب اصرف عني كيدهن ، مش يقول إيه : السجن أحب إلي ، و حد يتمنى الشر أو الضرر ، لا ، كان قال يا رب اصرف عني كيدهن بس ، مكنش دعى بكمال إيه موضوع السجن ده ، لكن هو إيه ، نتيجة الدعاء و نتيجة إن ربنا كتب ده في القدر المُبرم فدخل السجن بعدها ، (ثم بدا لهم من بعد ما رأوا الآيات ليسجننه حتى حين) يعني إيه ، نسجنه بشكل مؤقت بحيث ما الموضوع ينام و الفضيحة تنام ، لأن هي إيه ، زليخا و زوجها كانوا من الناس المتنفذين في الدولة ، عندهم سلطان ، من باشوات مصر وقت الفراعنة يعني ، طبعاً مكنش إسمهم الباشوات ، كانوا طبقة النبلاء يعني ، و القرآن عبر عنه بلفظ العزيز ، ماشي؟ ، طيب ، (ثم بدا لهم من بعد ما رأوا الآيات ليسجننه حتى حين) الآيات اللي هي دلائل صدق يوسف طبعاً ، هي دي معناها الآيات .

{وَدَخَلَ مَعَهُ السِّجْنَ فَتَيَانٍ قَالَ أَحَدُهُمَا إِنِّي أَرَانِي أَعْصِرُ خَمْرًا وَقَالَ الْآخَرُ إِنِّي أَرَانِي أَحْمِلُ فَوْقَ رَأْسِي خُبْرًا تَأْكُلُ الطَّيْرُ مِنْهُ نَبِّئْنَا بِتَأْوِيلِهِ إِنَّا نَرَاكَ مِنَ الْمُحْسِنِينَ} :

(و دخل معه السجن فتيان) دخل السجن مع يوسف -عليه السلام- فتيان ، إثنين ، (قال أحدهما إنني أراني أعصر خمراً و قال الآخر إنني أراني أحمل فوق رأسي خبزاً تأكل الطير منه نبئنا بتأويله إنا نراك من المحسنين) يعني واحد قال : أنا شايف إن أنا بعصر كده إيه عنب و بجهزه خمر ، و بعدين قال الآخر لا أنا شايل فوق رأسي ققص عيش/خبز و في طيور بتاكل منه ، و بعد كده راحوا ، لجأوا ليوسف لأنهم كانوا عارفين يوسف (إنا نراك من المحسنين) يعني نبئنا بتأويله ، خلي بالك بقى ، عشان تعرف بين دعوة النبي و إزاي بيتكلم و بيدعو الله عز و جل و بيكون جماعة المؤمنين ، و بين أي واحد تاني من المشايخ أو الأبحار اللي هم بيفسدوا في دين الله عز و جل ، النبي دايماً بيدعو إلى إيه ، التفكر و أعمال العقل و إيه تاني؟ و يدعو إلى الإستخارة ، لأن الإستخارة دي منهج حياة ، الإستخارة دي فلسفة حياة ، قلما ينتبه إليها البشر ، الإستخارة ، يستخير ، فهنا لما قابلوا يوسف في السجن و كان يدعوهم للإيمان فهمهم/قام بتفهمهم يعني إيه الإستخارة ، و يعني إيه إنهم يسألوا الإله الحق ، الإستخارة دي بتخلي الإنسان هادئ النفس ، مطمئن بعد أن يكون متشكك ، فيصل إلى اليقين بالسؤال ، بسؤال الله عز و جل ، و لأن الوحي و الرؤا أصلاً هي عبارة عن إيه؟ هي عبارة عن رموز و تأويلات ، الرمز و التأويل هو عبارة عن إيه؟ تفكير عميق ، يعني عبارة عن إيه؟ فلسفة ، تفكير عميق ، ماشي ، تشكك و بعد كده إيه؟ بعد كده يقين نتيجة الإجابة ، اللي جت/أتت بالإستخارة ، و الإستخارة قلنا هي فلسفة حياة ، جميل أوي ، فهو هنا إيه ، يوسف طلب منهم ، بأنهم يستخبروا ربنا في أمر سجنهم ده ، هم طبعاً اتسجنوا ليه؟ أكيد في حادثة حصلت و اتمسكوا بسببها ، يعني مثلاً كانت في محاولة إغتيال ملك مصر ، مثلاً يعني ، لأن ده ساقى الملك و التاني الخباز ، المسؤول عن الطعام و الخبز ، فاتاخدوا بالشبهة مثلاً ، فاتمسكوا بالشبهة ، إنهم كانوا ضمن مؤامرة مثلاً ، كانوا ضمن مؤامرة على ملك مصر ساعتها ، فكان دول الإثنين اتمسكوا ، كان يمكن يكونوا الحلقة الأضعف ، فاتمسكوا عشان يتم التحقيق معهم ، واحد كان ساقى الملك و التاني كان الخباز ، خباز القصر ، فهم لما دخلوا السجن كانوا في كرب ، و الكرب خلاهم يفكروا و يلجأوا للإله الحق بمساعدة يوسف -عليه السلام- ، فيعني إيه ، استخاروا الله الحق في شأنهم ، في الحكاية بتاعتهم يعني ، هم دلوقتي في السجن ، إيه اللي هيجصل في المستقبل؟؟ أو إحنا موقفنا إيه من الإعراب في السجن ده؟؟ كل دي عملية إيه ، عملية الإستخارة ، سؤال يعني ، ببسألوا الإله الحق ، طبعاً بوصية من يوسف ، فلما سألوا الإله الحق ، ربنا إدالهم/أعطاهم رؤيا ، كل واحد شاف رؤيا ، الرؤيا دي عبارة عن رموز ، مين هيأولها و يفسرها؟ يوسف ، فالتأويل ده فهم عميق ، و الفهم العميق عبارة عن إيه؟ فلسفة (philosophy ...) التفكير العميق ، التفكير العميق اللي بيتبعه يقين ، يتبعه اليقين .

{قَالَ لَا يَأْتِيَكُمَا طَعَامٌ تُرْزَقَانِهِ إِلَّا نَبَأُكُمَا بِتَأْوِيلِهِ قَبْلَ أَنْ يَأْتِيَكُمَا ذَلِكُمَا مِمَّا عَلَّمَنِي رَبِّي إِنِّي تَرَكْتُ مِلَّةَ قَوْمٍ لَا يُؤْمِنُونَ بِاللَّهِ وَهُمْ بِالْآخِرَةِ هُمْ كَافِرُونَ} :

(قال لا يأتیکما طعام ترزقانه إلا نبأکما بتأويله قبل أن يأتیکما) في ناس دايماً بتغلط في تفسير الآية دي ، يقولك يوسف كان دايماً في السجن ، قبل ما الأكل ييجي للسجناء بكم ساعة ، يقولهم ده هيجيلکوا کزا ، يجيلکوا سمک مثلاً ، و يوم تاني يقول لا ، هيجيلکوا خبز مثلاً و خضار ، و ده مش صحيح ، الكلام واضح ، التفسير ده مش صحيح ، التفسير الصحيح إيه؟ (قال لا يأتیکما طعام ترزقانه إلا نبأکما بتأويله قبل أن يأتیکما) يعني إنتو مثلاً قلتولي الرؤيا دي بالليل قبل ما ننام مثلاً أو بعد ما صحينا مثلاً من النوم بعد الفجر مثلاً ، فهو بيقولهم إيه قبل ما الأكل ييجي أو قبل ما التعيين ييجي في السجن يعني ، الأكل ، أكل السجناء ييجي ، أكون أنا إن شاء الله عرفت التأويل ، هيكون إستخار ربنا أو تفكر في الرؤا ، يگون رأي ، حاول يفهمها فهم عميق يعني ، عشان يقول لهم التأويل ، هو ده المعنى ، يعني أعطوني مهلة كم ساعة كده أفكر و أسأل ربنا ، فربنا هيأولهم بالتأويل ، هو ده المعنى ، (ذلکما مما علمني ربي) التأويل ده مما علمني ربي ، و عشان أقول لكم برضو لازم أنا أستخير كمان ، أسأل الإله الحق فهيقولي ، بس هي دي ، أسلوب الأنبياء ، أسلوب التفكير العميق ، الأدلة ، الإستخارة ، محدش يخاف من المتشككين ، بالعكس التشكك ده شيء صحي عشان ينبني عليه اليقين بعد كده ، و هو ده منهج الفلاسفة ، و عشان كده دايماً المذهب الوهابي و السعودية كانوا بيحرموا الفلسفة ، يحرموا منهج الفلسفة أو دراسة الفلسفة ، ليه؟ لأن الفلسفة بتشغل الدماغ ، بتخليك عندك تفكير عميق ، هادئ كده ، واثق من نفسك ، مش واثق يعني ، أقصد بتبحث عن الحقيقة ، مش إن إنت مولود في دين كده و متأكد إن ده اليقين ١٠٠% زي ما أبوك و أمك قالوا لك ، خلاص ، بتبقى شرس في المعاداة مع الناس ، لا ، ماينفعش ، لذلك السعودية أصحاب المذهب الوهابي المجرم ده حرموا الفلسفة ، عشان الفلسفة بتحضر على التفكير و بتحضر على التشكك و بالتالي يبدأ يسأل و يجاوب ، فالوهابيين مش هيقدرنا عليهم ، طبعاً الفلاسفة عندهم إيه ، نقطة ضعف إن هم آه ببسألوا و بيحولوا المسائل لأمر عقلية ، أخذ و رد ، لكن مايبخشوش/ما بيدخلوا لأعظم فلسفة في الحياة اللي هي

الإستخارة و دي فلسفة الأنبياء ، تفكير الأنبياء ، أسلوب الأنبياء في التربية ، إيه؟ الإستخارة ، تسأل الإله الحق ، فينسب وحي الله عز و جل عليك بالإجابة ، فينبني بينك و بين الإله ده خط و طريق من النور ، تمام كده ، بس ، لو كل الناس أخذت منهج الأنبياء ده في الإستخارة منهج حياة ، مبقاش في الدنيا كلها أي حروب ، مبقاش في الدنيا كلها أي ضغائن ، لكن للأسف الناس تنسلخ عن مبدأ الأنبياء بالتدريج ، رويداً رويداً ، حتى يبعث الله سبحانه و تعالى النبي التالي ، بس هي دي ، (قال لا يأتیکما طعام ترزقانه إلا نبأکما بتأويله قبل أن یأتیکما ذلكما مما علمني ربي إني تركت ملة قوم لا یؤمنون بالله و هم بالآخرة هم کافرون) أنا كنت وسط ناس وثنیین لا یؤمنون بإیه؟ بالله الحق ، (و هم بالآخرة هم کافرون) یعنی إیه؟ ناس مادیين ، ناس مابيعملوش لليوم الآخر ، بيقى هو هنا إیه؟ کفر بالطاغوت ، الذي هو طاغوت الأوثان التي تكون من دون الله عز و جل ، کفر بالطاغوت ، أول حاجة الإنسان یکفر بالطاغوت ، الشيء الذي يطغى على نور الله عز و جل ، و بعد كده يأمر بالتوحيد اللي هو إیه؟؟ .

{وَاتَّبَعْتُ مِلَّةَ آبَائِي إِبْرَاهِيمَ وَإِسْحَاقَ وَيَعْقُوبَ مَا كَانَ لَنَا أَنْ نَشْرِكَ بِاللَّهِ مِنْ شَيْءٍ ذَلِكَ مِنْ فَضْلِ اللَّهِ عَلَيْنَا وَعَلَى النَّاسِ وَلَكِنَّ أَكْثَرَ النَّاسِ لَا يَشْكُرُونَ} :

و بعد كده يأمر بالتوحيد اللي هو إیه؟؟ (و اتبعت ملة آبائي إبراهيم و إسحاق و يعقوب ما كان لنا أن نشرك بالله من شيء) یعنی إحنا هنا مابنشرکش بالله عز و جل آلهة أخرى ، إنما هو إله واحد حق ، (ذلك من فضل الله علينا) اللي هو التوحيد ، و هي أعظم الأفضال و أعظم النعم : التوحيد ، (و على الناس) الناس اللي تؤمن بالله ، (و لكن أكثر الناس لا يشكرون) أكثر الناس في العالم إيه ، فيهم البطر و فيهم الجحود و فيهم النكران ، نكران المعروف عياداً بالله ، تمام؟ ، ففهمتوا هنا أسلوب يوسف في الدعوة؟؟ و إزاي كان بيتكلم مع المتشككين أو المستخيرين ، تمام ، صح كده؟ إن هم نتيجة الأزمة اللي دخلوا بها السجن ، بدأوا يسألوا و يتشككوا و يبحثوا ، صح كده؟ كان خير لهم ، يعني هو في ظاهره شر أي السجن و لكن في باطن الأمر كان خير ، حطهم/وضعهم على الطريق السليم ، إنهم قابلوا يوسف و فهمهم ، و فهمهم المعادلة و المسألة تبقى ماشية إزاي ، و يا ريت العالم كله يفهم الكلام ده ، يفهموا يعني إيه إستخارة ، يعني إيه فلسفة الإستخارة أن تكون منهج حياة ، بس ، الناس هتتعلم و هتسعد ، تتعلم و تسعد ، تمام؟ ، ماشي .

○ و أثناء تصحيح نبي الله الحبيب يوسف الثاني ﷺ لتلاوتنا ، قال لنا :

- كلمة (أصب) حد يعرف يقولها من أصوات الكلمات ، (و إلا تصرف عني كيدهن أصب إليهن) ، المعنى باين بس أنا عاوز أعرفه من صوت الكلمة ، أصب ، أصب : الباء إحتياج يعني أنا جواية/داخلي إحتياج نفسي ، الراجل محتاج إحتياج نفسي للإتصال بالأنثى و كذلك الأنثى لها إحتياج نفسي للإتصال بالرجل أو الذكر ، تمام كده؟ فهو قال (أصب إليهن) أظهر إحتياجي ده و الصاد (صوت حرف الصاد) اتصل بيهن أو بها من الأعماق ، يعني إيه؟ أغلط بالحرام ، يعني المفروض إنه إيه؟ الإحتياج بتاعي يظهر في الحلال ، في الزواج الحلال ، فهي كلمة (أصب) معناها كده : اتصل برغبتني دي من الأعماق أو بالأعماق أو من الأعماق ، كلمة (أصب) فهمتوا بقى معنى الكلمة؟؟ شفتوا القرآن؟ أصوات الكلمات دي سر عظيم و خصوصاً في اللغة العربية ، هي مفيش تقريباً إلا اللغة العربية اللي فيها السر ده ، لأنها لغة إلهامية عظيمة جداً .

- طيب حد يعرف يقول ليه يوسف قال (ذلكما) و لم يقول (ذلك) ؟ و حد يعرف يقول ليه ربنا عبر عن كلام زليخا (و أعتدت لهن متكئاً) و ماقلش (و أعدت) ، ليه يعني (أعتدت لهن متكئاً) ماقلش ليه (و أعدت) ، حد يعرف الفرق؟؟؟ تفكير سريع كده :

(أعدت) يعني أعتدت بنفسها بالتصرف ده ، إن هي إيه؟ جمعهم عندها ، و كذلك أعتدت أي من الإعتداء لأنها إعتدت على يوسف ، عاملاه فُرجة قدام النسوان ، بتيهن كرامته ، ف ده إعتداء ، كذلك إعتداد بنفسها باللي عملته ، أنا مغرورة كده ، مُعتدة بنفسي و أنا هوريكوا إزاي بقى إن إنتوا تلوموني في حاجة زي كده ، هتوصلوا لدرجة تجرحوا إيديكوا من الإندهاش ، ف ده معنى (أعدت) ، شفت لفظ القرآن عظيم إزاي ، كان ممكن تتقال كده (و أعدت لهن متكئاً) من الإعداد يعني ، التهييء و التجهيز ، لا ، ربنا عبر و قال إيه (و أعدت) من الإعداد بنفسها و إيه تاني؟ و الإعتداء .

- يوسف قال (ذلكما مما علمني ربي) ليه ماقلش (ذلك مما علمني ربي)؟؟ إيه (ذلكما) يعني إيه؟ ، حد يعرف يقول؟ ، معناها إيه ، هو كان بيتكلم إثنين ، مُثنى صح؟ معناها إيه : ذلك يا أنتما مما علمني ربي ، فربنا عبر عنها (ذلكما) ، إختصار و بلاغة ، (ذلكما) فهمتوا منها إيه؟ ذلك يا أنتما أو يا من أحدثكما مما علمني ربي ، فربنا قالها إيه؟ ذلكما ، ذلك يا أنتما .

- سمعتوا في في اللغة العربية أو في الأشعار كده ، الأشعار التي يتم التغني بها ، يقولك إيه؟ صباية أو شاعر الصباية ، صباية : الباء إحتياج ، و الصاد وصال ، الصباية اللي هو إيه؟ الإحتياج النفسي للخب ، صباية ، صب ، أصب ، شفتوا القرآن ، خلي بالكوا .

- (لَيْسَ جُنَّةٌ حَتَّى حِينَ) (لَيْسَ جُنَّةٌ حَتَّى حِينَ) هنتأكد إن القراءة دي صحيحة ، (لَيْسَ جُنَّةٌ) (لَيْسَ جُنَّةٌ) نتأكد إن شاء الله و نُخبركم .

- (المحسنين) عارفين إيه هم طبعاً ، هو الدرجة اللي بيدعو إليها كل الأنبياء أتباعهم ، الإحسان ، عشان هو ده السبيل للتعاقب في الجنان المتتالية أبد الأبد ، الإحسان ، المحسنين ، اللي هو أن تعمل كأن الله يراك ، أن تعبد الله كأن الله يراك ، أن تعبد الله كأنك تراه ، كأنك ترى الله ، فإن لم تكن موقن أو تشعر بوجود الله ، إنت أشعر ان هو يراك ، أن تعبد الله كأنه يراك ، فإن لم تكن تراه فإنه يراك ، أن تعبد الله كأنك تراه ، فإن لم تكن تراه ، فإنه يراك ، و هو ده درجة الإحسان ، كذلك الإحسان إنك تحسن إلى الناس ، تُتبع السيئة بالحسنة ، هو ده إيه؟ الإحسان .



- كنت حابب أقول إن الفقه ، الفقه الصحيح هو الذي يتكيف و يختلف ، يعني إيه؟ يكون مختلف حسب الزمان و حسب المكان ، يعني الفقه في زمان و الفهم في زمان يكون مختلف عن فقه زمان آخر ، لأن كل زمن يكون فيه المتغيرات بتاعته ، كذلك المكان ، لو إحنا في زمن واحد و لكن المكان مختلف ، ممكن الفقه و فهم الدين في مكان يختلف عن فهمه خالص و تطبيقه في مكان ثاني ، لأن كل مكان بيبقى فيه متغيرات اللي بتأثر في الفقه ده ، زي إيه مثلاً؟ المسلمين لما دخلوا مكة ، عملوا إيه بالأصنام اللي حولين الكعبة ، اللي هو بيت الموحدين؟ كسروها ، ليه؟ لأن الأصنام دي كان المشركين بيعبدوها و كانوا عاملينها وسيلة لتريح ، طب لما المسلمين برضو في نفس الزمان دخلوا مصر ، هل كسروا الأصنام اللي كانت موجودة؟؟؟ سواء كانت الفرعونية أو اليونانية و الرومانية؟؟؟ مكسروهاش ، ليه؟ لأن المصريين ماكنوش بيعبدوها ، فهو ده فقه الواقع ، بيختلف على حسب المكان ، صح؟ كذلك الزمان ، زمان/قديم الموحدين كانوا بيضادوا ما تُسمى بالألعاب الأولمبية ، إيه الألعاب الأولمبية؟ ألعاب وحشية رومانية همجية ، مش كلها طبعاً ، بعضها ، و كان يتم فيها التصارع ما بين المتصارعين حتى يقتل أحدهما الآخر ، و كانت المصارعات دي و الألعاب دي تتعمل على شرف آلهة أولمبية الوثنية الشيطانية ، شياطين يعني ، للآلهة الوثنية دي كانت الألعاب تتعمل على شرفهم ، هو كده دايماً الشيطان بيحب الدماء عياداً بالله و القتل ، فتم إلغائها مع إنها كان في بعضها ، كثير منها ألعاب عادية و ترفيه و رياضة ، عادي ، طيب دلوقتي في العصر الحديث ، الألعاب الأولمبية اللي أخذت الاسم بس ، تُولف ما بين شعوب العالم ، فيها رياضة و حاجة جميلة و مفرحة ، هل حلال أم حرام؟ حلال ، يبقى هنا الزمن إختلف فاختلف الفقه و الأمر فيه ، أيام الرومان كانت مُحرمة بالنسبة للموحدين طبعاً ، لأنها إيه؟ بتدعو إلى القتل و الشرك بالله عز و جل ، صح؟ ، طيب دلوقتي؟ إختفت العقائد دي أصلاً ، و أصبح ما بقي اللعبة بس فأصبحت حلال ، الزمن هنا إختلف فاختلف الفقه إتجاه هذا الأمر ، فهمتوا الحجة دي؟ .

- (أكبرنه) يعني نَزَهْنَهُ ، نَزَهْنَهُ عن إيه؟ عن رجس زليخا ، كذلك نزهنه عن أي خاطر سيء يجول بخاطرهن ساعة ما كانوا بيتكلموا في الموضوع ده في المدينة ، كانوا بيعتابوا و ينموا/نميمة و يكثر من اللغو في الأمر ده ، أكبرنه يعني نزهوه ، إن هو ممكن يكون إيه ، عمل حاجة أو قال زي ما زليخا قالت لزوجها بأن هو(يوسف) تحرش بها ، هنا (أكبرنه) يعني نَزَهْنَهُ ، أصبح راقى عندهم ، يعني كبر في نظرهم .

- طبعاً إن شاء الله في الوجه اللي جاي هنعرف تأويل الرؤا إزاي ، و إزاي التفكير العميق العظيم لرموز الرؤيا و تأويلها ، اللي هي أعظم الفلسفات ، هي إيه؟ تأويل الرؤا ، و كذلك سنعرض إلى رؤيا ثانية عظيمة جداً لشخص آخر ذكره القرآن ، و هنشوف التفاصيل في الوجه القادم .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانه اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربّي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه السادس من يوسف.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ أحكام الميم الساكنة , ثم قام بقراءة الوجه السادس من أوجه سورة يوسف ، و أجاب على أسئلتنا بهذا الوجه ، و أنهى نبي الله الحبيب الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه السادس من أوجه سورة يوسف ، و نبدأ بأحكام التلاوة و أحمد

أحكام الميم الساكنة :

إدغام متمثلين صغير و هو إذا أتى بعد الميم الساكنة ميم أخرى فتدغم الميم الأولى في الثانية و تنطق ميماً واحدة .

و الإخفاء الشفوي و هو إذا أتى بعد الميم الساكنة حرف الباء و الحُكم يقع على الميم أي الإخفاء يكون على الميم .

و الإظهار الشفوي و هو إذا أتى بعد الميم الساكنة جميع الحروف إلا الميم و الباء ، و الإظهار طبعاً سكون على الميم نفسها يعني الحُكم يقع على الميم .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة النصر ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

{يَا صَاحِبِي السِّجْنِ أَرْبَابٌ مُتَفَرِّقُونَ خَيْرٌ أَمْ اللَّهُ الْوَاحِدُ الْقَهَّارُ} :

هنا يوسف النبي يُحدث صاحبيه ، إثنين من اللي كانوا مقربين له أو تعرفوا عليه داخل السجن و أصبحوا من أصحابه ، و يبدو إنه هنا إيه ، كانوا لهم فترة مع بعض ، (يا صاحبي السجن) دي صحوبية إيه؟ هي صحوبية السجن ، صحوبية الأزمات ، صحوبية الآلام ، صحوبية الضيق ، فتجد إن الصحوبيات دي تظهر المعادن ، لأن الآلام و الضيق و الكروب بتظهر المعادن ، و هم هنا لما دخل الإثنين دول السجن مع يوسف النبي ، لجأوا إليه لكي يجدوا الراحة ، طبعاً كانوا داخلين في قضية محاولة أو إشتباه ، كان مشتبته فيهم إنهم كانوا عاوزين أو في محاولة لإغتيال الملك ، ملك مصر ، فهنا يوسف يُعطيهم من مواعظه ، يقول لهم من مواعظه كما قال لهما من مواعظه في الوجه السابق ، فيقول (يا صاحبي السجن أَرْبَابٌ مُتَفَرِّقُونَ خَيْرٌ أَمْ اللَّهُ الْوَاحِدُ الْقَهَّارُ) بيقولهم آلهة مصر القديمة الوثنية دي ، المتفرقة دي ، المتشنتة دي ، المبعثرة دي ، خير أَمْ اللَّهُ الْوَاحِدُ الْقَهَّارُ ، إله واحد قهار عالم الغيب و الشهادة ، ربنا القهار ، مين الخير : إنك تكون عبد لإله واحد ، و لا لآلهة منتشرة متعددة متناحرة متضادة فيما بينها ، الإجابة واضحة ، يعني هو قال لهم سؤال و في ضمنه الإجابة ، (أَرْبَابٌ مُتَفَرِّقُونَ خَيْرٌ) تبقى إنت موزع نفسك على كذا إله وثنى و شياطين و العياذ بالله (أما الله الواحد القهار) إله واحد بس ، قهار أي هو مسيطر ، قاهر لكل ما هو دونه من الأوثان التي يلجأ إليها البشر ، عياداً بالله ، يبقى الله عز و جل الواحد هو يقهر ، يقهر إيه؟ المتكبرين و يقهر الطواغيت (لِيُحِقَّ الْحَقَّ بِكَلِمَاتِهِ وَلَوْ كَرِهَ الْكَافِرُونَ) ، فربنا سبحانه و تعالى من صفاته أنه قهار ، يقهر مين؟ يقهر كل من طغى و تجبر في الأرض بغير الحق ، ربنا يُعيد الأمور إلى نصابها ، محدش فاكِر بأنه هيطغى أو هيظلم أو يتعدى ، و ربنا هيتكره ، لا ، الله سبحانه و تعالى من فوقه قاهر .

{مَا تَعْبُدُونَ مِنْ دُونِهِ إِلَّا أَسْمَاءُ سَمَّيْتُمُوهَا أَنْتُمْ وَآبَاؤُكُمْ مَا أَنْزَلَ اللَّهُ بِهَا مِنْ سُلْطَانٍ إِنْ الْحُكْمُ إِلَّا لِلَّهِ أَمَرَ أَلَّا تَعْبُدُوا إِلَّا إِيَّاهُ ذَلِكَ الدِّينُ الْقَيِّمُ وَلَكِنَّ أَكْثَرَ النَّاسِ لَا يَعْلَمُونَ} :

(ما تعبدون من دونه إلا أسماء سميتوها أنتم و آبائكم ما أنزل الله بها من سلطان) كل الآلهة اللي بتعبدوها من دون الله ، إختراعات ، إختراعات و فلسفات وثنية ، أفكار وثنية و شيطانية ، متضادة ، دليل بأنها متضادة متشاكسة متصارعة فيما بينها ، كان دائماً كده في مصر القديمة أو في أي بلد فيها عبادات وثنية أو أديان وثنية ، تلاقي دائماً كده إيه ، فيما بينهم تشاكس و تصارع ، و صراع نفوذ و صراع مصالح ما بين أصحاب المذاهب المختلفة في الوثنية ، فاهم إزاي؟ ، (ما تعبدون من دونه إلا أسماء سميتوها أنتم و آبائكم ما أنزل الله بها من سلطان) كل دي إختراعات منكم إنتو ، مش وحي من ربنا سبحانه و تعالى على لسان الأنبياء ، (إن الحكم إلا لله) يعني الحكم ، الحاكمية لله عز و جل ، الله سبحانه و تعالى هو المعبود بحق ، هو المعبود بحق ، (أمر ألا تعبدوا إلا إياه) ربنا أمر ألا يُعبد غيره ، هو ده التوحيد : لا إله إلا الله ، لا إله إلا الله ، (ذلك الدين القيم و لكن أكثر الناس لا يعلمون) ذلك الدين القيم هو ده الدين القائم عند ربنا ، هو ده الدين المعترف به عند ربنا ، هو ده الدين المعترف به في السماوات ، و بالتالي يجب أن يكون معترف به عندكم في الأرض ، (ذلك الدين القيم) القيم أي المسيطر ، المهيم ، القائم ، المعترف به ، (و لكن أكثر الناس لا يعلمون) أكثر الناس لا يتصلون بالله ، و لا يرومون إتصلاً بالله ، فبالتالي أكثر الناس لا يعلمون ، معندهم العلم الإلهي ، العرفان الإلهي ، لأن هم ماطلبهوش ، لم يستعلموه ، لم يطلبوه ، لم يجاهدوا كي يصلوا إلى الحقيقة ، تمام كده ، طيب .

{يَا صَاحِبِي السِّجْنِ أَمَا أَحَدُكُمَا فَيَسْقِي رَبَّهُ خَمْرًا وَأَمَّا الْآخَرُ فَيُصْلَبُ فَتَأْكُلُ الطَّيْرُ مِنْ رَأْسِهِ قُضِيَ الْأَمْرُ الَّذِي فِيهِ تَسْتَفْتِيَانِ} :

(يا صاحبي السجن) بيكلم مين ، الإثنين ، اللي كانوا اتسجنوا معه ، اللي هو كان ساقى الملك و الثاني كان خباز القصر ، (أما أحدكما فيسقي ربه خمرًا) طبعاً هو كان مديلهم/أعطاهم درس في التوحيد هنا ، قبل ما يقول لهم الرؤيا ، يبقى هو إيه؟ كان يُعطيهم درس توحيد و عقيدة ، قبل ما يُعطيهم تأويل الرؤيا ، اللي ربنا مَنَّ به عليه ، (يا صاحبي السجن) أما أحدكما فيسقي ربه خمرًا) اللي شاف رؤيا أعصر خمرًا ، هيرجع

تاني لشغلته ، يبقى إيه ، ساقى الملك تاني ، خلاص؟ ده معناه ، (و أما الآخر فيُصلب فتأكل الطير من رأسه) التاني ستم إدانته ، التاني إيه؟ هتم إدانته ، ظلماً بقى أو حقاً ، لا ندري ، لكن هو ده كان تأويل الرؤيا ، كان ممكن يموت ظلماً ، يعني الخباز ده ، ممكن كان مات ظلم يعني ، مش شرط يكون هو إشتراك في المؤامرة ، و لكن هنا إحنا بنتكلم عن تأويل الرؤيا ، (و أما الآخر فيُصلب) يصلب يعني يتعلق على خشبة ، (فتأكل الطير من رأسه) لغاية ما يموت و يتحول إلى جثة و جيفة ، تأكل الطير من رأسه ، الطيور الجارحة أو الطيور الرميّة ، (قضى الأمر الذي فيه تستفتيان) يعني القضاء ده قضاء مُبرم ، ليس فيه رجعة ، (قضى الأمر الذي فيه تستفتيان) تستفتيان أي تستعلمان ، طيب ، حد يقدر يقولي كلمة فتوى من أصوات الكلمات إيه؟ و كلمة عجاف ، و كلمة تعبرون ، و كلمة سجن ، و كلمة صاحب ، شوف كم كلمة عندك ، كتير صح؟ طيب هنفكر فيهم لغاية ما نأخذ آخر آيتين في الوجه .

{وَقَالَ لِلَّذِي ظَنَّ أَنَّهُ نَاجٍ مِّنْهُمَا اذْكُرْنِي عِنْدَ رَبِّكَ فَأَنَسَاهُ الشَّيْطَانُ ذِكْرَ رَبِّهِ فَلَبِثَ فِي السِّجْنِ بِضْعَ سِنِينَ} :

(و قال للذي ظن أنه ناج منهما) مين اللي قال؟ يوسف النبي ، ظن مين أنه ناج منهما؟ اللي هو ساقى الملك يعني ، (اذكرني عند ربك) يعني إتوسطلي عند الملك عشان أخرج من السجن ده ، (فأنساه الشيطان ذكر ربه فلبث في السجن بضع سنين) ، مين (فأنساه الشيطان ذكر ربه)؟؟ هنا (فأنساه الشيطان ذكر ربه) هنا يوسف ، يوسف هنا أخطأ ، إنه تعلق بالواسطة دي ، أو بالرجل ده ، في اللحظة دي ، يعني الألم و الخوف تغلب عليه في المرحلة دي لأنه إنسان بشر ، صح؟ ، (فأنساه الشيطان ذكر ربه) فربنا قضى إنه هو يفضل قاعد بضع سنين ، تقريباً سبع سنين ، ليه؟ عشان ربنا يُتم كلمته ، يُتم كلمته ، (و قال للذي ظن أنه ناج منهما اذكرني عند ربك) فأنساه الشيطان ذكر ربه فلبث في السجن بضع سنين) خلاص كده ، طيب .

{وَقَالَ الْمَلِكُ إِنِّي أَرَى سَبْعَ بَقَرَاتٍ سِمَانٍ يَأْكُلُهُنَّ سَبْعٌ عِجَافٌ وَسَبْعٌ سُنبُلَاتٍ خُضْرٍ وَأُخَرَ يَابِسَاتٍ يَا أَيُّهَا الْمَلَأُ أَفْتُونِي فِي رُؤْيَايَ إِن كُنْتُمْ لِلرُّؤْيَا تَعْبُرُونَ} :

(و قال الملك إنني أرى سبع بقرات سمان) الملك ، اللي كان ملك مصر وقتها ، (و قال الملك إنني أرى سبع بقرات سمان) في الرؤيا يعني ، شاف حلم ، شاف سبع بقرات مليانة و صحتها حلوة ، (يأكلهن سبع عجاف) سبع بقرات هزيلات ضعيفات ، شكلها وحش بياكلوا السبع بقرات اللي شكلها حلو ، و شاف تاني برضو مشهد في الرؤيا (و سبع سنبلات خضر) سبع سنبلات قمح كده لونها أخضر جميل ، و شاف برضو إيه ، سبع سنبلات إيه؟؟ (و آخر يابسات) يعني سبع سنبلات أيضاً إيه ، يابسات أو عدد آخر من سنبلات يابسات مش شرط سبعة ، العكس ، تمام كده ، (يا أيها الملأ أفتوني) الملأ اللي هم الحاشية في القصر ، الذين يملأون الإيوان ، إيوان الملك ، (يا أيها الملأ أفتوني في رؤياي إن كنتم للرؤيا تعبرون) أنا شفت رؤيا أهو ، مشهد يعني من الغيب ، أفتوني فيه يعني أعطوني التأويل ، (إن كنتم للرؤيا تعبرون) تعبرون لعالم الرؤيا أو لعالم الغيب ، إنتو بتعبروا له يعني ، أو تعبرون ، تعبرون يعني إيه؟ تأولون ، ماشي بس أصل الكلمة إيه؟ تعبرون أي تنقلون مشاهد الرؤيا من عالم الغيب إلى عالم الواقع ، يعني تأولوها برضو ، (تعبرون) يعني إنتو عبرتم حاجز الزمان و المكان إلى المشاهد دي و فهمتوا معناها و بعد كده عبّرتوها ، نقلتوها و نقلتوا معانيها إلى عالم الواقع بتاعنا ، هو ده معنى كلمة (تعبرون) ، و كلمة عبّر ، عبّر الرؤيا يعني إيه نقلها معه من عالم السماء إلى عالم الأرض ، نقلها ، عبّرها أي جعل الرؤيا تعبر حواجز الأمثال و حواجز الرموز و حواجز الأسرار و البطون ، كل دي حواجز و حجب ، فأنما لما عبّر الرؤيا و المشاهد يعني بخليها تعبر/تعبر يعني و تنتقل من عالم السماء الغيبي إلى العالم الأرض الواقعي ، هو ده فائدة المأل أو المعبر ، إن هو مترجم ، عبارة عن مترجم ، بيعبر بالمعاني من الأسرار و الحجب إلى الظاهر و الواقع ، بيفهمنا يعني .

- كلمة فتوى ، حد يقدر يقول كلمة فتوى من أصوات الكلمات ، هي إيه الفتوى دي ، عبارة عن إيه؟ واحد بيقول رأي في أمر و بينتشر ، صح؟ طيب خلي بالك ، فت يعني أثر بقوة ، بيقولك : فت في عضدي ، يعني أثر فيه بقوة ، فت ، فتوى أي تأثير قوي له دوي دائري منظم ، هي دي الفتوى ، رأي يُقال في

أمر أو مسألة له تأثير ، بِدَوِيٍّ دائري منتظم ، إذاً تأثير قوي هو الفت ، له دوي دائري منتظم ، ينتشر في الأفاق ، هي دي معنى الفتوى ، شوفتوا بقى اللغة العربية الإلهامية العظيمة .

- طيب ، صاحب أو صاحب ، من صاحبي ، صاد وصال ، و الحاء و الباء يعني حُب ، مش هي دي الصحوبية؟؟ الأصحاب ما بينهم وصال و حُب ، صاد و حُب ، صاحب ، صح و لا لأ؟ هو أنا بقول الكلام ده من عندي ، ده القرآن و اللغة العربية هي اللي بتقول عن نفسها ، القرآن و اللغة العربية الإلهامية و خصوصاً الكلمات اللي موجودة في القرآن بتعبر عن نفسها ، بتعبر عن معانيها ، هي في حد ذاتها بتتكلم ، هي كائنات حية أصلاً ، الكلمات دي من خلال أصواتها ، صاحب : صاد وصال ، صح ، مش إحنا عارفين كده؟ ، و حُب ، هي دي الصحوبية ، وصال و محبة ، صح كده؟ ، مش ربنا بيقول عن الزوجة في القرآن (الصاحبة) ، الصاحبة هي المرأة التي تكون متصلة بالرجل و مُحبة له ، و هو أيضاً صاحبها ، هو متصل بها و مُحب لها ، فكلمة صاحب هنا معناها إيه؟ الوصال و المحبة . صح كده ، حلو أوي . كذلك احتياج ب الراحة ح و الصلة ص ، هي صاحب .

- كلمة سجن ، سهلة ، لها معنيين : سين و جيم لوحديها و نون لوحديها ، و كذلك سين لوحديها و جيم و نون لوحديها ، إزاي؟ حد يعرف يقول؟ ، سين تسرب خفي لطيف ، صح كده؟ ، جن مستتر ، ما هو اللي يبقى في السجن ، بيبقى إيه؟ مستتر ، و السين هو تسرب لطيف خفي ، تسرب إيه ، خفي للإستتار ، هو ده السجن أو المسجون ، صح كده؟ ، طيب ، سين و جيم لوحديهم و بعد كده نون : سج أي سجي ، (و الليل إذا سجي) غطى ، صح؟ و النون : النعمة ، لأن المسجون هو عبارة عن إيه؟ يعتبر في مقبرة الأحياء ، لأن السجن هو مقبرة الأحياء ، يبقى مُغيب ، بعيد عن العالم و منفصل عنه و يبقى في ألم ، لأنك بتبتعد عن الأحباب ، صح كده؟ ، إذا سين جيم أي سجي ، أي غطى (و الليل إذا سجي) صح؟ ، و النون نَعَمْ ، أي إبتعد عن نَعَمْ الدنيا ، صح كده؟ .

- و إحنا قلنا إيه تاني؟؟؟ (و قال للذي ظن أنه ناج منهما اذكرني عند ربك فأنساه الشيطان ذكر ربه فلبث في السجن بضع سنين) طبعاً هل ده معناه إن ساقى الملك ماقلش للملك أو ما ذكرش؟؟ لا عادي ممكن يكون مثلاً ، قال و محدش إهتم ، قال و محدش إهتم ، صح؟ و بعد كده ساقى الملك لما جات الرؤيا دي أمام الملك و هنعرف في المشهد الجاي إن شاء الله و في الوجه القادم ، تذكر يوسف ، فراح لجأ له ، هنعرف إن شاء الله ، يعني هنا ربنا بيقول إيه (و قال للذي ظن أنه ناج منهما اذكرني عند ربك فأنساه الشيطان ذكر ربه) في اللحظة دي يوسف تعلق بالأسباب ، فكان ده عند ربنا ، في الدرجة دي يعتبر مخالفة ، عمل مخالفة يعني ، (فلبث في السجن بضع سنين) هو ربنا أراد إنه يُسجن بضع سنين كمان ليُتم الله سبحانه و تعالى أمر كان مفعولاً ، ماشي ، فمعظم الناس بيقولك إيه (فأنساه الشيطان ذكر ربه) ده ساقى الملك اللي نسي ، نسي يقول عن يوسف ، لا ، مش صحيح ، مش صحيح ، بدليل القرآن نفسه ، القرينة نفسها نقول إيه بقى (و قال للذي ظن أنه ناج منهما اذكرني عند ربك) يعني يا ساقى الملك توسطي عند الملك عشان أخرج ، إيه اللي حصل بقى؟ فلا بسرعة (فأنساه الشيطان ذكر ربه) هنا أهو ، إنت كده يوسف أنساك الشيطان ذكر ربك ، ينفع نقول عن ساقى الملك (فأنساه الشيطان ذكر ربه) مين اللي هيتذكر؟؟ المفروض ذكر مين ، ذكر يوسف ، يعني هنا المفروض مين اللي هيتذكر؟ الساقى ، هيتذكر مين؟ يوسف ، عند مين؟ عند الملك ، طيب (فأنساه الشيطان ذكر ربه) يعني إيه ذكر ربه ، هو الساقى كان هيتذكر الله؟؟ أو هيتذكر الملك؟؟ و لا هيتذكر يوسف ، هيتكلم عن يوسف عند الملك فيتالي يخرججه ، فهي قرينة أهى ، فهمتوا؟؟ حد مش فاهم الحتة دي ، (فأنساه الشيطان ذكر ربه) يعني إيه ، نتيجة الخوف مثلاً أو الألم في لحظة ، تعلق بأسباب الدنيا ، فالدرجة دي تعتبر مخالفة بالنسبة للأنبياء مثلاً ، واخد بالك ، فلذلك ربنا سبحانه و تعالى عزى الإحساس ده للشيطان مش للملاك أو للملائكة ، صح؟ مش الشياطين بتحاول تؤثر على البشر برضو ، و كذلك الملائكة ، ماشي ، (فلبث في السجن بضع سنين) . لو معنى النسيان كان للساقى لكنت التلاوة هكذا : فأنساه الشيطان ذكره عند ربه . او فأنساه الشيطان ذكر يوسف عند ربه .

- (و قال الملك إني أرى سبع بقرات سمان يأكلهن سبع عجاف) آه عجاف بقى ، حد يعرف يقول عجاف من أصوات الكلمات ، لها كذا معنى : عين لوعة و لعاعة ، جاف أي جاف ، يابس كده مفيهوش إحساس ، أو يابس مفيهوش ماء ، مفيهوش نضرة ، ليس فيه نضرة ، هو ده عجاف ، صح؟ كذلك عجاف : عج ، العج اللي هو إيه؟ العاصفة الترابية ، ببسموها هناك في بلاد الحرمين عجة ، عجة يعني إيه ، عاصفة ترابية ، كانوا بيقولوا كده و أنا صغير هناك ، أف أي آفة ، صح؟ أو تأفف ، الإتنين برضو : آفة ، أو الألف دي مد عادي و الفاء أي تأفف ، شفتو كذا معنى إزاي؟ عجاف ، أهو ده معنى كلمة عجاف ، قبيح

يعني ، عين لوعة و لعاعة ، جاف أي من الجفاف ليس فيه خير ، كذلك عجاف : عجة أي عاصفة ترابية كده فيها آلام ، أف : آفات ، شفتو اللغة العربية ، أمر عظيم جداً ، لغة القرآن لغة إلهامية كما قال الإمام المهدي عليه السلام .

- و ثم قال نبي الله يوسف الثاني عليه السلام : طيب ، يلاً يا مروان و لو في حاجة كده هنقولها إن شاء الله في المنتصف .

• تابع نبي الله الحبيب عليه السلام و قال :

خلي بالك ، هنا يوسف كان بيراعي برضو مشاعر الإثنين ، فبيقولهم (أما أحدكما) لم يقل إنت أو إنت ، فيسقي ربه خمرأ ، هما بقى هيفهموا مين اللي شاف بيعصر مين ، عارف نفسه ، (أما الآخر فيصالب فتأكل الطير من رأسه) هو الثاني عارف برضو مين اللي كانت الطيور بتأكل في الرؤيا ، حط عندهم الأمل أو حط عند اللي هيتصلب الأمل لآخر لحظة ، بحيث يبقى هادي نفسياً ، شايف الأسلوب ، أسلوب عظيم جداً من يوسف النبي ، صح كده؟ ، كمان اللي ظن أنه ناج منهما ، اللي هو ساقى الملك ، إحنا قلنا ممكن قال و محدش إهتم ، ده إحتمال ، في إحتمال ثاني ، يكون ساقى الملك خاف ليجيب سيرة حد ثاني في السجن له علاقة به فيرجع السجن ثاني ، فكان طالع خايف ، عاوز يحافظ على نفسه ، عادي ، أمر طبيعي ، دي نزعات بشرية ، بس كونه أن هو مفكرش ، لا مش صحيح ، إحتمال بعيد جداً ، لأن القرآن نفسه بيقول كده (اذكرني عند ربك فأنساه الشيطان ذكر ربه) ذكر مين؟ هو المفروض فأنساه الشيطان ذكر يوسف عند ربه ، كان قال كده ربنا ، فأنساه الشيطان ذكره عند ربه مثلاً أو ذكر يوسف عند ربه أو عند الملك ، لأن المفروض اللي هيذكر/سيذكر مين؟ يوسف ، صح؟ شوفت القرآن ، خلي بالك ، دي معاني دقيقة ، دقائق القرآن الكريم .

- و قال عليه السلام : خلي بالك ، شوف ربنا ممكن يحرك الكون كله و أسبابه ، خلي بالك أهو ، من أجل واحد مصطفى ، واحد نبيل مجتبي ، بس كده ، يعني ربنا ممكن يكون قدر الأحداث دي سبع سنين ، و سبع سنين هنعرف التأويل إن شاء الله ، قدر الأحداث اللي في الرؤيا اللي شافها الملك دي ، من أجل خاطر عيون يوسف النبي ، عشان يخرج بس كده من السجن و يبقى متمكن في الأرض ، محدش يعرف تأويل الرؤيا إلا هو ، يبقى هنا ربنا سبب له الأسباب ، شايف ، خلي بالك لما تعلق يوسف النبي بساقى الملك ، قال له طب اذكرني عند ربك ، عند الملك إنه هو يخرجني لأنني مظلوم ، هنا كده يوسف النبي حاول يستخدم سبب ضعيف ، اللي هو ساقى الملك ، آه فربنا عشان يديله درس و يديله نعمة و يديله إحساس عظيم و خشوع عظيم ، عمل إيه ربنا؟ عمل رؤيا خاصة كاملة لملك مصر ، يوسف الوحيد اللي يعرف تأويلها ، زي دانيال لما كان عارف تأويل رؤيا ملك بابل ساعتها ، في سفر دانيال العظيم طبعاً ، بس ، حاجة بسيطة ، كلمات ، كلمات ، و فعلاً ساعتها مصر دخلت في مرحلة الجفاف ، هنعرف إن شاء الله التأويلات ، خاينا بس الوجه الجاي كل حاجة في وقتها جميل ، من أجل مين؟ واحد بس ، يوسف النبي ، إيه ده؟؟ معقولة؟؟؟ آه موحد واحد ، لو موحد واحد في بلد هو خير عند الله كلهم ، و جماعة واحدة موحدة متصلة بالله هي خير عند الله من كافة البشر ، متستغربوش ، الإمام المهدي الحبيب عليه السلام ربنا نصره و فضله على كل اللي كفروا به و كذبوه ، إيه ده؟ شوف اللي كفروا به و كذبوه أذ قد إيه؟؟ ملايين ، مليارات ، مع ذلك هو عند الله خير منهم ، ربنا مايفرقش معه الأرقام و الأعداد الكثيرة ، لا ، يفرق معه القلوب الطاهرة و الصالحة و النبيلة .

- حد يعرف يقول كلمة سنبله من أصوات الكلمات؟؟ سنبلات أو سنبله ، سنبل لها معنيين : السين تسرب خفي بطيء اللي هو النمو ، نمو النبات بيبقى بطيء كده و براحة ، صح؟ و نون و باء و لام : نبل ، آه النبات دايماً كده نبيل جميل ، كذلك : سين تسرب خفي لطيف ، يعني نمو بطيء بالتدريج يعني ، بعدين؟ نون نعمة ، و بلة أي الرطوبة و البلل و الأمطار و الخضار و النضارة ، فهي بلة ، تمام كده ، شفتوا معاني كلمة سنبله إيه من أصوات الكلمات؟؟ ، حاجة جميلة جداً .



- خلي بالك ، (و قال للذي ظن أنه ناج منهما) مين اللي ظن؟؟ يوسف ، ظن أنه ناج منهما ، يعني اللي هو خرج من السجن ده افكر أنه هو الناجي ، طب إحنا عرفنا منين ، ما هو ممكن يكون اللي مات ده ، مات شهيد ، و مات مظلوم و ربنا سيُعطيه الفردوس أو هيطهر قلبه ، لأن يوسف النبي أعطاهم درس في التوحيد أهو ، من أول (إني تركت ملة قوم لا يؤمنون بالله و هم بالآخرة هم كافرون و اتبعت ملة آبائي لغاية و لكن أكثر الناس لا يعلمون) كل ده درس توحيد ، و طهر قلوبهم و صحح عقيدتهم ، و

اللي مات ده ، مات مظلوم فأصبح هو الناجي ، مش شرط يكون هو ساقى الملك هو اللي نجى أو ده النجاة ، أو الخروج من السجن هو النجاة في ميزان الله عز و جل ، عشان كده ربنا عبر هنا عنها بكلمة ظن ، (و قال للذي ظن أنه ناج منهما) ظن مين ، يوسف ظن إنه إيه؟ ناجي ، كذلك ساقى الملك ظن إنه هو الناجي ، ميعرفش ، طب ممكن اللي مات و اتصلب ده ظلم ، هو اللي نجى ، أو قدره عند الله هو الأعظم ، فهمتوا ، خلوا بالكو ، كذلك (إني تركت ملة قوم لا يؤمنون بالله) في الوجه اللي فات ، هنا نقطة نظام ، يعني إيه؟ كان ممكن يوسف النبي وقتها و هو مُخالط للناس الوثنية دي ، كان دخل إلى قلبه بعض التأثير مثلاً ، صح؟ ، فلما ربنا حط نقطة نظام و دخل السجن ، قوى عوده و قوى صُلبه تاني ، تمام ، و خلاه قوي و متمسك بعقيدته الصحيحة ، بعقيدة آبائه اللي هي عقيدة التوحيد ، يعني في حد ذاته السجن ده كان مفيد ليوسف ، إنه إيه؟ قواه و قَوى عقيدته ، صح كده ، أهو (إني تركت ملة قوم) تركتهم ، ده دليل إنه كان ممكن إيه ، حاولوا يأتروا عليه ، لكنه ثبت و إزداد ثباتاً في السجن ، صح كده؟ و بدأ يبشر كمان ، بكل قوة بدعوة التوحيد ، دعوة آبائه إبراهيم و إسحاق و يعقوب ، صح؟ ، ربنا ده عظيم و عليم ، و عليم بخفايا النفوس و مُربي جليل و جميل ، تربية ، ربنا بيربي ، خلوا بالكو ، بطرائق و بأسباب لا تخطر لكم على بال ، ليه؟ (إن ربي لطيف لما يشاء) لطيف لما يشاء ، يعني دائماً كده تصاريف ربنا عجيبة و لطيفة و خفية و غير متوقعة ، (إن ربي لطيف لما يشاء) ربنا إيه ، غير متوقع ، دائماً كده ، ماشي ، و دي من عظمتة سبحانه و تعالى .

- هنعرف إن شاء الله ، بأمر الله الوجه الجاي ، إزاي إن الرؤيا دي ، رؤيا الملك فيها الحل ، بس هو مكنش عارف ، طبعاً مين اللي يعرف؟ ربنا عَرَفَ يوسف ، فيها الحل ، باين أهو ، أنا إن شاء الله هقولكم المرة الجاية ، تمام ، (سبع سنبلات خضر و آخر يابسات) آخر ممكن يكونوا برضو سبع يابسات و كذلك آخر يابسات كثيرات ، شاف سنابل يابسات كثيرات ، ف ده بيوحى لحل معين ، تمام ، ماشي ، و ماقلش إن السبع سنبلات الخضر اللي هياكلهن السبع أو الآخر اليابسات ، ماقلش كده ، هو قال إيه إن الرؤيا قالت إيه ، البقرات العجاف هم بس هياكلوا إيه؟ البقرات السمان ، أصل في ناس كثير تقعد تألف في تأويل الرؤيا دي ، و تقعد تحمل القرآن معاني لم يأتى بها ، ماشي ، هنشوف إن شاء الله هذا الأمر في الوجه القادم بحول الله و قوته .

و اختتم نبي الله الجلسة المباركة بقوله المبارك :

هذا و صلِّ اللهم و سلم على نبينا محمد و على آله و صحبه و سلم ، سبحانه اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلِّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه السابع من يوسف.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام المد , ثم قام بقراءة الوجه السابع من أوجه سورة يوسف ، و أجاب على أسئلتنا بهذا الوجه ، و أنهى نبي الله الحبيب الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه السابع من أوجه سورة يوسف ، و نبدأ بأحكام التلاوة و أحمد :

أحكام المد و نوعيه :

مد أصلي طبيعي و مد فرعي , المد الأصلي يُمد بمقدار حركتين و حروفه (الألف , الواو , الياء) , و المد الفرعي يكون بسبب الهمزة أو السكون .

أما الذي بسبب الهمزة فهو مد متصل واجب و مقداره ٤ إلى ٥ حركات , و مد منفصل جائز مقداره ٤ إلى ٥ حركات , و مد صلة كبرى مقداره ٤ إلى ٥ حركات جوازاً , و مد صلة صغرى مقداره حركتان وجوباً .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة قريش ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

طبعاً إحنا عرفنا إن ربنا قَدَرَ قدر عظيم جداً ليعلو شأن يوسف النبي -عليه السلام- ، طبعاً يوسف ارتكب مخالفة غير مقصودة يعني ، إن هو رضح لسبب دنيوي نتيجة الضعف البشري ، لما قال للذي ظن أنه نجى و اللي هو ساقى الملك ، نجا ظاهرياً ، هو ظن النجا ، ربنا هيتكلم في الوجه ده إنه نجى النجا

الظاهرة التي يعرفها كل الناس ، أو التي يفهمها كل الناس ، قال له توسطلي عند الملك إنه أنا أخرج ، لأن أنا دخلت السجن مظلوم ، ف دي كانت تعتبر مخالفة بالنسبة لمرتبة يوسف النبي ، فربنا لم يرضى إن اللي يخرج من السجن واحد خدام ، فتبقى وحشة في حق يوسف يعني ، إيه ده ، صح كده؟ فربنا بقى عطش أمة كاملة في القدر المبرم في السماء عشان يخرج يوسف ، شوفوا بقى سبب الأسباب إزاي ، سبب الأسباب العظيمة ، سبب سبب عظيم جداً و قوي جداً علشان إيه ، يكون هو ده السبب اللي يخرج بسببه يوسف من الظلم و من السجن ، لأن يوسف هو خبير في التأويل ، ربنا أعطاه العلم ده ، صح كده؟ ، يوسف يخرج بسبب ساقى الملك اللي هو الخدام ، سبب دنيوي ، و للاً/أم يخرج بسبب آخر اللي/الذي هو عطش أمة كاملة ، يكون هو ربنا سببه في إيه ، إن الأمة ده إيه؟ متعطشش أو إنها تنجو ، ف دي أسباب دنيوية أهى ، ربنا سببهاله ، صح؟ يعني قدر في القدر المبرم إن أمة مصر دي هتعطش ، لازم تعطش خلاص ، هيجيلها سنين عطش ، و الخبر ده أتى لملك مصر ساعتها بالرؤيا ، بالرموز في الرؤيا ، تمام ، فمين اللي هيحل اللغز ده؟ و يفهمهم الحل ، اللي هو كان موجود في الرؤيا أصلاً ، و هم مش واخدين بالهم إن الحل موجود في الرؤيا ، في رؤيا الملك ، و أقول لكم إزاي دلوقتي ، يبقى ربنا سبب سبب عظيم أعظم من واسطة الساقى اللي كان طلبها يوسف في الأول ، فربنا كده رفع قدر يوسف ، خلّى/جعل السبب اللي يخرج به من السجن ، سبب عظيم جليل ، إنقاذ أمة ، زي ما هو دلوقتي إيه ، إنقاذ الناس و العالم بأنهم يؤمنوا و يوقنوا إنه في إله يوحى ، و إن سلسلة الأنبياء لم تنقطع ، و إن الرسول ﷺ صادق و أن المسيح الموعود ﷺ صادق ، فهي دي وظيفة إيه؟ جماعة اليوسفيين ، هي عبارة عن شمة مضيئة في وسط الظلام الحالك في عصر الدجال و في عصر ظبية الدجال ، تمام كده ، ف ده إنقاذ للعالم ، إن هم يصدقوا فعلاً بوجود الله عز و جل يقيناً و يجربوا ده بقى ، لما يصدقوا و يبائعوا ، يجربوا و يستخيروا ، يجربوا ، لأن اللي يصدق و يستخير و يبائع و يحسن الظن هيجرب الوصال و هيجرب النور ده ، ف دي نجاة ، نجاة عظيمة ، تمام كده ، لأن العالم اليوم يعني إيه ، وصل لتقنيات عظيمة جداً دنيوية ، و أسباب دنيوية عظيمة جداً و نعم دنيوية عظيمة جداً ، و هي دي من صفات عصر الدجال اللي الرسول أخبر عنه ، صح كده؟ لكن ينقص الناس إيه؟ آه ، الغذاء الروحي و اليقين و السلام النفسي ، و ده موجود فين؟ عند الأنبياء و جماعات الانبياء ، جميل أوي .

{قَالُوا أَضْغَاثُ أَحْلَامٍ وَمَا نَحْنُ بِتَأْوِيلِ الْأَحْلَامِ بِعَالَمِينَ} :

بعد كده إيه ، الملك قال لهم أنه رأى في المنام (إني أرى سبع بقرات سمان يأكلهن سبع عجاف و سبع سنبلات خضر و آخر يابسات) الملاً بقى ، الحاشية بتاعته قالوا إيه بقى ، معرفوش ، قالوا إيه؟ (قالوا أضغاث أحلام) و كلمة ضغث يعني إيه ، أضغاث أحلام يعني إيه ، مشاهد متفرقة كده ، عبارة عن تفريغ نفسي أو هلاوس شفتها يا أيها الملك ، (و ما نحن بتأويل الأحلام بعالمين) و إحنا كمان معنديناش خبرة في تأويل الرؤى و الأحلام ، قالوا له كده ، بصريح العبارة ، يعني إستريح ، دي عادي ممكن تكون هلوسات أو تفريغ نفسي ، أضغاث ، أضغاث أي أجزاء ، كذلك كلمة ضغث : الضاد تشتت فظ أليم ، الغيش غبش و ضباب ، الثاء هو صوت الدهشة و الإندهاش أو صوت الأفعى ، تمام كده ، فلما تتجمع الثلاثة أصوات دول مع بعض ، فيبقى أمر مؤلم ، صح؟ أو مشاهد مؤلمة ، أو لا تلتفت إليها ، هم الملاً بيقلوا كده يعني ، قالوا أضغاث ، أضغاث أحلام ، تمام كده ، لأن الضغث هو إيه؟ أجزاء متفرقات مجموعة/جُمعت في حزمة واحدة اللي هي كانت الحلم ، ف دي متفرقات ، ممكن يكون ده تفريغ نفسي ، تمام كده ، ماشي .

{وَقَالَ الَّذِي نَجَا مِنْهُمَا وَادَّكَرَ بَعْدَ أُمَّةٍ أَنَا أُنَبِّئُكُمْ بِتَأْوِيلِهِ فَأَرْسِلُونِ} :

(و قال الذي نجا منهما) اللي هو الساقى ، نجى نجاة ظاهرة ، لم يؤاخذ في حادثة أو قضية محاولة إغتيال الملك ، (و اذكر بعد أمة أنا أنبئكم بتأويله فأرسلون) أنا عندي الحل ، و أنا عارف التأويل ، لأنني عرفت واحد صالح صديق في فترة الحبس ، أول لي رؤيا و أول لصاحبي رؤيا و الرؤى تحققت ، و كان بيكلمنا طبعاً عن التوحيد و عن الإله الحق ، فرجل صالح .

{يُوسُفُ أَيُّهَا الصِّدِّيقُ أَفْتِنَا فِي سَبْعِ بَقَرَاتٍ سِمَانٍ يَأْكُلُهُنَّ سَبْعُ عَجَافٍ وَسَبْعِ سُنبُلَاتٍ خُضْرٍ وَأُخَرَ يَابِسَاتٍ لَّعَلِّي أَرْجِعَ إِلَى النَّاسِ لَعَلَّهُمْ يَعْلَمُونَ} :

(يوسف أيها الصديق) راح له بقى السجن و قال له يا يوسف ، بيتودد له و يقوله أيها الصديق ، (أفتنا) أعطينا فتوة ، و طبعاً عرفنا كلمة فتوى من أصوات الكلمات قبل كده ، فتوى : فت أي أثر بقوة ، و : صوت الواو دوي دائري منتظم ، إذا تأثير بقوة أو تأثير قوي يعمل دوي دائري منتظم ، أفتنا في رؤيا هي (سبع بقرات سمان يأكلهن سبع عجاف و سبع سنبلات خضر و آخر يابسات) البقرة في الرؤيا تأول على أنها سنة ، فالرؤيا دي بتقول إيه؟ إن في سبع سنين خير ، هيجي بعدهم سبع سنين يقضوا عليهم ، باينة خالص أهي ، و الحل إيه بقى؟ أهو (سبع سنبلات خضر و آخر يابسات) سبع سنبلات خضرة حديثة النبات ، و بعد كده شاف سبع سنبلات يابسات أو آخر يابسات ، أكثر من سبعة ، يبقى الحل إيه في الجفاف اللي هيجصل ده بعد السبع السنين الخصبة ، إن الناس تخلي/تبقى في السبع السنين الخصبة ، القمح الأخضر اللي فيها يفضل في السنابل بتاعته و يتخزن في السنابل بتاعته ، يفضل يابس في السنابل بتاعته عشان يحافظ عليه أكبر قدر من السنين و الوقت ، و الناس تستخدمه وقت الحاجة ، الحل باين أهو ، (يوسف أيها الصديق أفتنا في سبع بقرات سمان يأكلهن سبع عجاف و سبع سنبلات خضر و آخر يابسات لعلّي أرجع إلى الناس لعلهم يعلمون) .

{قَالَ تَزْرَعُونَ سَبْعَ سِنِينَ دَأَبًا فَمَا حَصَدْتُمْ فَذَرُوهُ فِي سُنْبُلِهِ إِلَّا قَلِيلًا مِّمَّا تَأْكُلُونَ} :

قال الحل أهو (قال تزرعون سبع سنين دأباً) سبع سنين تزرعوا بجد ، بدأب ، بقوة ، بقوة حثيثة ، (فما حصدتم فذروه في سنبله) الزرع و السنابل اللي بتحصدها ، بتجنوها يعني ، خلوها في سنابلها ، خلوا القمح في السنابل ، متفركوش حبات القمح بعيد عن السنبل ، (إلا قليلاً مما تأكلون) القليل اللي هتاكلوه بس كده و تحافظوا عليه ، تاكلوا بقدر معين ، هو ده طبعاً هتطحنوه بعد ما تفرغوه من السنبل .

{ثُمَّ يَأْتِي مِنْ بَعْدِ ذَلِكَ سَبْعُ شِدَادٍ يَأْكُلْنَ مَا قَدَّمْتُمْ لَهُنَّ إِلَّا قَلِيلًا مِّمَّا تُحْصِنُونَ} :

(ثم يأتي من بعد ذلك سبع شداد) سبع سنين الجفاف هيجوا/ستأتي بعد سبع سنين الخصب ، (يأكلن ما قدمتم لهن) بطريقتين : إن إحنا هناكل من القمح المخزن ، ف ده يُعتبر (يأكلن ما قدمتم لهن) ، كذلك أي محاولة للزراعة هتبوء بالفشل إلا قليل ، (إلا قليلاً مما تحصنون) إلا بعض الأراضي اللي مش هيصيبها الجفاف ، و دي هتكون قليلة ، هتزرعوا فيها بصعوبة ، (إلا قليلاً مما تحصنون) أي تحمون و تحافظون على تلك الأرض .

{ثُمَّ يَأْتِي مِنْ بَعْدِ ذَلِكَ عَامٌ فِيهِ يُغَاثُ النَّاسُ وَفِيهِ يَعْصِرُونَ} :

عام بعد السبع الشداد ، هيكون فيه الخير بقى و هيزول الجفاف ، و تبدأ الثمار تينع و هنبداً نعصر الثمار دي ، زي إيه مثلاً؟ نعصر العنب ، و نعصر السمسم ، و نعصر الحاجات اللي بتطلع مواد غذائية طيبة ، ماشي ، و الزيتون نعصره يطلع زيت الزيتون ، كده يعني .

- طبعاً (و ادكر بعد أمة) يعني تذكر بعد فترة طويلة ، أمة : فترة طويلة ، ماشي .

{وَقَالَ الْمَلِكُ انْثُنُونِي بِهِ فَلَمَّا جَاءَهُ الرَّسُولُ قَالَ ارْجِعْ إِلَى رَبِّكَ فَاسْأَلْهُ مَا بَالُ النِّسْوَةِ الَّتِي قَطَّعْنَ أَيْدِيَهُنَّ إِنَّ رَبِّي بِكَافٍ عَلِيمٌ} :

(و قال الملك ائتوني به) لما سمع التأويل عجبه أوي ، و فهِمَ أن ده رجل حكيم ، و كلام منطقي جداً ، و الحلول اللي قالها ، حلول حكيمة جداً ، ملك مصر ساعتها قال إيه (و قال الملك ائتوني به) يعني قربوه مني ، خلوه/اجعلوه يبقى من الملاً بتاعي أو الحاشية بتاعتي ، (فلما جاءه الرسول) رسول الملك ليوسف يعني ، (قال ارجع إلى ربك) أي الملك ، (فأسأله ما بال النسوة اللاتي قطعن أيديهن) هنا يوسف قال لهم الحل من غير ما يستنى مقابل في الأول ، لم يقل لهم : مش هقول لكم الحل إلا لما تطلعوني من السجن ، ده دليل إيه؟ إنه شخص نبيل ، شخص شريف ، صح كده ، قلبه طاهر ، أهو بشكل واضح أهو ، قال لهم الحل من غير ما يطلب المقابل أو قال لهم الحل مباشرةً و العلاج من غير ما يطلب المقابل ، بعد كده لما الملك قال له اطلع ، قال له : لا ، مش هطلع إلا لما تُظهر براءتي ، (و قال الملك ائتوني به فلما جاءه الرسول قال ارجع إلى ربك فأسأله ما بال النسوة اللاتي قطعن أيديهن إن ربي بكيدهم عليم) في شوية نساء أخلاقهن سيئة ، كانوا يُردن بي السوء و الكيد ، إن ربي مطلع على كيدهن .

{قَالَ مَا خَطْبُكُمْ إِذْ رَاوَدْتُنَّ يُوسُفَ عَنْ نَفْسِهِ قُلْنَ حَاشَ لِلَّهِ مَا عَلِمْنَا عَلَيْهِ مِنْ سُوءٍ قَالَتِ امْرَأَةُ الْعَزِيزِ الْآنَ حَصْحَصَ الْحَقُّ أَنَا رَاوَدْتُهُ عَنْ نَفْسِهِ وَإِنَّهُ لَمِنَ الصَّادِقِينَ} :

(قال ما خطبكم إذ راودتن يوسف عن نفسه) هنا الملك بقى عمل تحريات و جمع النساء اللي هم أدوا يوسف ، منهم اللي تحرش بيوسف لفظي و منهم من حاول يتحرش به بشكل جسدي ، بشكل مادي يعني ، (قلن حاش لله ما علمنا عليه من سوء) هنا شهدوا شهادة حق ، بأنه رجل صالح ، بريء ، طاهر ، (قالت امرأة العزيز) مرات/زوجة الباشا يعني أو سيدته اللي كانت بتملكه ، (الآن حصص الحق) الحق دلوقتي ظهر و اتصل بالوجود و حصل و ظهر و شع و بَانَ ، لا مفر من الحق ، (أنا راوداته عن نفسه) يعني أنا اللي تحرشت به ، (و إنه لمن الصادقين) آه ، ظهرت الحقيقة ، ظهرت الحقيقة و ظهرت البراءة ، من فوق سبع سموات ، إزاي بقى؟ بترتيب ربنا سبحانه و تعالى ، ترتيب عظيم جداً ، سبحانه و تعالى ، لذلك ربنا هو غير متوقع ، أقداره غير متوقعة ، (إن ربي لطيف لما يشاء) كده ، سبحان الله .

{ذَلِكَ لِيَعْلَمَ أَنِّي لَمْ أَخُنْهُ بِالْغَيْبِ وَأَنَّ اللَّهَ لَا يَهْدِي كَيْدَ الْخَائِنِينَ} :

بعد كده يوسف بيقول إيه بقى (ذلك ليعلم أنني لم أخنه بالغيب) أنا ماخنتش ربنا و ماخنتش سيدي اللي هو زوجها بالغيب ، أبداً ، لأن النبي و الأنبياء و المخلصين من جماعات الأنبياء لا يكون عندهم لا غدر و لا خيانة ، دي من صفات المؤمنين المخلصين ، (و أن الله لا يهدي كيد الخائنين) مين اللي خان؟ النسوة و امرأة العزيز ، هم الخونة ، (و أن الله لا يهدي كيد الخائنين) ربنا ما بيكملش كيد الخائنين ، بيبتل كيد الخيانة ، و خصوصاً إذا كانت ضد الصالحين و الأنبياء .

{وَمَا أُبْرِئُ نَفْسِي إِنَّ النَّفْسَ لَأَمَّارَةٌ بِالسُّوءِ إِلَّا مَا رَحِمَ رَبِّي إِنَّ رَبِّي غَفُورٌ رَحِيمٌ} :

و يوسف بيقول إيه بقى ، بيقول إنه هو كان إيه ، شخص و إنسان زي كل البشر ، بيقول (و ما أبرئ نفسي إن النفس لأمارة بالسوء) أكيد جواه/داخله نوازع و رغبات إنسانية عادية جداً ، و جواه غرائز و لكنه إيه ، يتحكم بها و يصبر ، (و ما أبرئ نفسي إن النفس لأمارة بالسوء إلا ما رحم ربي) إلا الأوقات اللي ربنا بيرحمنا فيها ، فايه نستغفر ، (إن ربي غفور رحيم) ربنا طبيعته إيه ، الغفران و الرحمة ، فهنا بيحبب الناس في الإله الحق ، و بيحبب أهل مصر في إله بني إسرائيل اللي هو الإله الحق ، الله ربنا و رب آبائنا الأولين .

● و أثناء تصحيح نبي الله الحبيب يوسف الثاني ﷺ لتلاوتنا ، قال لنا :

- طبعاً كلمة خطب أو خطبكن هو الأمر الجلل أو الأمر العظيم .

- حصص اللي هو الحقيقة ظهرت أو بانّت ، فتم تبسيط العقدة اللي كانت موجودة ، بنفي الكذب و إظهار الصدق ، لأن لما مايكونش في خداع و مايكونش في كذب و تدليس و نفاق ، الدنيا هتبقى بسيطة ، مش هتبقى متعقدة ، مايقاش فيها عُقد ، الدنيا لما تبقى بسيطة كده ، تبقى سهلة ، تبقى النفوس مرتاحة ، فيحصل لها إيه؟ إتصال بالراحة ، حصص : حاء راحة و صاد إتصال مكرر مضاعف ، حصص ، الحق لما ظهر و الكذب إنتفى ، أصبح هناك حل للعقدة ، مش دي كانت عقدة ، القصة دي فيها عقدة أهى ، فيها عدة عُقد ، يجب أن تُحل و سببها إيه ، حرب بين قوى الظلام و قوى النور ، الحروب دي بتعمل العُقد دي ، و الحروب أصلها إيه؟ الكذب و الخداع و الرياء و الطمع و النفاق و الكذب ، فلما الصدق يظهر ، و الخداع ينتفى و الكذب ينتفى ، يحصل إيه؟ يحصل الحق ، الحق يُحصص ، حصص : ظهر و بان و إتصل و أوصلنا إلى الراحة بشكل مكرر ، فهو ده إيه؟ فائدة الصدق ، فلذلك سُمي يوسف أيها الصديق ، الصدق ، ميعرفش يكذب ، ميعرفش يقول خلاف الحق ، كده هي طبيعته كده .

- طبعاً (لعلهم يعلمون) يعلمون يعني يفهموا العلم اللي أتى أو يفهموا الرؤيا و الوحي ده ، فيبقوا هم لما فهموه كده أصبحوا متصلين بعالم السماء ، فأصبحوا يعلمون ، أخذوا من صفة العلم اللي هي الوحي الإلهي ، يعني فهموا الوحي ، اللي يفهم الوحي الإلهي يبقى كده أصبح عالم ، هو ده العلم الحقيقي و العرفان الحقيقي .

- يبقى هنا مين اللي أكل؟ السبع العجاف اللي هم الوحشين الهزال القبيحين أكلوا السبع بقرات السمان الحلوين ، لكن مفيش أي مشهد خالص في الرؤيا بيقول إن السبع السنبلات اليابسة أكلت الخضرا ، المشهد مايقولش كده ، المشهد بتاع السنبلات ده بيقول الحل ، اللي يأول لك و يقولك كان في سبع سنبلات يابسة كده إلتفت حول السبع السنبلات الخضر و أكلتها و قتلتها ، ده تأويل خاطئ ، صح؟ طبعاً إنتو فاهمين أنا أقصد إيه ، ف ده هو التأويل الصحيح (و سبع سنبلات خضر و آخر يابسات) بس المشهد كده ، سبع سنبلات خضرا كده و شاف سبع سنبلات يابسات أو سنبلات آخريين أو آخر يابسات ، الحل إيه؟ الخضرا دول بيقو كده ، تحافظوا عليهم كده ، بس ، يعني الخضرا تحافظوا عليها في السنبل ، تخزينها في السنبل ، هو ده الحل ، ماشي؟ . يعني السنابل اليابسة هي رمز الخير و النجاة و هو رمز محمود .



- الحاجات اللي كانت بتتصدر من المحاصيل الزراعية : السمس عشان تطلع/تُخرج الزيت ، زيت السمس أو دهن السمس ، الزيتون اللي كان بيتزرع في سيناء عشان يطلع زيت الزيتون ، و إيه تاني ، العنب عشان العصير و ساعات زمان كانوا بيعملوا منه إيه؟ الخمر ، و أي حاجة تنفع تتصدر هيعصروها طبعاً و يتنعموا بها .

- شفتوا ، خلوا بالكوا من كلمة (رَاوَدْتُنْ) دي ، فيها هنا إدغام جناس ، الدال مع التاء ، دال تاء ، لاحظ كده ، إنطق كده الدال و إنطق التاء ، دال ، تاء ، تلاقي طرف اللسان خبط فين؟ في أعلى الأسنان الأمامية ، دال تاء ، فنفس المخرج أهو ، نفس مخرج الصوت ، فلما يجيوا ورا بعض يحدث جناس ، إدغام تجانس أو جناس ، (قال ما خطبكن إذ رَاوَدْتُنْ) مايقولش (إذ راودتن) ، لا (إذ رَاوَدْتُنْ) ، فهمتوا يعني إيه إدغام جناس؟؟ ده نوع من أنواع الإدغام ، يمكن إحنا مش كاتبينه في ورقة الأحكام ، بس دايماً أنا بشير له من وقت لآخر ، و عرفنا كلمة (حاش لله) قبل كده .

- طبعاً أحلام ، أضغات أحلام ، الأحلام جمع حُلُم ، و الحُلُم هو العقل ، و الأحلام هي العقول ، كذلك ممكن يكون معناها مشاهد الرؤيا ، أضغات أحلام يعني أفكار متفرقات ، إنت كنت بتفكر في الحاجات دي ، فتجمعت في مشاهد كده شفتها و ملهاش أي معنى ، ده معنى كلام الملأ للملك .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم تسليماً ، سبحانه اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه الثامن من يوسف.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام المد , ثم قام بقراءة الوجه الثامن من أوجه سورة يوسف ، و أجاب على أسئلتنا بهذا الوجه ، و أنهى نبي الله الحبيب الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الثامن من أوجه سورة يوسف ، و نبدأ بأحكام التلاوة و مروان :

مد فرعي بسبب السكون :

مد عارض للسكون و يكون غالباً في نهايات الآيات و يمد بمقدار ٤ إلى ٥ حركات .

و مد لازم حرفي أو كلمي : الحرفي هو في أوائل السور , و الكلمي مقل و يمد بمقدار ٧ حركات مثل (و لا الضالين) .

و المد الحرفي له ثلاثة أنواع : حرف واحد يمد حركة واحدة و هو الألف في حروف المقطعات في بداية السور ، مجموعة من الحروف تمد بمقدار حركتين و هي مجموعة في جملة (حي طهر) , و حرف تمد بمقدار ٦ حركات و هي مجموعة في جملة (نقص عسلكم) .

و بعد مروان قالت الأحكام رفيعة ثم أرسلان .

و ثم تابع نبي الله يوسف الثاني ﷺ الجلسة بشرح الوجه لنا فقال :

{وَقَالَ الْمَلِكُ ائْتُونِي بِهِ أَسْتَخْلِصُهُ لِنَفْسِي فَلَمَّا كَلَّمَهُ قَالَ إِنَّكَ الْيَوْمَ لَدَيْنَا مَكِينٌ أَمِينٌ} :

بعد ما ظهرت براءة يوسف النبي -عليه السلام- و ظهرت نعمة الله عز و جل في فمه ، قال (اجعلني على خزائن الأرض) بعد إيه ، بعد ما قال له الملك (و قال الملك ائتنوني به أستخلصه لنفسه) لما الملك عرف التأويل بقى و شاف الحل في الرؤيا و شاف التأويل الحكيم ، ده كان وقتها أمر نادر و عجيب ، بعث ليوسف يجيه/يأتي له في القصر ، فلما جاله/أتى له في القصر ، قال له (فلما كلمه قال إنك اليوم لدينا مكين

أمين) ، (و قال الملك انتوني به أستخلصه لنفسي) يعني عاوز أقربيه لي و يكون لي أنا بس ، يعني مستشاري ، مستشار خاص بي ، تستفيد منه يعني ، (فلما كلمه) قال له كده يعني ، الملك قال ليوسف إنت تبقى المستشار الخاص بتاعي ، (قال إنك اليوم لدينا مكين أمين) إنت مُمَكِّن و إحنا بنثق فيك و أنت أمين عندنا .

{قَالَ اجْعَلْنِي عَلَى خَزَائِنِ الْأَرْضِ إِنِّي حَفِيظٌ عَلِيمٌ} :

يوسف قال إيه بقى (قال اجعلني على خزائن الأرض إني حفيظ عليم) ، (اجعلني على خزائن الأرض) يعني كأنها وزارة المالية مثلاً ، (خزائن الأرض) اللي هي حاجات الوزارة أو المصلحة ، المسؤولية عن تخزين السلع أو تخزين الحبوب ، كده يعني ، هي دي معنى خزائن الأرض ، يعني الثروات ، (إني حفيظ عليم) ، و كانت ثروات قدماء المصريين زمان ، أكثرها إيه؟ منتجات الزراعة يعني ، هي دي أكثر ثرواتهم يعني ، في الحضارة دي ، لأنها كانت حضارة زراعية ، (قال اجعلني على خزائن الأرض إني حفيظ عليم) ، حفيظ : أقدر أحفظ الثروات دي ، و عليم : عندي علم من الله عز و جل و خبرة و نعمة .

{وَكَذَلِكَ مَكَّنَّا لِيُوسُفَ فِي الْأَرْضِ يَتَّبِعُوا مِنْهَا حَيْثُ يَشَاءُ يُصِيبُ بِرَحْمَتِنَا مَنْ نَشَاءُ وَلَا نُضِيعُ أَجْرَ الْمُحْسِنِينَ} :

ربنا بيحكى و بيقول إيه (و كذلك مكنا ليوسف في الأرض) هينال له الأسباب عشان نُمكنه في حُكم دنيوي ، (يتبوا منها حيث يشاء) بمصر يروح في أي حطة ، يجلس في أي حطة ، يسافر أي حطة في مصر ، (يتبوا منها حيث يشاء) بعد ما كان مسجون في حطة معينة ، دلوقتي مَكَّنَّا له و اديناله/أعطينه سلطة و سلطان ، و بقى يتحرك في كافة ربوع مصر بكل أريحية ، يعني يوسف اقام في اماكن متعددة بمصر و ليس بقعة واحدة . فكان يعيش في الشرقية و عاش في الفيوم و عاش في إهنيس و طيبة . (نُصِيبُ بِرَحْمَتِنَا مَنْ نَشَاءُ و لا نُضِيعُ أَجْرَ الْمُحْسِنِينَ) هنا بيصف يوسف النبي و الأنبياء بأنهم إيه؟ من المحسنين ، و أن الله سبحانه و تعالى لا يُضيع أجور المحسنين ، (نُصِيبُ بِرَحْمَتِنَا مَنْ نَشَاءُ) أعطاهم من رحمته سبحانه و تعالى .

{وَلَا جُزْءَ الْآخِرَةِ خَيْرٌ لِلَّذِينَ آمَنُوا وَكَانُوا يَتَّقُونَ} :

و أجر الآخرة أفضل من الدنيا ، حتى و لو مكنش في أجر دنيوي ، و لكن سيكون أجر الآخرة أفضل و خير .

{وَجَاءَ إِخْوَةُ يُوسُفَ فَدَخَلُوا عَلَيْهِ فَعَرَفَهُمْ وَهُمْ لَهُ مُنْكَرُونَ} :

(و جاء إخوة يوسف فدخلوا عليه فعرفهم و هم له منكرون) إخوة يوسف ، اللي هم كانوا عشرة إخوة من غير بنيامين ، ذهبوا مصر وقت المجاعة ، عشان إيه ، عرفوا إن مصر فيها تخزين حبوب ، إن هم كانوا مخزنين حبوب في سبع سنين اللي كان فيها إيه؟ ريّ ، و بعد كده لما دخلت سنين القحط ، راحوا سافروا مصر ، قالوا ممكن نلاقي حبوب هناك عشان نُطعم أهلنا ، (و جاء إخوة يوسف فدخلوا عليه فعرفهم) يوسف عرفهم ، لأن هو لما سابهم كان صُغِير ، شكله إيه تغير لما كَبِرَ يوسف ، لكن هم كانوا كبار فشكلهم متغيرش أوي فعرفهم ، (و هم له منكرون) هم ما عرفوهوش عشان إيه ، زي ما قلنا إنه هو لما وصل مصر كان صُغِير ، غلام صغير ، لما عدت/مرت السنين اختلف شكله فلم يعرفوه ، لكن هو عرفهم .

{وَلَمَّا جَهَّزَهُم بِجَهَّازِهِمْ قَالِ اثْنُونِي بِأَخٍ لَّكُمْ مِّنْ أَبِيكُمْ أَلَا تَرَوْنَ أَنِّي أُوفِي الْكَيْلَ وَأَنَا خَيْرُ الْمُنْزِلِينَ} :

(و لما جهزهم بجهازهم) كان ساعتها بقى إيه ، في قانون حاطينه ، إن كل واحد له جمل بغير و البعير هنا معناه الحمار مش الجمل يعني ، في قصة يوسف ، (حمل بغير) يعني كل واحد يحمل جمل حمار من الحبوب و يرجع بها إلى أهله ، (و لما جهزهم بجهازهم) الجهاز اللي هو إيه؟ الغلة يعني ، الحبوب ، طبعاً الحبوب دي كانت بمقابل ، مكنتش تتأخذ كده ببلاش ، كانوا بيُعطوا نقود مثلاً أو كده إيه ، بضاعة أخرى ، يعني يا إما نقود مثلاً ذهبية أو فضية ، أو بضاعة أخرى غير الحبوب مثلاً ، تكون زيادة عندهم ، فبتالي بنظام المقايضة بيعطوا البضاعة اللي هم مش محتاجنها و بياخذوا مكانها الحبوب عشان ياكلوا منها ، (قال اثنوني بأخ لكم من أبيكم ألا ترون أني أوفي الكيل و أنا خير المنزلين) طبعاً هم لما دخلوا عليه بدأ يتكلم معهم ، إنتو مين؟ فقالوا إحنا أبناء رجل صالح من فلسطين اسمه يعقوب ، إسرائيل يعني ، إنتو كم أخ و أخت؟ قالوا له إحنا إحداشر أخ ، طب إنتو جيتوا عشرة ليه؟ قالوا له أصل بابانا بيحب أخونا الصُغير خالص ، فهو إستغرب و قال لهم إزاي؟ مش إنتو عندكم المفروض البكر هو أحب واحد إلى الأب؟؟ إزاي هو ، الإبن الصغير الأحب لكم؟ على العموم ، لما المرة الجاية تيجو/تأتوا و تأخذوا الحبوب من مصر ، هاتوا أخوكم الصغير ده عشان تُزودوا الغلة ، يبقى له نصيب ، يبقى له جمل بغير زيادة ، و عشان أتأكد من صدقكم ، إن إنتو صادقين معي ، صح كده؟ ، و عمل لهم حاجة تحفيزية هنشوفها دلوقتي .

{فَإِنْ لَّمْ تَأْتُونِي بِهِ فَلَا كَيْلَ لَّكُمْ عِنْدِي وَلَا تَقْرُبُونِ} :

بيقول إيه؟ (فإن لم تأتوني به فلا كيل لكم عندي و لا تقربون) يعني أول حاجة لو ماجبتوش أخوكم الصغير ده و أكرمتوه و عشان ياخذ جمل بغير معكم ، ماتجوش تاني ، يبقى إنتوا كده أنانيين ، خلاص؟ ، يبقى هو فهمهم كده ، كلمهم من المنطق ده ، إن إنتوا لو ما أتيتم بأخيكم الصغير ، يبقى إنتم أنانيين و مش صادقين معي .

{قَالُوا سَنُرَاوُذُ عَنْهُ أَبَاهُ وَإِنَّا لَفَاعِلُونَ} :

قالوا إيه ، هنحاول مع أبوه ، إن إحنا ناخذه منه و إحنا هنفعل ، هنحاول إيه نراود ، طبعاً إحنا عارفين كلمة نراود يعني إيه : نلف عليه ، نلف على النبي يعقوب و نحاول ناخذ بنيامين السفرة الجاية .

{وَقَالَ لِفَتْيَانِهِ اجْعَلُوا بَضَاعَتَهُمْ فِي رِحَالِهِمْ لَعَلَّهُمْ يَعْرِفُونَهَا إِذَا انْقَلَبُوا إِلَى أَهْلِهِمْ لَعَلَّهُمْ يَرْجِعُونَ} :

(و قال لفتيانه اجعلوا بضاعتهم في رحالهم) الفتيان أي الغلمان اللي كانوا عند يوسف ، بيشتغلوا عنده ، الصبيان ، (و قال لفتيانه اجعلوا بضاعتهم في رحالهم لعلهم يعرفونها إذا انقلبوا إلى أهلهم لعلهم يرجعون) البضاعة اللي كانت إيه ، نقود مثلاً ، قال للغلمان حطوها في الغلة ، في وسط الغلة ، عشان لما يرجعوا يبقى عامل تحفيزي لهم ، أولاً : يلاقوا إن النقود رجعتلهم فيستحرموا أن هم ياخذوا الغلة من غير النقود دي ، فيضطروا يرجعوا تاني عشان يرجعوا النقود ، ده حافز ، حافز تاني أو سبب تاني : إن هو هنا إيه ، يتأكدوا إن يوسف ده أو الراحل اللي كال لهم الكيل ده ، رجل نبيل شريف ، حتى لدرجة أرجع لهم النقود بتاعتهم ، فهنا يزداد عندهم التحفز بأنهم يرجعوا مصر تاني ، هو كان عاوزهم يرجعوا بأي شكل و معهم بنيامين الصُغير ، عرفتوا بقى طريقة التحفيز دي حصلت إيه ، يبقى كده التحفيز ده لسببين : عشان يشوف إنهم أخذوا الغلة من غير فلوس فيستعيبوها يعني ، يقولوا عيب إزاي إحنا ناخذ حاجة من غير فلوس ، و كذلك يشعروا بكرم هذا الرجل الذي كال لهم و أنه واثق فيهم ، فإزاي هو واثق فيهم و هم مش واثقين فيه ،

إنهم يجيبوليه أخوهم الصغير عشان ياخذ جمل بغير معهم ، ف دي السياسة ، هنا كانت سياسة عظيمة من يوسف النبي ، هو بيعرف في أسلوب الحكم و السياسة .

{فَلَمَّا رَجَعُوا إِلَىٰ أَبِيهِمْ قَالُوا يَا أَبَانَا مُنِعْ مِنَّا الْكَيْلَ فَأَرْسِلْ مَعَنَا آخَانًا نَّكَتِلْ وَإِنَّا لَهُ لَخَافِظُونَ} :

(فلما رجعوا إلى أبيهم) رجعوا بقى إليه ، العشرة رجعوا ليعقوب ، (قالوا يا أبانا منع منّا الكيل) مُنِعَ منّا الكيل الجاي قُدام ، السنة الجاية أو المرحلة الجاية ، المرة الجاية مُنعنا من الكيل ، ليه؟ لأن الرجل اللي أعطانا الحبوب قال لازم تجيبوا أخوكم الصغير ، إحنا حكيناله عن أنفسنا و قال تجيبوا أخوكم الصغير ، تاخذوا جمل بغير زيادة و أتأكد من صدقكم ، عشان أنا عاوز أتعرف عليكم و على ثقافتكم و على دينكم ، لأنهم لما تكلموا عن أبيهم الصالح و ابنه الصغير ، و بيّين لهم بأنه يُحب أن هو يتعرف عليهم ، فإزاي بقى هو طلب منهم ، إنه هو يتعرف عليهم و يتقرب منهم و يعرف أخوهم الصغير و هم مش عاوزين يجيبوه ، ف لو ماعملوش كده المرة الجاية ، يبقى هم كده مابيتقش في الراجل ده ، في يوسف يعني ، فبالتالي مش هيكيل لهم الكيل الجاي ، شوفت بقى جابهالهم إزاي ، (فأرسل معنا آخانا نكتل و إناله لحافظون) نكتل يعني نأخذ الكيل ، الكيل هو الميزان يعني ، يعني مثلاً كل واحد نقول له مثلاً ٢٠ كيلو من القمح ، كان عندهم المكيال ، المكيال ده مثلاً بالكيلو ، يعني عبارة عن طبق كده مثلاً ، وزنه اللي جواه كأنه كيلو مثلاً ، نكتل يعني إليه ، نأخذ الكيلات الخاصة بنا ، (و إناله لحافظون) إحنا هنحافظ على بنيمين و متخفش عليه ، هنعرف بقى في الوجه الجاي ، يعقوب هيقولهم إليه و إيه اللي يحصل .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانهك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين .

أمين .  

درس القرآن و تفسير الوجه التاسع من يوسف.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام المد , ثم قام بقراءة الوجه التاسع من أوجه سورة يوسف ، و أجاب على أسئلتنا بهذا الوجه ، و أنهى نبي الله الحبيب الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه التاسع من أوجه سورة يوسف ، و نبدأ بأحكام التلاوة و أحمد :

المدود الخاصة و تمد بمقدار حركتين ، و هي :

- مد لين مثل بيت ، خوف .
- مد عوض مثل أبدا ، أحدا
- مد بدل مثل آدم ، أزر .
- مد الفرق مثل الله ، الذكرين .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد أن يقرأ سورة قصيرة من القرآن فقرأ سورة الكوثر ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

هنا بقى إيه ، الوجه ده بيحكى الحديث الذي دار بين يعقوب و أبناءه العشرة الذين رجعوا من مصر في المرة الأولى بعد أن أخذوا الحبوب ، اللي أخذوها من يوسف -عليه السلام- ، بعد كده طلب منهم أن يأتوا بنيامين في المرة القادمة ، فَقَلَّمَا رَجَعُوا إِلَىٰ أَبِيهِمْ قَالُوا يَا أَبَانَا مُنِعَ مِنَّا الْكَيْلُ فَأَرْسِلْ مَعَنَا أَخَانَا نَكْتَلْ وَإِنَّا لَهُ لَحَافِظُونَ} ، يعقوب رد عليهم و قال لهم إيه في الوجه ده :

{قَالَ هَلْ آمَنْتُمْ عَلَيْهِ إِلَّا كَمَا آمَنْتُمْ عَلَى أَخِيهِ مِنْ قَبْلُ فَاللَّهُ خَيْرٌ حَافِظًا وَهُوَ أَرْحَمُ الرَّاحِمِينَ} :

(قال هل آمنكم عليه إلا كما آمنتم على أخيه من قبل) يعني هل أنا أستاذكم بقى على بنيمين تضيعهولي زي ما ضيعتوا يوسف حسب روايتكم يعني ، أنا هستأمنكم ثاني على بنيمين !!!! ، و أنتوا أصلاً ضيعتوا الأمانة لما بعثت معكم يوسف في البرية ، (قال هل آمنكم عليه إلا كما آمنتم على أخيه من قبل فالله خير حافظاً و هو أرحم الراحمين) ربنا يحفظني منكم و يحفظ بنيمين منكم ، (و هو أرحم الراحمين) يعني و يرحمني من أي مؤامرة بتكيدوها لي ، (و الله خير حافظاً و هو أرحم الراحمين) طبعاً هو بالوحي العام ، ربنا أوحى له أن يوسف حي لسي ، بس هو مش عارف هو فين ، ميعرفش ، ربنا لم يرضى يقول له هو فين بالزبط ، ليه؟ لأنه هو لو عرف هو فين بالزبط ، هيروح يجيبه ، هيروحله ، بس هو ربنا أراد القصة تكتمل من خلال إيه ، أحد عناصر الإكتمال ، و أحد أسباب الإكتمال اللي ربنا سببها ، إنه أعطى ليعقوب وحي أن يوسف حي و عايش ، و لكن فين بالزبط ميعرفش ، ربنا منع الخبر ده عنه ، هو ربنا أراد كده لحكمة لكي يُتم الكتاب ، لذلك لما ياخذوا بنيمين معهم و يروحوا ، و بعد كده يوسف يستبقه بحيلة معينة ، بكيد معين ، ربنا دبره له ، و يرجعوا ثاني ليعقوب ، ساعتها يعقوب هتهيج عليه الأحزان بشدة جداً ، مش على بنيمين و لا على راوبين اللي هيفضل قاعد عشان أخوه يرجع ، على يوسف ، ليه بقى؟ هو هو هيحزن على بنيمين أنه اتمنع منه ، بس هو عارف بنيمين فين ، هيحزن على راوبين أن هو قاعد في مصر ، مش عاوز يرجع ، مكسوف من أبوه و خايف من أبوه ، بس هو عارف راوبين فين ، هيحزن حزن شديد بتذكره ليوسف ، لأنه هو مش عارف يوسف فين ، هيقول إيه ، على الأقل بنيمين أنا عارف هو فين ، على الأقل راوبين عارف هو فين ، لكن يوسف أنا مش عارف هو فين ، هتجبله صدمة نفسية رهيبة هتخليه يفقد البصر بشكل عصبي ، بنسميه إحنا عندنا في الطب ، حاجة إسمها أوبتكال بلايندنيس optical blindness يعني العمى البصري ، و بنسميه سايك بلايندنيس psychic blindness يعني العمى البصري النفسي نتيجة الصدمة النفسية ، بيقى مش شايف تفاصيل ، بس شايف الحاجات اللي حوله حاجات بيضا كده ، بس من غير أي تفاصيل ، شايف أشباح بيضاء ، يعني الحاجات و الأشياء و الناس اللي حوله بيبقوا عبارة عن إيه كائنات بيضا كده ، بس مش شايف تفاصيل ، ده بنسميه سايك بلايندنيس ، ده من شدة الحزن ، و هنعرف علاجه كان إيه و إيه بالزبط ، إن شاء الله وقتها يعني ، طبعاً أنا بقول لكم الكلام ده ليه؟ لأن هنا بيدعو الله عز و جل يعقوب (فالله خير حافظاً و هو أرحم الراحمين) ربنا يرحمني من أي كيد و أي مؤامرة ، و خصوصاً من مؤامرات الأقربين ، لأنها بتبقى أشد غدرأ و أشد خيانة و أشد تأثيراً و فتناً في نفس الإنسان ، أهو (فالله خير حافظاً و هو أرحم الراحمين) يا رب ارحمنا برحمتك .

{وَلَمَّا فَتَحُوا مَتَاعَهُمْ وَجَدُوا بِضَاعَتَهُمْ رُدَّتْ إِلَيْهِمْ قَالُوا يَا أَبَانَا مَا نَبْغِي هَذِهِ بَضَاعَتُنَا رُدَّتْ إِلَيْنَا وَنَمِيرُ أَهْلَنَا وَنَحْفَظُ أَخَانَا وَنَزْدَادُ كَيْلَ بَعِيرٍ ذَلِكَ كَيْلٌ يَسِيرٌ} :

(و لما فتحوا متاعهم) نزلوا بقى الأحمال من على الحمير اللي أخذوها معهم ، حملوها بالحبوب ، وجدوا في وسط الحبوب دي ، بضاعتهم ، (وجدوا بضاعتهم ردت إليهم) البضاعة ساعتها إيه ، اللي هي إيه ، بعض النقود مثلاً ، بعض البضاعات التي لا يحتاجونها ، و أعطوها من باب المقايضة في سبيل الحبوب يعني ، يوسف حطهاهم ثاني في متاعهم ، يعني في الشنط بتاعتهم ، (وجدوا بضاعتهم ردت إليهم) فكانت مفاجأة ، (قالوا يا أبانا ما نبغي) قالوا يا أبانا يعني يا يعقوب ما نبغي ، (ما نبغي) هنا لها معنيين : ما نبغي يعني إحنا ماظلمناش و لا ن ظلم و لا نعتدي ، ما اعتديناش ، ما اعتديناش إن إحنا قلنا لك هات بنيمين و ما اعتديناش إن إحنا إيه ، البضاعة دي موجودة في متاعنا ، يعني إحنا ماسرقناهاش أو مخدناش الحبوب دي من دون مقابل من مصر ، ده معنى (ما نبغي) أي ما اعتدينا ، كذلك (ما نبغي) أي إيه؟ لا نريد أو إيه ، (قالوا يا أبانا ما نبغي) يعني لا نريد إن الموضوع ده يحصل ، إن إحنا منقدرش نرجع ثاني نكتال أو نأخذ الحبوب من مصر ، إن كده مش هنعرف نأخذ أخونا فبالتالي مش هنعقق شرط السفارة الجاية ، كذلك الفلوس أو النقود اللي إحنا وهبناها أو أعطيناهم مقابل الحبوب ، وجدناها في متاعنا ، فمانعرفش هل أخذناها خطأ ، أم ما الذي حدث؟ ، كل ده هيخلينا إيه ، لا نستطيع أن نكتال المرة الأخرى أو نساfer إلى مصر أصلاً ، (ما نبغي) يعني لا نريد ، مش موافقين إحنا على اللي بيحصل ، إن إحنا مانسافرش مرة ثانية ، كذلك (ما نبغي) إن إحنا لم نعتدي و ليس في نيتنا الإعتداء ، (هذه بضاعتنا ردت إلينا و نمير أهلنا) يعني لو وافقت على كلامنا ، إن إحنا ناخذ بنيمين معنا المرة الجاية ، (نمير أهلنا) يعني نأتي لهم بالميرة ، و الميرة هو الغذاء ، الغذاء الأساسي اللي هو الحبوب يعني ، زي إيه؟ الشعير ، القمح ، الحنطة ، هي

المأكولات الأساسية التي يعملوا منها الخبز/العيش ، (و نمير أهلنا) نمير أي نمدهم بالميرة ، و الميرة هي إيه؟ الحبوب التي يُصنع منها الخبز ، زي إيه؟ القمح و الشعير و الحنطة ، خلاص كده؟ طيب ، (و نحفظ أخاننا) هنروح به و نرجعه تاني إن شاء الله حافظين ، (و نزداد كيل بعير ذلك كيل يسير) هنزداد نصيب بنيمين ، لأنه لما يجي معنا هياخذ جمل بعير ، (ذلك كيل يسير) اللي إحنا أخذناه المرة اللي فاتت كان يسير ، فلازم نرجع تاني عشان نكتال مرة أخرى ، اللي إحنا أخذناه المرة دي كيل يسير ، مش هيكفينا فترة طويلة ، هيكفينا فترة يسيرة مثلاً ، يعني مثلاً هيكفينا فترة شهرين ثلاثة ، ثلاثة شهور مثلاً ، عاوزين بقى كيل تاني ، (ذلك كيل يسير) يسير يعني قليل ، كذلك (و نمير أهلنا و نحفظ أخاننا و نزداد كيل بعير ذلك كيل يسير) أيضاً من معاني (ذلك كيل يسير) إن إحنا لما نعمل كده ، الكيل اللي هنكتاله من مصر هيكون يسير ، يعني إيه بقى؟ يعني مستمر ، سيستم ، كل ما نروح هناخذ ، كل ما نروح هناخذ الحبوب حتى تنتهي سنوات القحط و الجذب . ذلك كيل يسير الحصول عليه من ذلك العزيز المسؤول عن الكيل في مصر .

{قَالَ لَنْ أَرْسِلَهُ مَعَكُمْ حَتَّى تُؤْتُونِ مَوْثِقًا مِّنَ اللَّهِ لَتَأْتُنَّنِي بِهِ إِلَّا أَن يُحَاطَ بِكُمْ فَلَمَّا آتَوْهُ مَوْثِقَهُمْ قَالَ اللَّهُ عَلَى مَا نَقُولُ وَكِيلٌ} :

(قال لن أرسله معكم حتى تؤتون موثقاً من الله لتأتنني به إلا أن يحاط بكم) يعني أنا مش هبعث بنيمين معكم في السفرة دي إلا لما تحلفوا حلفان مغلظ مؤكد واضح بَيِّن ، إن إنتو إيه ، هترجعولي به تاني ، و استثنى (إلا أن يحاط بكم) إلا أن يحاط بكم بالقدر المبرم ، إن ربنا يكون قَدَر شيء مبرم فأحاط بكم ، (فلما آتوه موثقهم قال الله على ما نقول وكيل) لما حلفوا أمام أبيهم إنهم يرجعوا بنيمين و مايعملوش أي مكيدة يعني ، (قال الله على ما نقول وكيل) ريمنا شاهد على ما نقول و هو وكيل ، وكيل لي عليكو ، لو غدرتوا أو كان في نفسيتكم أي شيء مش سليم ، هو بقى وكيلي عليكم ، هو اللي يتصرف فيكم و يحفظني من مؤامراتكم و كيدكم .

{وَقَالَ يَا بَنِيَّ لَا تَدْخُلُوا مِن بَابٍ وَاحِدٍ وَادْخُلُوا مِنْ أَبْوَابٍ مُّتَفَرِّقَةٍ وَمَا أُغْنِي عَنْكُمْ مِنَ اللَّهِ مِنْ شَيْءٍ إِنِ الْحُكْمُ إِلَّا لِلَّهِ عَلَيْهِ تَوَكَّلْتُ وَعَلَيْهِ فَلْيَتَوَكَّلِ الْمُتَوَكِّلُونَ} :

و بعد كده بقى إيه ، بعد ما جهزوا انفسهم عشان يسافروا مرة ثانية ، أعطاهم وصية ، الوصية دي بسبب حاجتين ، أولاً خايف عليهم من عسكر مصر أو من الترتيبات الأمنية اللي ممكن تؤدي بهم إلى الإعتقال أو الإشتباه ، و كذلك خايف عليهم من الحسد ، من العين ، فقال لهم (و قال يا بني لا تدخلوا من باب واحد) أبواب مصر ساعتها ، أو أبواب إيه ، المدينة كانت متعددة ، (و ادخلوا من أبواب متفرقة) قسموا أنفسكم ، كل ثلاثة يخشوا/يدخلوا من باب مثلاً ، (و ما أغني عنكم من الله من شيء إن الحكم إلا لله عليه توكلت) أنا توكلت على الله عز و جل و لكن أنا بأخذ بالأسباب ، (و عليه فليتكول المتوكلون) أنا بأخذ بالأسباب عشان خايف عليكم من العين و الحسد ، فبالتالي بأخذ بالأسباب أهو ، ثانياً خايف عليكم إن حراس مصر يظنوا فيكم إن انتو عُصبة أو جماعة تريد الأذى أو الشرف في أهل مصر ، فلما تتفرقوا يبقى أمن و لا تثيروا الشبهات ، فهو مش عاوز عياله يبقو في موضع الشبهة ، ثانياً خايف عليهم من الحسد ، يبقى هما الحاجتين دول اللي كانوا في نفس يعقوب ، شوف بقى ربنا قال إيه؟ .

{وَلَمَّا دَخَلُوا مِنْ حَيْثُ أَمَرَهُمْ أَبُوهُمْ مَا كَانَ يُغْنِي عَنْهُمْ مِنَ اللَّهِ مِنْ شَيْءٍ إِلَّا حَاجَةٌ فِي نَفْسِ يَعْقُوبَ قَضَاهَا وَإِنَّهُ لَدُوْءٌ عَلِيمٌ لِّمَا عَلَّمَاهُ وَلَكِنَّ أَكْثَرَ النَّاسِ لَا يَعْلَمُونَ} :

شوف بقى ربنا قال إيه؟ (و لما دخلوا من حيث أمرهم أبوهم) نفذوا وصية أبيهم ، (ما كان يغني عنهم من الله من شيء) لو كان ربنا مقدر شيء مبرم ، مكنش هُيغني عنهم التصرف ده ، (إلا حاجة في نفس يعقوب قضاها) هو عشان يرتاح نفسياً و يطمئن على عياله ، فقالهم يعملوا الحكاية دي ، يعني حُب بزيادة ، حرص

بزيادة ، من الأب على أبناءه ، هنا ربنا بيكشف نفسية الأب ، أنه هو بيحب أبناءه حُب زائد ، و بيحرص عليهم حرص زائد ، (و إنه لذو علم لما علمناه) هو إنسان آتيناها العلم و الوحي و اليقين ، (و لكن أكثر الناس لا يعلمون) أكثر الناس لا يجدون وحيًا من الله عز و جل و لا يجدون نعمة من الله عز و جل ، جزاء ما في نفوسهم ، يبقى هو مع إنه كمان ربنا مديله/معطيه وحي و علم و يقين ، برضو قال لهم ياخذوا بالأسباب علشان هو خايف على أبناءه خوف زائد ، و حريص على أبناءه حرص زائد ، و هكذا كل أب .

{وَلَمَّا دَخَلُوا عَلَى يُوسُفَ آوَى إِلَيْهِ أَخَاهُ قَالَ إِنِّي أَنَا أَخُوكَ فَلَا تَبْتَئِسْ بِمَا كَانُوا يَعْمَلُونَ} :

(و لما دخلوا على يوسف) وصلوا بقى بالسلامة ، على طول أول حاجة يوسف عملها إيه (آوى إليه أخاه) أخذ بنيمين كده في غرفة أخرى مثلاً ، (قال إني أنا أخوك) على طول كده صارحه و كاشفه ، قال له أنا أخوك يوسف يعني ، (فلا تبتئس بما كانوا يعملون) لا تحزن بكل ما فعلوه و ما يفعلونه معك أو معي ، لا تحزن و لا تبتئس ، أي لا يُصيبك البؤس و هو الحزن الشديد و الإكتئاب و الألم الشديد ، (فلا تبتئس بما كانوا يعملون) آاه أنا يوسف أهو ، خلاص ، هنعرف بقى في الوجه الجاي إن شاء الله إكمال هذه القصة ، تمام ، طيب نقرأ كده ، و إحنا بنقرأ إن شاء الله نرد على بقية الأسئلة .

○ أثناء تصحيح نبي الله الحبيب ﷺ لتلاوتنا ، قال لنا :

- طبعاً إحنا عارفين كلمة موثق ، عرفنا إن هي إيه ، من وثاق يعني حاجة مربوطة قوية جداً ، اللي هو الحلفان المغلط ، يعني حلفوا حلفان واضح بيّن مغلط على حفظ الأمانة .

- و كلمة تبتئس من إيه ، بئس : الباء إحتياج ، الهمزة أعماق ، السين تسرب ، يعني إيه بئس أو بؤس أو بئس؟ بئس اللي هي حالة تعتبر حالة نفسية ، تسربت إلى الأعماق جعلت هناك إحتياج نفسي ، إحتياج نفسي للعلاج أو إحتياج نفسي لذهاب ذلك الأثر من النفس الذي تسرب إليها بشكل خفي مستمر ، فهذا هو البأس أو البؤس ، فهمتوا يعني إيه بؤس ، (فلا تبتئس) يعني خلاص لا تستمر في حالة الألم و الحزن منهم ، و الحزن على إختفائي عنكم أو عنك ، فهو هنا بيقول له (فلا تبتئس) هو ده المعنى ، يعني خلاص أخرج من الحالة النفسية اللي عندك دي بسببهم ، و اللي تسربت إليك عبر الزمان بشكل خفي ، خلاص عرفنا يعني إيه بأس أو بؤس أو بئس ، هي دي اللغة العربية ، موثق اللي هو من إيه ، الوثاق ، و الوثاق هو الربط ، نربط الشيء نوثقه ، نوثق إيه أو الوثاق هو الرباط ، تغليظ ، تأكيد ، تشديد ، (موثقاً من الله) يعني حلفان غليظ من الله عز و جل ، في أي كلمة تانية أو سؤال ماجاوبتش عليه؟ تمام كده؟ في أي سؤال تاني محتاجين تسألوه في الوجه ، تبادرَ إلى أذهانكم أثناء القراءة؟؟ .

آوى : دوي دائري منتظم (و) مرتفع (ي) من الأعماق (آ) و إلى الأعماق و هو الإيواء من الآه و الألم . آوى أي حمى نتيجة الألم .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانه اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين .

آمين .  

درس القرآن و تفسير الوجه العاشر من يوسف.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ أحكام الوقف و السكت , ثم قام بقراءة الوجه العاشر من أوجه سورة يوسف ، و أجاب على أسئلتنا بهذا الوجه ، و أنهى نبي الله الحبيب الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه العاشر من أوجه سورة يوسف ، و نبدأ بأحكام التلاوة و أحمد :

الوقف :

ج (وقف جائز) , قلي (الوقف أفضل لكن الوصل جائز) , صلي (الوصل أفضل لكن الوقف جائز) , لا (ممنوع الوقف) , ما (وقف لازم) , وقف التعانق و هو لو وقفت عند العلامة الأولى فلا تقف عند العلامة الثانية و لو وقفت عند الثانية لا تقف عند الأولى) .

و السكت :

هو حرف السين ، و هو وقف لطيف دون أخذ النفس ، مثل : من راق ، بل ران .

و بعد أحمد قال الأحكام مروان ثم رفيدة ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة العصر ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

الله سبحانه و تعالى بيحكى هنا مشهد من مشاهد قصة يوسف و إخوته ، يقول تعالى :

{فَلَمَّا جَهَّزَهُمْ بِجَهَّازِهِمْ جَعَلَ السَّقَايَةَ فِي رَحْلِ أَخِيهِ ثُمَّ أَذَّنَ مُؤَذِّنٌ أَيَّتُهَا الْعِيرُ إِنَّكُمْ لَسَارِقُونَ} :

(فلما جهزهم بجهازهم) يعني لما يوسف جهز لهم الحبوب اللي هيأخذوها معهم و خلى/جعل غلمانهم يُحمِلُوها على دوابهم ، (فلما جهزهم بجهازهم) كال لهم الحبوب التي يأخذها كل أحد منهم ، (جعل السقاية في رحل أخيه) السقاية اللي هو الصواع الذهبي أو الفضي الذي كانوا يكيلون به الكيلات المحددة لكل عير أو لكل أحد من الطالبين للحبوب ، (جعل السقاية في رحل أخيه) رحل أخيه اللي هو إيه ، الدابة التي كان يركب عليها أخوه ، كأن الشنط بتاعته يعني المُحملة على هذه الدابة ، (ثم أذن مؤذن أيتها العير إنكم لسارقون) ، (أذن مؤذن) يعني إيه ، أحد الغلمان صاح بصوت عالٍ جهوري (أيتها العير) يعني أيتها القافلة أو أيها الرّحل ، أيها المجموعة من الناس ، (إنكم لسارقون) في حد منكم سرق حاجة مننا ، (أيتها العير) معناها إيه؟ القافلة أو مجموعة من الناس معها دواب ، أو في إتجاه سفر ما ، فسُميت بالعير .

{قَالُوا وَاقْبَلُوا عَلَيْهِمْ مَاذَا تَفْقِدُونَ} :

(قالوا و اقبلوا) إخوة يوسف ، (قالوا و اقبلوا عليهم ماذا تفقدون) تفقدوا إيه؟؟؟ .

{قَالُوا نَفَقْدُ صُوعَ الْمَلِكِ وَلَمَن جَاءَ بِهِ حِمْلُ بَعِيرٍ وَأَنَا بِهِ زَعِيمٌ} :

(قالوا نفقد صواع الملك) يعني الكيل الذهبي أو الفضي اللي بنكيل به ، لا نجده ، و هو المفروض لملك مصر ، (و لمن جاء به حمل بعير) يعني اللي هيلاقيه و يُعطيه طواعيةً ، و يساعدنا إن إحنا نلاقي الصواع ، هندیله/نعطيه حمل بعير يعني كيلات زيادة ، حبوب زيادة ، نصيب فرد زيادة ، (و أنا به زعيم) يعني ده الأمر مؤكد ، أمر مؤكد ، تكون دي جائزة من يُرجع الصواع أو أن يساعدنا في البحث عنه .

{قَالُوا تَاللَّهِ لَقَدْ عَلِمْتُمْ مَا جِئْنَا لِنُفْسِدَ فِي الْأَرْضِ وَمَا كُنَّا سَارِقِينَ} :

(قالوا تالله لقد علمتم ما جئنا لنفسد في الأرض) هنا بيحلفوا بالله عز و جل ، (تالله) أي و الله ، (لقد علمتم ما جئنا لنفسد في الأرض) يعني إنتو عارفين إن إحنا لم نأتي للإفساد ، و لكننا أتينا لأخذ الحبوب في هذه السنوات العجاف ، (و ما كنا سارقين) إحنا مكناش مبيتين النية إن إحنا نأتي نُفسد و نسرق منكم شيء .

{قَالُوا فَمَا جَزَاؤُهُ إِنْ كُنْتُمْ كَاذِبِينَ} :

يعني لو إنتو بتكذبوا علينا ، إيه الجزاء؟؟؟ .

{قَالُوا جَزَاؤُهُ مَنْ أُجِدَ فِي رَحْلِهِ فَهُوَ جَزَاؤُهُ كَذَلِكَ نَجْزِي الظَّالِمِينَ} :

(قالوا جزاؤه من وجد في رحله فهو جزاؤه) اللي تلاقوا إنه هو أخذ صواع الملك ، تأخذوه مئاً ، تسترقوه يعني ، يكون خادم عندكم ، (كذلك نجزي الظالمين) يعني هم يقولوا إيه ، اللي بيظلم هنخليه يعمل عند من ظلم ، الذي يظلم نجعله خادم عند من ظلم ، هل هو الوقت محدد أو إلى ما لانهاية؟؟ على حسب ، على حسب ما أقترف من جرم ، كل محدد على حسب مقدار الجرم .

{فَبَدَأَ بِأَوْعِيَّتِهِمْ قَبْلَ وِعَاءِ أَخِيهِ ثُمَّ اسْتَخْرِجَهَا مِنْ وِعَاءِ أَخِيهِ كَذَلِكَ كِدْنَا لِيُوسُفَ مَا كَانَ لِيَأْخُذَ أَخَاهُ فِي دِينِ الْمَلِكِ إِلَّا أَنْ يَشَاءَ اللَّهُ نَرْفَعُ دَرَجَاتٍ مَن نَّشَاءُ وَفَوْقَ كُلِّ ذِي عِلْمٍ عَلِيمٌ} :

(فبدأ بأوعيتهم قبل وعاء أخيه) يعني جعل الغلمان يفتشوا أوعية الأخوة قبل وعاء بنيامين ، (ثم استخرجها من وعاء أخيه) ثم استخرج السقاية أو صواع الملك ده ، سمي بصواع الملك و سمي أيضاً بالسقاية ، (استخرجها من وعاء أخيه) يعني من شنت بنيامين ، (كذلك كدنا ليوسف) ربنا سبحانه و تعالى جعل المشاهد دي تحدث ، عشان إيه بقى؟ عشان يأخذ بنيامين عنده و يخليه معه ، مايرجعهموش تاني مع إخوته ، (ما كان ليأخذ أخاه في دين الملك إلا أن يشاء الله نرفع درجات من نشاء و فوق كل ذي علم عليم) ربنا سبحانه و تعالى هو الذي يرفع الدرجات و يُعطي النعم .

{قَالُوا إِنْ يَسْرِقْ فَقَدْ سَرَقَ أَخٌ لَهُ مِنْ قَبْلُ فَأَسْرَهَا يُوسُفُ فِي نَفْسِهِ وَلَمْ يُبْدِهَا لَهُمْ قَالَ أَنْتُمْ شَرُّ مَكَانًا وَاللَّهُ أَعْلَمُ بِمَا تَصِفُونَ} :

(قالوا إن يسرق فقد سرق أخ له من قبل) طبعاً هنا النفوس المريضة دائماً بتتهم المؤمنين بما ليس فيهم ، ليه؟ لأن هم بيغتاظوا من المؤمنين و الطاهرين ، (قالوا إن يسرق فقد سرق أخ له من قبل) يبقى هو إيه ، بيتهموه بما في نفوسهم ، هم لما أخذوا يوسف البرية و كذبوا على أبيهم و باعوا يوسف إلى القافلة ، هم كده كانوا عملوا إيه؟؟؟ سرقوا يوسف من أبيه و كذبوا على أبيهم ، إذاً هم بيتهموا يوسف بما فيهم ، دائماً كده المفسدين بيتهموا الصالحين بما فيهم من سوء ، أي بما في المفسدين من سوء ، لأن كل الإنسان يرى بعين طبعه ، كل واحد يرى البشر بعين طبعه ، (فأسرها يوسف في نفسه و لم يبدها لهم) سكت و ما اتكلمش لغاية ما يأخذ أخاه معه ، و قال في نفسه إيه؟ (قال أنتم شر مكاناً و الله أعلم بما تصفون) إنتم مجموعة من الأشرار ، نفوسكم مريضة محتاجة تزكية و تربية ، (و الله أعلم بما تصفون) ربنا هو عليم بالكلام اللي بتقولوه ده ، كان حقيقته إيه و توصيفه إيه .

{قَالُوا يَا أَيُّهَا الْعَزِيزُ إِنَّ لَهُ أَبًا شَيْخًا كَبِيرًا فَخُذْ أَحَدَنَا مَكَانَهُ إِنَّا نَرَاكَ مِنَ الْمُحْسِنِينَ} :

(قالوا يا أيها العزيز إن له أباً شيخاً كبيراً فخذ أحداً مكانه إننا نراك من المحسنين) بدأوا هنا يستعطفوا يوسف ، هم معترفوش إنه يوسف ، و لكن بنيامين عارف إنه يوسف ، صح؟ بدأوا يستعطفوه و قالوا له خذ حد مكانه بس هات بنيامين ، عشان بنيامين مُحِب لأبينا ، و كده أبونا هيحزن حُزن شديد ، (إننا نراك من المحسنين) إحنا شايفين إنك بتُحسن إلينا في كل مرة ، فسامحنا المرة دي ، خذ حد مكاناً و هات لنا بنيامين .

هنعرف المرة الجاية إن شاء الله ، إيه اللي حصل بالتفاصيل .

○ و أثناء تصحيح نبي الله الحبيب ﷺ لتلاوتنا ، قال لنا :

- طبعاً (دين الملك) يعني إيه؟ وصاية الملك أو حُكم الملك ، يعني يبقى له اليد عليه ، يبقى له الحكم عليه ، (في دين الملك) إن هو يبقى كده مسيطر عليه بحُكمه ، في ذريعة يستطيع أن يسيطر عليه بها ، هو ده معنى (دين الملك) الشيء إيه؟ قيد يعني ، (دين) هنا معناها إيه؟ قيد ، وثاق ، (دين الملك) أي قيد الملك .

- حد يقدر يقول كلمة (رحل) معناها إيه من أصوات الكلمات؟؟ رحل : راء يعني رأى الحلول ، فالرحل هو إيه ، اللي بيسافر عليه أو يسافر به ، فسُميت بإسم فعله أو سُمي بإسم الفعل اللي بيعمله لأنه يُري الحلول في كل مرة ، أو يُري الحلول في أماكن مختلفة ، الخُلول يعني النزول ، حَلَّ بمكان أي نزل به ، ف رحل هو إيه ، أداة الخُلول ، أداة السفر يعني ، أو أداة الإرتحال .

- طيب دي كلمة رحل ، طيب حد يعرف كلمة عير يعني إيه؟؟ عير ، و كلمة بعير ، إيه الفرق عير و بعير ، فكر كده ، إن شاء الله نفكر في الكلمات و نجاب عليها الجلسة القادمة .

و اختتم نبي الله الجلسة المباركة بقوله المبارك :

هذا و صلِّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلِّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين .
 آمين . 🌿💙

درس القرآن و تفسير الوجه الحادي عشر من يوسف.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام النون الساكنة و التنوين , ثم قام بقراءة الوجه الحادي عشر من أوجه سورة يوسف ، و أجاب على أسئلتنا بهذا الوجه ، و أنهى نبي الله الحبيب الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الحادي عشر من أوجه سورة يوسف ، و نبدأ بأحكام التلاوة و أحمد :

من أحكام النون الساكنة و التنوين :

الإظهار : أي أنه إذا أتى بعد النون الساكنة أو التنوين الحروف من أوائل الكلمات (إن غاب عني حبيبي همّني خبره) , و حروف الإظهار تجعل النون الساكنة أو التنوين تُظهر كما هي .

الإقلاب : إذا أتى بعد النون الساكنة أو التنوين حرف الباء يُقلب التنوين أو النون ميماً . ثم يكون إخفاء شفويا . مثال : من بعد .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة آية الكرسي ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

هنا بداية الوجه ده بيبن لنا الحوار اللي عمله يوسف النبي مع إخوته ، لإكمال ما إبتدأ لأخذ أخيه بنيامين معه في مصر .

{قَالَ مَعَاذَ اللَّهِ أَنْ نَأْخُذَ إِلَّا مَنْ وَجَدْنَا مَتَاعَنَا عِنْدَهُ إِنَّا إِذًا لَطَّالِمُونَ} ؛

الأخوة كانوا عرضوا على يوسف ، طبعاً هم ما يعرفون إن هو يوسف ، بنيامين بس اللي كان عارف إن هو يوسف ، فعرضوا عليه إنه هو ياخذ حد مكان بنيامين في المقابل يعني ، لأن أبوه هيزعل عليه جداً لو مارجعناش به أو مارجعوش به ، فيوسف رد عليهم وقال لهم إيه (معاذ الله أن نأخذ إلا من وجدنا متاعنا عنده) مش إنتوا بتقولوا عندكو في شريعة التوراة ، إن اللي يعمل حاجة زي كده و يأخذ شيء مش خاص به من أحد ، اللي أخذ منه هذا الشيء يستخدم هذا السارق ، يستخدمه ، صح؟ أي يأخذه في خدمته ، إما مؤقتاً أو دائماً ، على حسب يعني ، (إنا إذاً لظالمون) لو عملنا كده نبقي ظالمين ، وفقاً لشريعة التوراة .

{فَلَمَّا اسْتِئْأَسُوا مِنْهُ خَلَصُوا نَجِيًّا قَالَ كَبِيرُهُمْ أَلَمْ تَعْلَمُوا أَنَّ أَبَاكُمْ قَدْ أَخَذَ عَلَيْكُمْ مَوْثِقًا مِنَ اللَّهِ وَمِنْ قَبْلُ مَا فَرَّطْتُمْ فِي يُوسُفَ فَلَنْ أَبْرَحَ الْأَرْضَ حَتَّى يَأْذَنَ لِيَ أَبِي أَوْ يَحْكُمَ اللَّهُ لِي وَهُوَ خَيْرُ الْحَاكِمِينَ} :

(فلما استئأسوا منه) مالفوش فايده ، هو كان مُصر على رأييه ، حازم يعني ، يوسف حازم ، (خلصوا نجياً) يعني إيه ، مع بعضهم كده ، بدأوا يتكلموا سراً ، نجياً يعني مناجاة أي فيما بينهم ، (قال كبيرهم) اللي هو راوبين (ألم تعلموا أن أباكم قد أخذ عليكم موثقاً من الله) إنتو حلفتوا قدام أبوكم إنكم ماتفرطوش في بنيامين ، (و من قبل ما فرطتم في يوسف) قبل كده فرطتوا في يوسف ، هتكرروا القصة دي تاني؟؟ هتعملوا إيه في أبيكم؟؟ (فلن أبرح الأرض حتى يأذن لي أبي) ماقدرش أرجع تاني معكم فلسطين ، هفضل قاعد في مصر ، ماقدرش ، (أو يحكم الله لي) لغاية ما ربنا ينزل فيّ وحي أو حكم ، (و هو خير الحاكمين) ربنا خير الحاكمين ، هنا طبعاً راوبين كان بيرجع لربنا و بيتقي الله عز و جل ، و كان خايف من الله و من والده .

{ارْجِعُوا إِلَىٰ آبَائِكُمْ فَقُولُوا يَا أَبَانَا إِنَّ ابْنَكَ سَرَقَ وَمَا شَهِدْنَا إِلَّا بِمَا عَلَّمَنَا وَمَا كُنَّا لِلْغَيْبِ حَافِظِينَ} :

روابين اللي بيقول لهم (ارجعوا إلى أبيكم) إلى إسرائيل -عليه السلام- ، (فقولوا يا أبانا إن ابنك سرق) قولوا له الحقيقة ، ماتكذبوش ، قولوا اللي إنتو شففتوه ، ماتلفوش و لا تدوروا ، دايماً كده الصدق ده ، أقصر الطرق ، أقصر الطرق هو الصدق ، و أعظم الطرق هو الصدق ، (و ما شهدنا إلا بما علمنا) ما قلناه لك دلوقتي إلا اللي إحنا رأيناه ، (و ما كنا للغيب حافظين) مانعرفش كان هيحصل إيه في علم الغيب ، كنا منعناه من اللي هو عمله ده ، طبعاً بنيامين ماعملش حاجة ، كل ده ترتيب من يوسف -عليه السلام- بأمر من الله عز و جل .

{وَاسْأَلِ الْقَرْيَةَ الَّتِي كُنَّا فِيهَا وَالْعِيرَ الَّتِي أَقْبَلْنَا فِيهَا وَإِنَّا لَصَادِقُونَ} :

(و اسأل القرية التي كنا فيها) مش مصدقنا ، إسأل القرية التي كنا فيها ، يعني ابعت ناس تسأل في القرية اللي إحنا كنا فيها و أخذنا الحبوب منها ، (و العير التي أقبلنا فيها) و القافلة اللي إحنا رجعنا معها ، (و إنا لصادقون) (إنا) هنا لتأكيد ، صادقون صادقون ، نقول الحق يعني ، يبقى هم هنا حلفوا بالله و قالوا لأبيهم الصدق و أعطوه القرائن بأنهم صادقين .

{قَالَ بَلْ سَوَّلَتْ لَكُمْ أَنْفُسُكُمْ أَمْرًا فَصَبْرٌ جَمِيلٌ عَسَى اللَّهُ أَنْ يَأْتِيَنِي بِهِمْ جَمِيعًا إِنَّهُ هُوَ الْعَلِيمُ الْحَكِيمُ} :

(قال بل سولت لكم أنفسكم أمراً) شاكك هنا في عياله ، شووف يعقوب -عليه السلام- نبي أهو ، بس شك في كلامهم لأن لهم سابقة قبل كده ، صح؟ ، مكروا على أبيهم ، (قال بل سولت لكم أنفسكم أمراً) فصبر جميل) هفضل صابر صبر جميل ، و سولت يعني إنسلت بخفة ، يعني إنتو إيه ، نفوسكم سَلَّت إليكم و إلى

فعلكم أمر خفي ، أمر خفي بليل ، أمر شرير خفي بليل هذا معنى (سولت) سَوَّلَ ، و السين تسرب خفي ، أول أي إنتقل من حال إلى حال ، أل أي إنتقل من حال إلى حال ، (قال بل سولت لكم أنفسكم) و النفس هنا دائماً هي إيه؟ مصدر الأمراض و مصدر الذنوب ، عشان كده قال (قال بل سولت لكم أنفسكم أمراً) ، هيعمل إيه هو بقى؟؟ لا حول له و لا قوة (فصبر جميل عسى الله أن يأتيني بهم جميعاً) بيدعو الله عز و جل إن هو يردهم جميعاً ، راوبين و بنيامين و طبعاً قبل كده يوسف ، هو مايعرفش طبعاً إن يوسف كان هناك ، (إنه هو العليم الحكيم) ربنا هو العليم اللي عنده العلم و الوحي ، و الحكيم ، و الحكمة ، لديه الحكمة و عنده الحكمة في كل الأحداث اللي حصلت دي ، و أكيد من وراه حكمة عظيمة ، هو هنا مُسَلَّم بأمر الله عز و جل ، ظاهره و باطنه .

- طبعاً عرفنا إيه ، كلمة عير و بعير ، هنقول الكلمتين دول و بعد كده هنقول حصل إيه مع يعقوب :

عير من الإعارة ، أي من المقايضة ، تقول : أعار الإنسان شيء و أعارني شيء ، فقايضني به ، فلذلك سُميت القوافل التجارية (عير) ، دائماً تجارتهم كانت بتبقى بالمقايضة ، يُعطوا بضائع و ياخذوا مكانها بضائع ، كذلك بعير ، بعير أي من البيع و الإعارة ، و كلمة البعير تطلق على الجمل و كذلك تطلق على الحمار ، فهذا هو الفرق ما بين عير و بعير ، أو تفصيل كلمة عير و بعير .

{وَتَوَلَّى عَنْهُمْ وَقَالَ يَا أَسَفَى عَلَى يُوسُفَ وَابْيَضَّتْ عَيْنَاهُ مِنَ الْحُزَنِ فَهُوَ كَظِيمٌ} :

(و تولى عنهم) إعتزل ، إعتزلهم ، (وقال يا أسفى على يوسف) إيه ده ، مش إحنا قلنا في ثلاثة دلوقتي بعاد عنه؟؟ راوبين و بنيامين و يوسف؟؟ إشمعنا ذكر يوسف؟؟؟ (و قال يا أسفى على يوسف) آه ، طبعاً ذكر يوسف عشان حاجات كتير ، أول حاجة عشان الرؤيا اللي شافها (إني رأيت أحد عشر كوكباً و الشمس و القمر رأيتهم لي ساجدين) لأن هو ربنا كان مديله/أعطاه وحي إن هو هيكون له مقام عظيم ، فهو أحب الأبناء إليه ، حاجة ثانية ، (يا أسفى على يوسف) أنه مش عارف مكانه بس عارف إنه حي ، بس مايعرفش هو فين ، لكن بنيامين عارف هو فين ، راوبين عارف هو فين ، فبالتالي قلبه مش واكله على بنيامين و راوبين زي ما قلبه كان واكله على يوسف ، يوسف هو اللي سبب له الآلام ، طبعاً غياب يوسف طبعاً ، هو اللي سبب له الآلام ، (و ابيضت عيناه من الحزن فهو كظيم) (و ابيضت عيناه من الحزن) يعني فقد البصر بشكل عصبي ، لسبب نفسي أو عصبي ، فقد البصر ، (و ابيضت عيناه من الحزن) يعني بقى يشوف الحاجات كلها هياكل بيضاء من غير تفاصيل ، و دي إحنا أسميناها سايك بـلايندينس psychic blindness ، يعني العمى النفسي لأسباب نفسية ، (و ابيضت عيناه من الحزن) السبب إيه؟ طبعاً الحزن الشديد ، سبب الألم ده و إبيضاض الأشياء في عينه ، الحزن ، الألم النفسي ، (و هو كظيم) لأن هو كان كظيم ، شديد الحزن و بيكتم في نفسه ، كظيم ، إذا الكظم أو كظم الغيظ إنك تكتم غضبك ، تكتم ألمك ، كل ده طبعاً بيحي على نفسه فتسبب في العمى البصري ده ، كل الآلام اللي بيكظمها دي ، كأنها صدقات بيطلعها ، بدل ما ياخذ حقه بيكظم الغيظ ، فكظم الغيظ كأنه بياخذ من حقه هو و يُعطي في سبيل الله ، فهو كده بيتصدق ، كأنه بيتصدق على من آذاه ، لكن لو أخذ حقه ، خلاص ، له حق بأن يأخذ حقه ، محدش قال له مايخذش ، و محدش هيلومه ، و لكن لو كظم الغيظ ، يبقى هنا هو تصدق بالآلامه على من عاداه ، بس طبعاً الآلام دي بتأثر في نفسيته لأنه بشر يعني ، له طاقة ، و كظيم صيغة مبالغة ، فعيل ، من كظم أو كظم الغيظ ، طبعاً كلمة كظم من أصوات الكلمات ، حد بعرف يقول؟ كظم : الكاف إنفكاك ، الظاء و الميم ، الظاء إحنا قلنا نعمة ، يعني نعمة الراحة فُكَّها عنه نتيجة إن هو لم يرد بفعل على من ظلمه ، على من ظلمه ، فهو ده معنى الكظم .

{قَالُوا تَاللَّهِ تَفْتَأُ تَذْكُرُ يُوسُفَ حَتَّى تَكُونَ حَرَضًا أَوْ تَكُونَ مِنَ الْهَالِكِينَ} :

(قالوا تالله تفتأ تذكر يوسف) قالوا له إيه ، التسعة ، تسعة الإخوات اللي رجعوا مش عشرة بقى ، تسعة من غير راوبين و لا بنيامين و لا يوسف ، (قالوا تالله) تالله هنا حلفان عظيم بالله ، (تفتأ) يعني تبدأ ، هتبدأ تذكر يوسف تاني؟؟ مش إنت كنت إيه تحسنت شوية؟؟ (حتى تكون حرَضًا أو تكون من الهالكين) حتى تفقد عقلك ، (حرَضًا) يعني تفقد عقلك ، (أو تكون من الهالكين) ممكن تموت من سبب الحزن ده ، يعني هم

بينصحوه هنا ، خايفين عليه ، (قالوا تالله تفتأ تذكر يوسف حتى تكون حرضاً أو تكون من الهالكين) هتفضل تذكره كده لغاية ما تفقد عقلك أو تموت ، يعني حاول ما تتذكرش يوسف ثاني ، ينصحوه يعني .

{قَالَ إِنَّمَا أَشْكُو بَثِّي وَحُزْنِي إِلَى اللَّهِ وَأَعْلَمُ مِنَ اللَّهِ مَا لَا تَعْلَمُونَ} :

فكان رده عليهم (قال إنما أشكو بثي و حزني إلى الله و أعلم من الله ما لا تعلمون) ، (قال إنما أشكو) أي أرسل شكواي إلى الله عز و جل ، (أشكو بثي و حزني إلى الله) يعني إيه بقي بثي و حزني؟ حزن معروف ، اللي هو ما أَلَمَ بي نتيجة ضرر أو ألم نفسي ، بثي أي الحالة النفسية اللي أنا فيها ، اللي هو إيه؟ الألم الشديد المستمر الذي يتردد باستمرار عبر الزمان و في كل مكان ، هو ده البث ، بث القلق المستمر و الألم المستمر نتيجة فقدان ، فقدان يوسف -عليه السلام- ، (قال إنما أشكو بثي و حزني إلى الله و أعلم من الله ما لا تعلمون) أنا عندي وحي و عارف إن ربنا قال لي إنه عايش و إنت هتلتقي بيوسف ثاني ، بس أنا مش لاقيه و دلوقتي كمان فقدت بنيامين و راوبين ، فأنا أعمل إيه؟؟ أنا هأشكو لله عز و جل آلامي النفسية دي ، (قال إنما أشكو بثي و حزني إلى الله) لأنه هو الوحيد الذي يشعر بالإنسان ، شعوراً تاماً و شعوراً حقيقياً ، و يعلم ما ألم به و يعلم ما فيه ، و هو المعالج الحقيقي و هو الطبيب الحقيقي لكل آلامنا النفسية و الروحية ، (قال إنما أشكو بثي و حزني إلى الله و أعلم من الله ما لا تعلمون) لأنه نبي ، النبي يعلم ما لا يعلمه غيره ، بشكل لطيف ، لأن ربي لطيف لما يشاء ، و وحي الله لطيف خفي ، و تبقى هناك دقائق باطنية بين الله و بين أنبياءه ، بين الله و أنبياءه .

○ و أثناء تصحيح نبي الله الحبيب ﷺ لتلاوتنا ، قال لنا :

طيب حد يعرف يقول أسف و هلك من أصوات الكلمات :

- هلك : هل يعني إيه ، ظهر ، كاف إنفكاك ، أي إنفك ظهوره و إنفك قدومه و إنفك هلوله ، فبالتالي هو إيه؟ مات ، إختفى يعني ، معنى كلمة هلك ، الكاف إنفكاك ، و هَلْ أي ظهر ، إنفك ظهوره أي لم يظهر ، يعني إيه ، إختفى .



- أسف ، الإتنين : أسى و تأفف و هو الأسف ، كذلك الهمزة أعماق ، السنين تسرب خفي ، الفاء تأفف ، أي تسرب التأفف إلى الأعماق مما يُعطي الأسى و التأفف ، هو ده معنى كلمة أسف .

- كلمة بث : الباء إحتياج ، و الثاء صوت الإندهاش أو صوت الآلام ، بث ، و ده الصوت بيكون مع الناس أو المجرمين يوم القيامة ، عارفين كده إحنا طبعاً ، صوت الثاء ، صوت الدهشة ، إذا البث هو إيه؟ صوت الآلام و الدهشة .

- طبعاً إحنا بنحاول في حياتنا اليومية إن إحنا مانقولش الكلمات المذمومة في القرآن ، للتبرك طبعاً ، لأن كل ما ورد في القرآن هو خير ، عارفين كده طبعاً ، و أي كلمات في القرآن سواء كانت عربية أو كانت مُعربة في القرآن ، القرآن ذكرها بشكل عربي ، يبقى لها معنى إلهامي معروف ، و إحنا ذكرنا الأمر ده في غير موضع ، من ضمن الكلمات اللي مانحبش نقولها بقي ، عشان القرآن ذمها ، كلمة بث ، يعني مثلاً بيقولك إيه بث مباشر للبرنامج الفلاني أو المباراة الفلانية ، نقول نقل حي ، نقل حي ، كذلك كلمة ممتاز ، مانقولش على الدرجة العالية من العلم بأنه ممتاز أو كذا ، لا نقول مثلاً درجة جيدة أو درجة حسنة أو درجة طيبة ، لأن كلمة ممتاز مذمومة في القرآن (و امتازوا اليوم أيها المجرمون) ، كذلك كل الكلمات اللي أنت في صيغة الذم ، نحاول ما نستخدمهاش خالص في حياتنا ، فاهمين؟؟ .

و اختتم نبي الله الجلسة المباركة بقوله المبارك :

هذا و صلِّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

" هنيئاً لمن نال وصال حبيبه و فاضت عليه من ماء حياته و حُبه و عرفانه .."

درس القرآن و تفسير الوجه الثاني عشر من يوسف.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام النون الساكنة و التنوين , ثم قام بقراءة الوجه الثاني عشر من أوجه سورة يوسف ، و أجاب على أسئلتنا بهذا الوجه ، و أنهى نبي الله الحبيب الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الثاني عشر من أوجه سورة يوسف ، و نبدأ بأحكام التلاوة و أحمد :

من أحكام النون الساكنة و التنوين :

الإدغام و حروفه مجموعة في كلمة (يرملون) أي أنه إذا أتى بعد النون الساكنة أو التنوين حرف من حروفها , و هو نوعان : إدغام بغنة و حروفه مجموعة في كلمة (ينمو) . و إدغام بغير غنة و حروفه (ل , ر) .

و الإخفاء الحقيقي حروفه في أوائل الكلمات من الجملة الآتية (صف ذا ثنا كم جاد شخص قد سما دُم طيباً زد في تقي ضع ظالماً) .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة الفلق ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

هنا يعقوب -عليه السلام- نصح أبناءه و أمرهم أن يذهبوا للبحث عن بنيامين و يوسف ، يعني يجمعوا عنهم الأخبار بغية أن يجدوهم و أن يحاولوا أن يرجعوهم ، ولأن الله سبحانه و تعالى أعطاه وحيأ أن يوسف لا زال حياً ، و لما رجعوا و فقد بصره (قال إنما أشكو بثي و حزني إلى الله و أعلم من الله ما لا تعلمون) بعدما فقد بصره ، يعني جاتله الحالة النفسية اللي فقد فيها تفاصيل الأشياء ، أن يرى تفاصيل الأشياء يعني ، و بدأ يرى كل شيء كهياكل بيضاء ، فابيضت عيناه يعني ، رينا أعطاه إنه إيه ، بالإضافة إن يوسف حي ، إبحث عنه في مصر ، فقال الإثنين كده يعتبروا في مصر ، بنيامين و يوسف ، رينا أعطاه كده وحي و رؤيا ، يبقى رينا بيديله/يعطيه سِنَّة سِنَّة ، حنة حنة ، على حسب الحاجة و على حسب مراد الله عز و جل ، قال لهم على طول إيه بقي :

{يَا بَنِيَّ اذْهَبُوا فَتَحَسَّسُوا مِنْ يُوسُفَ وَأَخِيهِ وَلَا تَيَاسُّوا مِنْ رُوحِ اللَّهِ إِنَّهُ لَا يَيْئَسُ مِنْ رُوحِ اللَّهِ إِلَّا الْقَوْمُ الْكَافِرُونَ} :

(يا بني) كم واحد؟ تسعة ، التسعة الرجالة اللي كانوا موجودين عنده ، لأن الغائب دلوقتي مين؟ يوسف و بنيامين و راوبين ، و راوبين قاعد في مصر ، قاعد في مصر عشان إيه ، خايف يرجع لأبوه ، مكسوف منه ، عشان هو يعتبروا كده فرطوا في بنيامين زي ما فرطوا في يوسف قبل كده ، فهو قاعد في مصر ، فاللي موجود مع يعقوب دلوقتي تسعة ، قال لهم إيه (يا بني اذهبوا فتحسسوا من يوسف و أخيه) يعني دوروا/إبحثوا عن يوسف و بنيامين ، طبعاً هو مش خايف على راوبين ، راوبين الكبير و الراجل حر قاعد في مصر ، (و لا تياسوا من روح الله) ماتياسوش من روح الله ، روح الله يعني فرج الله عز و جل ، روح الله يعني تيسير الله عز و جل ، روح الله يعني علاج من الله عز و جل ، إذاً هذا هو روح أي راحة و إراحة و فرج ، (إنه لا يياس من روح الله إلا القوم الكافرون) اللي ماعندهم إيمان هم اللي بيبياسوا من الله و من فرج الله عز و جل و من مواعيده .

{فَلَمَّا دَخَلُوا عَلَيْهِ قَالُوا يَا أَيُّهَا الْعَزِيزُ مَسَّنَا وَأَهْلَنَا الضُّرُّ وَجِئْنَا بِبِضَاعَةٍ مُزْجَاةٍ فَأَوْفِ لَنَا الْكَيْلَ وَتَصَدَّقْ عَلَيْنَا إِنَّ اللَّهَ يَجْزِي الْمُتَصَدِّقِينَ} :

(فلما دخلوا عليه) دخلوا عند يوسف ، سافروا طبعاً ، التسعة سافروا ، (قالوا يا أيها العزيز مسنا و أهلنا الضر) طبعاً هم لما دخلوا ، دخلوا إيه المدينة اللي كان فيها يوسف ساعتها ، قابلوا راوبين و أخذوه معهم و دخلوا معه يعني ، فكده عشرة دخلوا على يوسف عشان يطلبوا منه إيه؟ (فلما دخلوا عليه قالوا يا أيها العزيز مسنا و أهلنا الضر) يا أيها الرجل النبيل ذا السلطة ، (مسنا و أهلنا الضر) يعني أحاط بنا و بأهلنا الضر و الألم و الشدة و المجاعة ، (و جئنا ببضاعة مزجاة)

أحضرنا معنا من بلدنا ، من فلسطين بضاعة مزجاة يعني مزيج من البضاعات اللي إحنا مش محتاجينها ، حاجات عينية عشان نقايضها بالحبوب ، عشان ناكل و نعيش ، هي دي معنى بضاعة مزجاة ، أي مختلطة ، مش بضاعة محددة ، لا ، حاجات يعني مثلاً إيه ، بضاعات مأكوش بحتاجوها ، أحضروها و حاولوا يقايضوا بها الحبوب ، (فأوف لنا الكيل) أعطينا الكيل الوافي ، يعني كل واحد بغير ، حمل بغير يعني ، (و تصدق علينا) يعني زود ، أحسن إلينا ، تصدق يعني أحسن ، (و تصدق علينا) يعني زودلنا من إحسانك ، (إن الله يجزي المتصدقين) هم عارفين إن ربنا بيجزي المحسنين ، يجزيهم الخير في الدنيا و الآخرة .

{قَالَ هَلْ عَلِمْتُمْ مَا فَعَلْتُمْ بِيُوسُفَ وَأَخِيهِ إِذْ أَنْتُمْ جَاهِلُونَ} :

قال لهم إنتو عارفين ، إنتو كنتم بتعملوا إيه بيوسف و بنيامين من غيرة أو من غيرة و من حسد ، فاكربين ، فاكربين اللي كنتم تعملوه في يوسف و أخوه بنيامين ، إنكم كنتم تحسدوهم و بتغيروا منهم و بتسيؤوا معاملتهم ، و ده كان نتيجة إن إنتو جاهلون ، (إذ أنتم جاهلون) يعني غير متصلين بوحي الله ، لأن عكس الجاهل هو العالم ، و العالم هو المتصل بوحي الله عز و جل هي دي دلالات القرآن .

{قَالُوا إِنَّكَ لَأَنْتَ يُوسُفُ قَالَ أَنَا يُوسُفُ وَهَذَا أَخِي قَدْ مَنَّ اللَّهُ عَلَيْنَا إِنَّهُ مَنْ يَتَّقِ وَيَصْبِرْ فَإِنَّ اللَّهَ لَا يُضِيعُ أَجْرَ الْمُحْسِنِينَ} :

(قالوا إنك لانت يوسف) هو انت يوسف؟؟؟ ، شكوا يعني ، (قال أنا يوسف و هذا أخي) آه ، قال لهم الحقيقة دلوقتي بعد ما أعطاهم درس عملي ، كل اللي فات كان إيه ، درس عملي لهم عشان يتربوا و يتزكوا ، يتربوا و يتزكوا ، و يشوفوا الدنيا فيها إيه ، و يتعلموا ، تعلم إيه ، عملي ، يبقى هو هنا يوسف كان بيربيهم بترتيب ربنا سبحانه و تعالى ، يوسف كان بيربيهم من أول مرة أتوا فيها مصر ساعة المجاعة ، كل ده كان تربية ، صح؟ ، (قد من الله علينا) ربنا من علينا بمحبته و محبة أبينا ، و بإيه تاني؟ بالنعمة اللي موجودة دلوقتي في مصر ، (إنه من يتق و يصبر) تقوى ، تتقي عذاب الله عز و جل ، تجعل بينك و بين عذاب الله عز و جل وقاية ، (إنه من يتق و يصبر) الصبر طبعاً عارفينه ، أن تتصل بالبر ، صاد بر ، صبر يعني تتحمل ، (فإن الله لا يضيع أجر المحسنين) كل ده إحسان ، التقوى و الصبر ده إحسان ، و التصديق إحسان ، و الإحسان ده هو سبب الخلود الأبدى في الجنة أو في الجنان المتعاقبة ، هي دي كلمة السر ، خلوا بالكو ، اللهم إجعلنا من المحسنين ، آمين ، آه يبقى هنا كان بيديلهم/يُعطيهم درس عملي اللي فات ده كله و بيختم الدرس بقى أهو (إنه من يتق و يصبر فإن الله لا يضيع أجر المحسنين) يعني بيدعوهم للإحسان ، و بينهاهم عن الجهل ، صح كده؟ .

{قَالُوا تَاللَّهِ لَقَدْ أَثَرْنَا اللَّهَ عَلَيْنَا وَإِنْ كُنَّا لَخَاطِئِينَ} :

(قالوا تالله) يعني و الله ، بيحلفوا بالله حلفان مغلظ ، فبيقولوا (تالله) ، (لقد أثرنا الله علينا) ربنا فضلك علينا لأن قلبك طاهر و قلب أخوك الصغير ده برضو طاهر ، فربنا فضلكما علينا ، (و إن كنا لخاطئين) إحنا كنا خاطئين في اللي إحنا بنعمله و اللي إحنا فعلناه ، إيه هو؟ نفوسهم المريضة ، عياداً بالله ، الحسد و الغيرة و الكبر و الكذب ، عياداً بالله ، لم يرحموا أخاهم يوسف ، لم يرحموا أخاهم بنيامين ، لم يرحموا أباهم يعقوب ، شوفوا أخطأوا قد إيه؟؟ أخطأوا خطأ عظيم جداً .

{قَالَ لَا تَثْرِيبَ عَلَيْكُمُ الْيَوْمَ يَغْفِرُ اللَّهُ لَكُمْ وَهُوَ أَرْحَمُ الرَّاحِمِينَ} :

و بعد كده ، يوسف قال لهم إيه ، شوفوا بقى ، شوفوا النفس الطيبة (قال لا تثريب عليكم اليوم) يعني بمجرد إنهم إستغفروا و إعترفوا بخطأهم ، سامحهم ، هي كده ، هم دول الأنبياء ، بتبقى نفسيتهم من نفسية الرب عز و جل ، ربنا نفسيته عاملة إزاي؟ من أتى إليه يمشي أتاه هرولة ، و من تقرب إليه شبراً ، تقرب إليه ذراعاً ، و من تقرب إليه ذراعاً ، تقرب إليه باعاً ، هو كده ربنا عزيز و لكن إيه ، أول ما تيجيله/تأتيه يبقى كريم ، يظهر كرمه و واسع رحمته ، فهو صفات ربنا دي بتفيض على أوليائه و أنبياءه ، أول ما هم اعترفوا بالخطأ ، طبعاً هو رباهم ، علمهم تربية عملية في الكام سفرة اللي راحوها دي ، أول ما إعترفوا بخطأهم ، قال لهم (قال لا تثريب عليكم اليوم يغفر الله لكم و هو أرحم الراحمين) ، (قال لا تثريب عليكم اليوم) يعني إيه ، مفيش ملامة عليكم إنهارة ، ما دام إنتو إعترفتُم بخطأكم ، و الحمد لله ، ربنا جمع علي بنيامين ، و شوفوا بقى هيجصل إيه بعد كده إن شاء الله ، (يغفر الله لكم) دعاهم بالغفران ، إستغفر لهم بعدما أقروا بذنبهم و أقروا بخطأهم و خضعوا له مرة أخرى ، (و هو أرحم الراحمين) ربنا أرحم الراحمين ، فبتالي لازم أنا ابقى إيه ، لازم أكون رحيم ، لأن النبي و الولي بياخذ من صفات الله عز و جل و من فيوض الله عز و جل .

{ادْهَبُوا بِقَمِيصِي هَذَا فَاَلْقُوهُ عَلَى وَجْهِ أَبِي يَأْتِ بَصِيرًا وَأْتُونِي بِأَهْلِكُمْ أَجْمَعِينَ} :

بعد كده أمرهم بقى ، (اذهبوا بقميصي هذا) جاب/أحضر لهم قميص من القمصان اللي كان بيلبسها ، أي قميص عنده ، مش شرط قميص محدد ، (اذهبوا بقميصي هذا) شووف القميص بتاع يوسف له كذا قصة ، القميص اللي إخوانه قلعهوله و جابوا عليه دم كذب ، و كذبوا على أبوهم إن الذيب أكله يعني ، كان وسيلة لكذب و حيلة إخوانه ، القميص الثاني اللي كان سبب نجاة يوسف من فتنة امرأة العزيز أو من مكيدة امرأة العزيز ، القميص ده بقى ((في الآية دي)) اللي هيكون سبب في شفاء يعقوب -عليه السلام- ، لأن يعقوب طبعاً فقد بصره بسبب نفسي و ألم و كظم الغيظ ، كل ده ببيجي على نفسية النبي و الولي و المحسن ، و هو بيتصدق بالآلام دي و بالجهد ده على من ظلمه الله عز و جل ، و بالتالي بياخذ حسنات عظيمة جداً ، و يكون جزاءه إيه؟ الخلود الأبدي في الجنان المتعاقبة المتتالية ، لان كظم الغيظ بيؤذي النفس ، فإيذائك لنفسك في سبيل الله بتأخذ عليه حسنات ، لما حد يظلمك و ترد عليه ، ليس عليك حرج ، محدش يقدر يلومك ، لكن لما تكظم غيظك ، كده إنت بتؤذي نفسك بس في سبيل الله عشان ماتعملش مشاكل و ماتعملش هرج و مرج و تُخل بالسلم أو بالسلام ، فالإحسان ده و كظم الغيظ درجة عالية ، قد تؤدي إلى ألم زي ما حصل مع يعقوب ففقد بصره فقدان نفسي ، فقدان عصبي أو نفسي ، فالعلاج إيه؟ برضو هيكون من جنس الألم ، هو تذكّر يوسف تذكّر شديد و تألم ففقد بصره ، و هنا يوسف يعالجه بعلاج نفسي فأعطاه قميص من القمصان بتاعته اللي فيها ريحته ، فيها العرق بتاعه ، و قال لهم ضعوه على وجه يعقوب ، لما يشم الريحه و يتحسس القميص ، هنا يرتد البصر له ثاني ، خلاص يفرح و يسعد و يُشفى من آلامه النفسية ، هنا كان علاج يعقوب ، علاج نفسي ، مش علاج مادي ، لأن العلة بتاعته علة نفسية و ليست علة مادية ، (اذهبوا بقميصي هذا فألقوه على وجه أبي) حطوه على وش أبويا ، (يأت بصيراً) هيرجع بصير ثاني ، (يأت بصيراً) يعني يرجع بصيراً ، (و أتوني بأهلكم أجمعين) اجمعوا كل العيلة بتاعتنا ، أسرتنا يعني ، و تعالوا مصر .

{وَلَمَّا فَصَلَتِ الْعِيرُ قَالَ أَبُوهُمْ إِنِّي لَأَجِدُ رِيحَ يُوسُفَ لَوْلَا أَنْ تُفَنِّدُونِ} :

(و لما فصلت العير) لما وصلت القافلة مكان يعقوب ، فصلت يعني وصلت ، (قال أبوهم) يعقوب بقى ، (إنني لأجد ريح يوسف لولا أن تفندون) إيه ده؟؟ ده أنا شامم ريحة يوسف؟؟ ، شووف من شدة تعلقه به عارف ريحته ، سبحان الله ، (إنني لأجد ريح يوسف لولا أن تفندون) يعني أنا شامم ريحة يوسف و متأكد ، بس شكلو كده هتقوموني إنني يرجع ثاني و بكرر سيرة يوسف ثاني ، (لولا أن تفندون) لولا أن تقوموني ، فَنَدَ أي لام ، (لولا أن تفندون) لولا أن تقوموني و تنهموني بالخرف و فقدان العقل ، (لولا أن تفندون) التنفيذ هنا اللوم و الإتهام بفقدان العقل .

{قَالُوا تَاللَّهِ إِنَّكَ لَفِي ضَلَالِكَ الْقَدِيمِ} :

(قالوا تالله) يعني حلف مغلظ بالله عز و جل ، (إنك لفي ضلالك القديم) إنت فاكّر إن هو لسي تايه و إحنا مش عارفين هو فين ، (إنك لفي ضلالك القديم) يعني لفي إعتقادك القديم ، يعني بقولوا له إيه (قالوا تالله إنك لفي ضلالك القديم) يعني بيحلفوا بالله حلفاناً مغلظاً إن إنت تعتقد إن إحنا لازلنا نتهمك ، نلومك على ذكرك يوسف ، و تعتقد إن يوسف لازال مخفي عنا ، فهو ده ضلالك القديم ، يعني إعتقادك السالف الخاطيء .

{فَلَمَّا أَنْ جَاءَ الْبَشِيرُ أَلْقَاهُ عَلَى وَجْهِهِ فَارْتَدَّ بَصِيرًا قَالَ أَلَمْ أَقُلْ لَكُمْ إِنِّي أَعْلَمُ مِنَ اللَّهِ مَا لَا تَعْلَمُونَ} :

(فلما أن جاء البشير ألقاه على وجهه فارتد بصيراً) لما الشخص اللي أتى بقميص يوسف و حطه على وجهه يعقوب ، على طول ارتد بصيراً ، رجع مبصر ثاني من شدة الفرحه و من شدة السعادة ، تعالج ، كده هو تعالج على طول ، من جنس الألم بتاعه ربنا عالجه ، (قال ألم أقول لكم إنني أعلم من الله ما لا تعلمون) مش قلت لكم إنني عارف إن يوسف حي ، و إنني في يوم من الأيام هلتقي به ثاني و ربنا مش هيسيبني ، أهو

رجعلي بصري ثاني ، فكم ان ده درس عملي من يعقوب لأبناءه ، (قال ألم أقل لكم إني أعلم من الله ما لا تعلمون) ، هنعرف إن شاء الله الوجه القادم إيه اللي هيحصل بالتفاصيل بأمر الله تعالى .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين .
آمين . 🌿💙

درس القرآن و تفسير الوجه الثالث عشر من يوسف.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ صفات الحروف , ثم قام بقراءة الوجه الثالث عشر من أوجه سورة يوسف ، و أجاب على أسئلتنا بهذا الوجه ، و أنهى نبي الله الحبيب الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الثالث عشر من أوجه سورة يوسف ، و نبدأ بأحكام التلاوة و أحمد :

صفات الحروف :

القلقلة : حروفها مجموعة في (قطب جد) .

الهمس : حروفه مجموعة في (حثة شخص فسكت) .

التفخيم : حروفه مجموعة في (خص ضغط قظ) .

اللام : تفخم و ترقق : إذا كان ما قبلها مفتوح و مضموم تفخم , و إذا كان ما قبلها مكسور ترقق , و كذلك الراء تفخم و ترقق و ممنوع التكرار .

التفشي : حرفه الشين .

الصفير : حروفه (الصاد , الزين , السين) .

النون و الميم المشدتين تمد بمقدار حركتين .

أنواع الهمزة : همزة وصل , همزة قطع , همزة المد .

الغنة : صوت يخرج من الأنف .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة قريش ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

طيب هذا الوجه يُظهر النهاية المحتومة لدعوة أي نبي ، و هي إنتصار دعوته ، و أن الله سبحانه و تعالى ينصر دعوته ، قَلَّ السالكون أو كَثُر ، سواء أكان أتباعه كُثُر أم قلة ، فدعوة الله يجب أن تنتصر عبر الزمان .

{قَالُوا يَا أَبَانَا اسْتَغْفِرْ لَنَا ذُنُوبَنَا إِنَّا كُنَّا خَاطِئِينَ} :

(قالوا يا أبانا) مين هم؟ إخوة يوسف ، إخوة يوسف مين؟ العشرة اللي هم مكروا بيوسف ، (قالوا يا أبانا) بيكلموا مين؟ إسرائيل -عليه السلام- ، (استغفر لنا ذنوبنا إنا كنا خاطئين) كل اللي إحنا عملناه معاك و مع يوسف و مع المؤمنين ، نرجو من الله عز و جل أن يغفر لنا ذنوبنا ، (استغفر لنا) توسطلنا عند ربنا ، ادعو لنا بالغفران ، ادعو لنا أن يغفر لنا الله عز و جل ، هنا إعتراف بالذنب .

{قَالَ سَوْفَ أَسْتَغْفِرُ لَكُمْ رَبِّي إِنَّهُ هُوَ الْغَفُورُ الرَّحِيمُ} :

يعقوب -عليه السلام- قال لهم (سوف أستغفر لكم ربي إنه هو الغفور الرحيم) ، ربنا سبحانه و تعالى غفور ، يغفر الذنب ، رحيم رحمته وسعت كل شيء .

طبعاً هم دلوقتي في الطريق ، رايعين لمين؟ رايعين لمصر عشان يقابلوا يوسف -عليه السلام- .

{فَلَمَّا دَخَلُوا عَلَى يُوسُفَ آوَى إِلَيْهِ أَبَوَيْهِ وَقَالَ ادْخُلُوا مِصْرَ إِن شَاءَ اللَّهُ آمِنِينَ} :

(فلما دخلوا على يوسف) لما دخلوا على يوسف ، آاه ، وصلوا فين؟ بيت يوسف ، إذا يوسف ما استقبلهمش على التخوم برا ، و الكلام ده ، لا ، يبقى هم وصلوا المدينة و دخلوا على بيته ، (آوى إليه أبويه) يوسف آوى إليه أبويه ، كأنه بيحمي أبويه من شر إخوانه ، أو كأنه ما صدق لقي أبويه ، فضمهم إليه ، ده معنى كلمة آوى ، زي ما ربنا اتكلم عن بنيامين برضو ، صح؟ (آوى إليه أخاه) بنيامين ، فلفظ آوى استخدم مع بنيامين و استخدم مع أبوي يوسف ، مين أبوي يوسف؟ إسرائيل -عليه السلام- و مين ثاني؟ خالته ليّا أو ليّا ، اللي هي كانت زوجة والده الأولى ، لأن يوسف و بنيامين ولاد راحيل أخت لايّا أو أخت ليّا ، و كان إسرائيل -عليه السلام- يجمع بينهما ، (و قال ادخلوا مصر إن شاء الله آمين) مين اللي قال؟ يوسف -عليه السلام- ، فهو كان دعاهم ، إن هم يأتوا مصر للإقامة ، (و قال ادخلوا مصر إن شاء الله آمين) بمشيئة الله عز و جل تكونون آمنين في هذه الديار و هذه البلاد .

{وَرَفَعَ أَبَوَيْهِ عَلَى الْعَرْشِ وَخَرُّوا لَهُ سُجَّدًا وَقَالَ يَا أَبَتِ هَذَا تَأْوِيلُ رُؤْيَايَ مِنْ قَبْلُ قَدْ جَعَلَهَا رَبِّي حَقًّا وَقَدْ أَحْسَنَ بِي إِذْ أَخْرَجَنِي مِنَ السِّجْنِ وَجَاءَ بِكُم مِّنَ الْبَدْوِ مِنْ بَعْدِ أَنْ نَزَغَ الشَّيْطَانُ بَيْنِي وَبَيْنَ إِخْوَتِي إِنَّ رَبِّي لَطِيفٌ لِّمَا يَشَاءُ إِنَّهُ هُوَ الْعَلِيمُ الْحَكِيمُ} :

(و رفع أبويه على العرش) يعني كَرَمَ أبويه ، كرم مين؟ أبوه و خالته ، اللي هي زوجة أبيه ، (و خروا له سجداً) مين اللي خروا سجداً؟ إخوانه ، إخوانه الحداشر ، بما فيهم بنيامين ، سجدوا ليوسف ، إظهاراً

للخضوع و الطاعة التامة ، إذا مین اللي سجد؟؟ إخوانه الحداشر ، و مین اللي كان جالس على العرش جنب يوسف ، یعنی مكرم؟ أبوه و خالته ، الرؤيا بتقول كده ، لكن الشمس و القمر دول مین؟ آية الكسوف و الخسوف ، تكون خاضعة خضوعاً تاماً لنبي الزمان ، (و قال يا أبتى هذا تأويل رؤياي من قبل قد جعلها ربي حقاً) إلتفت لوالده إسرائيل -عليه السلام- و قال له : شوفت الرؤيا اللي أنا كنت قلتها لك من سنين قديماً ، ربنا حققها أهو ، يبقى ربنا هنا إيه؟ بيحقق أنباءه ، و درس لنا إن إحنا يجب أن نصبر على أنباء الله و مواعيده ، الصبر ، زي ما اتكلمنا في خطبة الجمعة اللي فاتت ، عن كلام المهدي الحبيب ، إنه إزاي أنباء الله و نبوءاته تتحقق و لو بعد حين ، فيجب أن نصبر ، (يا أبتى) أسلوب ترقرق و أسلوب تلطف مع أبيه ، كأنه بيتودد لأبيه و هو بيقوله يا أبتى ، كأنه بيدلع أبوه ، يعني يا بابا يا حبيبي ، بلهجة عصرنا الحالي ، يعني يا بابا يا حبيبي شووف تأويل الرؤيا بتاعتي ، فرحان مبسوط ، ليه؟ يزداد يقين في الله عز و جل ، و هو بقوله ذلك بيزيد إخوته إيماناً و يقيناً بالله ، و درس عملي لإخوته ، و تربية عملية لإخوته ، (و قال يا أبتى هذا تأويل رؤياي من قبل قد جعلها ربي حقاً) و تأويل يعني ربنا نقلها من عالم الغيب إلى عالم الشهود أو عالم الواقع و الظهور ، هو ده التأويل أي آلت تحولت ، عبرت ، تحققت ، (و قد أحسن بي) ربنا أكرمنا ، بيقول لهم بقي إيه ، النعم اللي ربنا أكرمنا بها ، (و قد أحسن بي إذ أخرجني من السجن) ربنا أخرجني من السجن مُعزز مُكرم ، (و جاء بكم من البدو) إنتقلتم الآن من البدو في صحراء فلسطين ، أتيتم إلى الحضر في مصر ، (و جاء بكم من البدو من بعد أن نزع الشيطان بيني و بين إخوتي) و في قراءة (من بعد أن نزع الشيطان بيني و بين إخوتي) نزع ، الشيطان نزع ما بينهم المودة و الرحمة ، عياداً بالله ، لأن إخوانه العشرة حسدوه ، لأنه كان باين إنه مُصطفى و مُختار من الله عز و جل ، نزع أي نزع الشيطان المودة بينهم ، نزع أي إيه؟ الشيطان ألقى في قلوب إخوته الغل و الحقد ، إذا نزع ظاهر ، نزع باطن ، صوت حرف النون : نعمة ، و صوت الزاي : ذنب ، صوت الغين : الضباب و الغبش و الغفلة ، إذا الضباب و الغبش و الغفلة مع الذنوب الظاهرة و الباطنة ، الفعلية و القولية ، ذهبت بنعمة الإيمان منهم ، ف ده أصوات كلمة نزع ، كذلك نزع : صوت النون نعمة ، و صوت الزاي هو الذنب ، و العين هو اللوعة و اللعاعة ، إذا الذنب القلبي أو الظاهر يأتي باللوعة و اللعاعة و الألم و الحقد ، كل ذلك يُذهب نور الإيمان و نعمة الإيمان و الإطمئنان ، (إن ربي لطيف لما يشاء) ربنا سبحانه و تعالى بيحقق مقاديره و يُحقق مواعيده و يُحقق نبوءاته بشكل لطيف و بشكل غير متوقع ، (إنه هو العليم الحكيم) العليم : أصل العلم و الوحي ، الحكيم : صاحب الحكمة ، لما تنتظر كده لإجمال القصة تجد حكمة الله عز و جل ، هنا ربنا سبحانه و تعالى بيخلي/يجعل يوسف يفهم إخوته تفهيم عملي ما هو الإيمان و ما هو الوحي و من هو الله .

{رَبِّ قَدْ آتَيْتَنِي مِنَ الْمُلْكِ وَعَلَّمْتَنِي مِنْ تَأْوِيلِ الْأَحَادِيثِ فَاطِرَ السَّمَاوَاتِ وَالْأَرْضِ أَنْتَ وَلِيِّ فِى الدُّنْيَا وَالْآخِرَةِ تَوَفَّنِي مُسْلِمًا وَأَلْحِقْنِي بِالصَّالِحِينَ} :

بعد كده بيتكلم يوسف بقى و بيقول إيه ، بيختم قصته و بيقول إيه (رب قد آتيتني من الملك) أعطيتني سلطة في مصر ، مش كل السلطة ، لكن بعض السلطة ، (و علمتني من تأويل الأحاديث) فُهِمْتَنِي علم الرؤيا و علم الوحي و رموز الرؤيا و رموز الوحي ، (و علمتني من تأويل الأحاديث) و الأحاديث عرفنا يعني إيه ، الأحاديث يعني الرؤى ، الأحاديث يعني تجددات الوحي بإستمرار و البعث المستمر ، أحاديث أي الخطابات التي تكون بين المؤمن و بين الله ، و بين المؤمن و بين الملائكة ، و بين المؤمن و بين الأرواح الأخرى ، هذه هي الأحاديث ، (فاطر السماوات و الأرض) هنا إيه؟ بيحمد الله ، يُثْنِي على الله عز و جل و بيصف الله بأنه فاطر ، فاعل (فاطر السماوات و الأرض) يعني أصل الخلق ، مین اللي خلق؟ الله ، (أنت ولي في الدنيا و الآخرة) و أنت نصيري يا ربي في الدنيا و الآخرة ، ربنا هو نصير المؤمنين في الدنيا و الآخرة ، (توفني مسلماً) حتى النبي بيدعو الله عز و جل حُسن الختام ، شايفين؟؟ (توفني مسلماً) يعني إيه؟ إختتم لي إنني أكون إيه ، مُسلم إليك كل أفعالي و أقوالي و ظاهري و باطني و نيّاتي ، (توفني مسلماً) خذني لك و أنا مسلم لك كل حياتي ، يعني موحد توحيد تام كامل ، (توفني مسلماً و ألحقني بالصالحين) شايف النبي بيدعو الله إنه يكون في زمرة الصالحين يوم القيامة ، خلي بالك .

{ذَلِكَ مِنْ أَنْبَاءِ الْغَيْبِ نُوحِيهِ إِلَيْكَ وَمَا كُنْتَ لَدَيْهِمْ إِذْ أَجْمَعُوا أَمْرَهُمْ وَهُمْ يَمْكُرُونَ} :

بعد كده ربنا بيوجه الخطاب للنبي الأعظم محمد ﷺ ، بيقوله إيه (ذلك من أنباء الغيب نوحيه إليك) كل اللي إحنا بنقوله لك أنباء من عالم الغيب ، و تفاصيله في منها اللي مكتوب في الكتاب المقدس و في منها اللي مش مكتوب ، بنوحيه لك لأول مرة ، (ذلك من أنباء الغيب نوحيه إليك) يا محمد يعني ، (و ما كنت لديهم إذ أجمعوا أمرهم و هم يمكرون) ماكنتش عند إخوانه و هم بيمكروا في السر ليوسف ، فربنا قال له الكلام ده ، قال لمحمد ﷺ الكلام ده عشان يحفز لديه حاسة التخيل و التفكير و التدبر و يبدأ هو يتخيل المشهد ، مشد المكر ليوسف -عليه السلام- ، (و ما كنت لديهم إذ أجمعوا أمرهم و هم يمكرون) نفس الأسلوب ده ، ربنا إتكلم به عن القرعة اللي عملوها وقت كفالة مريم -عليها السلام- و اللي فاز بها زكريا -عليه السلام- ، نفس الأسلوب .

{وَمَا أَكْثَرُ النَّاسِ وَلَوْ حَرَصْتَ بِمُؤْمِنِينَ} :

ربنا بعد كده بيقوله إيه (و ما أكثر الناس لو حرصت بمؤمنين) متزعش ، لو أكثر الناس كُفار و مش مؤمنين ، متزعش ، (و ما أكثر الناس لو حرصت بمؤمنين) لو كنت حريص جداً إنك تدعوهم و تتعب عشانهم و تزعل عشانهم ، عاوزهم يؤمنوا و يشعروا باللي إنت بتشعر به ، و يذوقوا اللذة اللي إنت ذوقتها و هم مش عاوزين! متزعش ، هنا ربنا بيعزيه ، بيعزي محمد ﷺ و بيعزي كل نبي ، (و ما أكثر الناس لو حرصت بمؤمنين) حُكم قاطع من الله عز و جل و وصف تام من الله عز و جل لنفسية إيه ، لنفسية الناس بأنهم ليسو حريصين على الإيمان حرصك على الإيمان ، أي أن الناس ليسو بحريصين على الإيمان حرصك أيها النبي على الإيمان .

{وَمَا تَسْأَلُهُمْ عَلَيْهِ مِنْ أَجْرٍ إِنْ هُوَ إِلَّا ذِكْرٌ لِلْعَالَمِينَ} :

بعد كده ربنا بيصف دعوة النبي و كل نبي (و ما تسألهم عليه من أجر) الكلام اللي إنت بتقولاه لهم و التزكية اللي إنت جايبها لهم ، إنت مش طالب أجر عليها ، مش عاوز منهم حاجة مقابل ، ده إنت عشان نبيل و شريف و قلبك طاهر ، عاوزهم يفهموا اللي إنت فهمته ، و عاوزهم يحسوا باللي إنت حسيته ، عاوزهم يذوقوا اللي إنت ذوقته ، (و ما تسألهم عليه من أجر إن هو إلا ذكر للعالمين) كل اللي إنت جايبه ، و أي نبي جايب حاجة من عند ربنا هو تذكير و تنبيه للعالمين ، العالمين اللي هم مين بقى؟ كل حاجة ، كل حاجة ، البشر و الشجر و الجماد و البحار و الأنهار و الطيور و الحيوانات و الجن ، كل شيء ، كل شيء ، رسالة الرسول و رسالة النبي بتنبيه كل حسب مقامه .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانهك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين .

آمين .  

درس القرآن و تفسير الوجه الرابع عشر من يوسف.

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام المد , ثم قام بقراءة الوجه الأخير من أوجه سورة يوسف و هو الوجه الرابع عشر ، و أجاب على أسئلتنا بهذا الوجه ، و أنهى نبي الله الحبيب الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الرابع عشر من أوجه سورة يوسف ، و نبدأ بأحكام التلاوة و أحمد :

أحكام المد و نوعيه :

مد أصلي طبيعي و مد فرعي , المد الأصلي يُمد بمقدار حركتين و حروفه (الألف , الواو , الياء) , و المد الفرعي يكون بسبب الهمزة أو السكون .

أما الذي بسبب الهمزة فهو مد متصل واجب و مقداره ٤ إلى ٥ حركات , و مد منفصل جائز مقداره ٤ إلى ٥ حركات , و مد صلة كبرى مقداره ٤ إلى ٥ حركات جوازاً , و مد صلة صغرى مقداره حركتان وجوباً .

و بعد أحمد قال الأحكام مروان ثم رفيده ثم أرسلان .

○ و ثم طلب سيدي يوسف بن المسيح ﷺ من أحمد قراءة سورة العصر ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

{وَكَايْنٍ مِّنْ آيَةٍ فِي السَّمَاوَاتِ وَالْأَرْضِ يَمُرُّونَ عَلَيْهَا وَهُمْ عَنْهَا مُعْرِضُونَ} :

هنا سبحانه وتعالى في هذا الوجه يصف حال الآيات وطبيعة الآيات و حال الكفار مع تلك الآيات ، يقول سبحانه : (و كايْن من آية في السماوات و الأرض يمرون عليها و هم عنها معرضون) يعني معظم الآيات هي قصص و أحاديث ماضية ، (و كايْن من آية) يعني كثير من الآيات ، (و كايْن من آية) يعني ما أكثر تلك الآيات (في السماوات و الأرض) في عالم الروح و في عالم الواقع ، (يمرون عليها) يعني إيه ، يرونها إما في واقعهم أو بذكرى التاريخ أو ذكريات التاريخ ، (و هم عنها معرضون) يُعرضون عن تلك الآيات و عن تلك العِبرات و عن تلك القصص ، يعني إيه ، ربنا يصف حال الكفار أنهم معرضون .

{وَمَا يُؤْمِنُ أَكْثَرُهُمْ بِاللَّهِ إِلَّا وَهُمْ مُّشْرِكُونَ} :

بعد كده ربنا يصف حال الإيمان بقى ، (و ما يؤمن أكثرهم بالله إلا و هم مشركون) يعني في منهم اللي بيؤمن بالله و لكن مُشرك ، إما شرك كبير كأن يعبد صنم مثلاً ، أو شرك صغير خفي كالرياء مثلاً ، كالكبر ، كالعجب ، إذاً الإيمان يجب أن يكون خالص مُخلص ، أن يكون إيمان مُخلص لله عز و جل ، تام النقاء ، تام الصفاء ، يكون إيماناً كاملاً خالي من الشرك .

{أَفَأَمِنُوا أَن تَأْتِيَهُمْ غَاشِيَةٌ مِّنْ عَذَابِ اللَّهِ أَوْ تَأْتِيَهُمُ السَّاعَةُ بَغْتَةً وَهُمْ لَا يَشْعُرُونَ} :

(أفأمنوا أن تأتيهم غاشية من عذاب الله) ربنا هنا بيخوفهم ، إنتو آمنين إنه مايجلكموش شيء يغشاكم من الله يكون عذاب أليم؟؟ ، و الغاشية أو الشيء الذي يغشى هو الذي يُغطي بانتشار ، أصوات كلمة غشى صوت حرف الغين : تغطية و ضباب و حجب ، الشين : تفشي و إنتشار ، غشى الأمر أي غطاه ، (أفأمنوا أن تأتيهم غاشية) شيء يغطيهم بانتشار للعذاب ، في عندنا سورة الغاشية في القرآن ، اللي ربنا يصف بها يوم القيامة الكبرى ، (أو تأتيهم الساعة بغتة) القيامة الكبرى أو القيامة الصغرى لكل واحد أو ساعة يعني حدث عظيم من أحداث الدنيا تكون فيه نهايتهم ، كل دي معاني للساعة ، يبقى هنا ثلاث معاني للساعة : قيامة كبرى أو قيامة صغرى لكل واحد أو شيء ، حدث عظيم يحدث في الدنيا تكون به نهايتهم زي فتح مكة كده ، كانت ساعة قريش ، ساعة قريش هي فتح مكة يعني نهايتهم ، (أو تأتيهم الساعة بغتة) يعني فجأة ، بغتة يعني فجأة ، يعني إيه بغتة؟ باغتة؟ الغين : حجاب و غبش و ضباب ، التاء : قطع ، يعني إنقطع الحجاب و إنقطع الغبش و أتى فجأة على حين غرة ، يعني بدون توقع ، فذلك معنى بغتة ، (و هم لا يشعرون) يعني قاعدين كده مستريحين مطمئنين لم يشعروا بمقدمات هذه الساعة .

{قُلْ هَذِهِ سَبِيلِي أَدْعُو إِلَى اللَّهِ عَلَى بَصِيرَةٍ أَنَا وَمَنِ اتَّبَعَنِي وَسُبْحَانَ اللَّهِ وَمَا أَنَا مِنَ الْمُشْرِكِينَ} :

(قل هذه سبيلي أدعو إلى الله على بصيرة) دعوتي و دعوة كل نبي هي دعوة إلى الله و توجه إلى الله عز و جل بالعبادة ، و هذه الدعوة على بصيرة ، على بينة ، تكون فيها بصائر للمؤمنين و للمريدين و للأنقياء و للأصفياء و لأصحاب القلوب الطيبة السليمة و لأصحاب حُسن الظن ، (قل هذه سبيلي أدعو إلى الله على بصيرة أنا و من اتبعني) يعني النبي يستخدم أتباعه برضو ، يستعين بهم ، يعتمد عليهم بأمر من الله عز و جل ، و كذلك علمنا أن علاقة النبي بالمريدين أو الولي بالمريدين هي علاقة شفاء متبادلة ، فبالتالي هم يشفوا بعضهم البعض بأمر الله عز و جل و يساعد بعضهم البعض ، (و سبحان الله) تنزيه الله عز و جل ، (و ما أنا من المشركين) لست بمشرك ، و عدم الشرك بالله هو تنزيه الله عز و جل و تعظيم الله عز و جل ، لأن سبحان الله أي تنزيه الله سبحانه و تعالى ، أئزه الله عز و جل في كل وقت و في كل مكان .

{وَمَا أَرْسَلْنَا مِنْ قَبْلِكَ إِلَّا رَجَالًا نُوحِي إِلَيْهِمْ مِنْ أَهْلِ الْقُرَىٰ أَلَمْ يَسِيرُوا فِي الْأَرْضِ فَيَنْظُرُوا كَيْفَ كَانَ عَاقِبَةُ الَّذِينَ مِنْ قَبْلِهِمْ وَلَدَارُ الْآخِرَةِ خَيْرٌ لِلَّذِينَ اتَّقَوْا أَفَلَا تَعْقِلُونَ} :

(و ما أرسلنا من قبلك إلا رجالاً نوحى إليهم من أهل القرى) ربنا هنا يؤكد على حقيقة و سنة جارية ، إن الإرسال لا يكون إلا في الرجال يعني بالدعوة ، (و ما أرسلنا من قبلك إلا رجالاً نوحى إليهم من أهل القرى) إذا الإرسال هنا ، إرسال دعوة ، المقام هنا يكون مقام دعوى ، يكون دائماً في الرجال ، لكن مقام النبوة تحوزه النساء و يحوزه الرجال ، عادي يعني ، (و ما أرسلنا من قبلك إلا رجالاً نوحى إليهم من أهل القرى) دائماً كده النبي نجيبه في قرية ، كل قرية أو أكثر القرى ربنا يبعث فيها إيه؟ مبعوثين و أنبياء ، (أفلم يسيروا في الأرض فينظروا كيف كان عاقبة الذين من قبلهم) هنا ربنا بيوجه خطابه لكل قوم نبي ، لكل أقوام الأنبياء ، (أفلم يسيروا في الأرض) يأخذوا العبرة يعني ، (فينظروا كيف كان عاقبة الذين من قبلهم) يعتبروا بالأمم السالفة ، التاريخ يعني ، و هنا بقى أهمية التاريخ و أهمية قراءة التاريخ و أهمية دراسة التاريخ ، تلك الحضارات يجب أن نسمع تاريخها و ندرس تاريخها لكي نأخذ العظة و العبرة ، صح كده؟ إذا ده أمر إلهي ، إن إحنا نقرأ التاريخ ، مين بقى اللي بيقرا التاريخ دلوقتي؟؟ قليل ، إذا قراءة التاريخ هي أمر إلهي و هي عبادة ، (و لدار الآخرة خير للذين اتقوا أفلا تعقلون) الآخرة هي أفضل من الدنيا للمتقين ، الذين جعلوا بينهم و بين عذاب الله وقاية ، (أفلا تعقلون) ربنا بيحفز ملكة العقل ، اعقلوا ، استخدموا عقلكم ، شغل دماغك ، ماتبطلش دماغك ، ماتعقدش تحت رجلين الشيخ و تسمع الأكاذيب على رأي علاء الأسواني ، صح؟ أكثر الناس كده ، يقعد تحت رجل الشيخ و يسمع الأكاذيب ، بس هو ده بقى إيه؟ سبب الخسران المبين لأمة الإسلام في هذا العصر ، لأن أمة الإسلام فسدت ، ليه؟ لأنها استمعت للأكاذيب و استمعت الكاذبين ، و يجب أن تستمع للصادقين .

{حَتَّىٰ إِذَا اسْتَيْئَسَ الرُّسُلُ وَظَنُّوا أَنَّهُمْ قَدْ كُذِّبُوا جَاءَهُمْ نَصْرُنَا فَنُجِّيَ مَنْ نَشَاءُ وَلَا يُرَدُّ بَأْسُنَا عَنِ الْقَوْمِ الْمُجْرِمِينَ} :

(حتى إذا استئس الرسل) ربنا هنا بيصف حال الرسل في البلاء ، (حتى إذا استئس الرسل) يعني الرسل وصلوا حالة شديدة من اليأس و الجهد بسبب اليأس ، فلذلك عبر الله في قوله (استئس) لم يقل حتى إذا يئس الرسل ، لا ، (حتى إذا استئس) يعني وصلوا إلى درجة شديدة جداً من اليأس و الألم و مخافة أن مواعيد الله لا تتحقق ، أو أن الله يتخلى عنهم ، (حتى إذا استئس الرسل و ظنوا) الظن هنا بقى ، شك ، (و ظنوا أنهم قد كذبوا) ربنا لم يُحقق مواعيده معهم ، ظنوا ذلك يعني ، حصل إيه بقى؟ (جاءهم نصرنا فنجي من نشاء) يعني فنجي المؤمنين و الأنبياء و الأولياء و الأصفياء ، هذه هي مشيئة الله ، (و لا يرد بأسنا عن القوم المجرمين) أبداً ، عذابنا لا نرده و لا نُبعده عن المجرمين من أقوام الأنبياء و المكذبين .

و شرحنا كلمة بأس في الأوجه السابقة .

{لَقَدْ كَانَ فِي قَصصِهِمْ عِبْرَةٌ لِأُولِي الْأَلْبَابِ مَا كَانَ حَدِيثًا يُفْتَرَىٰ وَلَكِنْ تَصْدِيقَ الَّذِي بَيْنَ يَدَيْهِ وَتَفْصِيلَ كُلِّ شَيْءٍ وَهُدًى وَرَحْمَةً لِّقَوْمٍ يُؤْمِنُونَ} :

(لقد كان في قصصهم عبرة لأولي الألباب) هنا ربنا بيختم سورة يوسف بالآية العظيمة دي ، كل القصص عبرة ، كل قصص الأنبياء و الأولياء عبرة ، عظة يعني ، (لأولي الألباب) أصحاب القلوب النيرة ، أصحاب الأفهام الصحيحة ، (لقد كان في قصصهم عبرة لأولي الألباب) أصحاب العقول المتدبرة ، هو ده معنى أولي الألباب ، اللي هم بيهتموا بالألباب ، اللب ، الجوهر ، الجوهر و الأصل ، الزبدة ، اللي بيحبوا التلخيص ، مابيحوش يلفوا و يدوروا ، الصادقين ، لأن الصدق هو اللب ، و الكذب هو القشر ، (ما كان حديثاً يفترى) اللي إحنا بنقوله لك و بنقوله للأنبياء ليس حديثاً مكذوب ، إنت بتكذبه عليهم؟ لا أبداً ، ما كان حديثاً تفتريه أبداً ، (و لكن تصديق الذي بين يديه و تفصيل كل شيء) ، (ما كان حديثاً يفترى و لكن تصديق الذي بين يديه و تفصيل كل شيء) محمد ﷺ الكلام اللي بيقله لكم في القرآن مش كذب ، مش

إفتراء ، و لكن تصديق الحاجات اللي بين يديه من الصحف السابقة ، (و لكن تصديق الذي بين يديه و تفصيل كل شيء و هدى و رحمة لقوم يؤمنون) مش إحنا عارفين إن سيدنا محمد ﷺ لما أصبح إبيونياً موحداً بعد زواجه من السيدة خديجة رضي الله عنها- إطلع على الصحف السابقة و الكتاب المقدس و الصحائف المطهرة ، فكان موحداً من الطائفة الموحدة الإبيونية و كانوا قلة ، و كانوا قلائل ، فربنا هنا بيصف حال النبي و يقول إيه (ما كان حديثاً يفترى و لكن تصديق الذي بين يديه و تفصيل كل شيء و هدى و رحمة لقوم يؤمنون) اللي هيؤمن ربنا سيُعطيه الهداية و سيُعطيه الرحمة .



• و أثناء تصحيح نبي الله الحبيب يوسف الثاني ﷺ لتلاوتنا ، قال لنا :

- كلمة بغتة كمان لها معنى عظيم تاني ، بغتة : بغى أي أراد ، تة أي قطع إرادته ، كذلك بغتة يعني بغيهم يُقطع ، إذا بغى أراد أو بغى طغى ، و التاء قطع ، قطع إرادتهم و قطع ظلمهم ، ده من معاني كلمة بغتة ، و كلها تسير في معنى الفجأة .

- طبعاً (تفصيل كل شيء) يعني الهيمنة ، القرآن مُهيمن يعني أي حاجة ترددها للقرآن ، القرآن فيه الخلاصة و فيه الحكم المُبين ، لأن الكتب السابقة أو الصحف السابقة ممكن يكون فيها بعض التحريفات أو بعض الأمور المُبهمة غير المفهومة ، مين اللي المُهيمن؟ و مين المُفصل؟ القرآن ، المُفصل مش معناه يعني معلومات كتير ، لا ، اللي هو إيه ، يفصل ، (تفصيل كل شيء) يعني فَصَلَ في الأمر أي حَكَمَ فيه ، تفصيل أي تحكيم كل شيء هو اللي يُحكم ، مين المُهيمن؟؟ القرآن .

و اختتم نبي الله الجلسة المباركة بقوله المبارك :

و هذا يوم عرفة العظيم ، خير أيام الله عز و جل ، خُتِمَتْ فيه سورة يوسف أحسن القصص ، الله أكبر الله أكبر الله أكبر ، لا إله إلا الله ، الله أكبر الله أكبر و لله الحمد ، هذا و صَلِّ اللَّهُمَّ و سلم على نبيينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صَلِّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

=====

شرح نبي الله يوسف الثاني ﷺ كلمة (الغضة : ابتعاد العقول الغضة عن مطالب الحياة الدنيوية أو اتجاهها نحو الدين ، و فرارها من الدولة إلى الله.....) لما سألته عن معناها و ذلك أثناء دراستي للجزء الحادي عشر من سلسلة قصة الحضارة ، فقال لي :

الغضة : أي عقل البكر ، سليمة غير ملوثة ، القرية من الفطرة ، من أصوات الكلمات : الغين (غيش و ضباب) أخفت فعل الضاد (تشنتت فظ غليظ) ، و بعدما شرحها ، نظر نبي الله إلى أم المؤمنين الدكتورة مروة الحبيبة و سألها : كنت عارفة الكلام ده؟؟ فقالت : لا ، فقال لها : و لا أنا .

و شرح نبي الله ﷺ من خلال أصوات الكلمات : (احتدم أواره) و (يستتكف) و ذلك لما سألتُ عنهما أثناء تلخيصي للجزء الثاني عشر من سلسلة قصة الحضارة ، فقال لي :

- احتدم : من الحدة و هي الشدة ، الحاء راحة و التاء قطع ، أي قطع الراحة ، و الميم مفاعلة .

- يستتكف : نكف ، ارتد على عقبه ، يتردد ، من أصوات الكلمات : النون نعمة ، الكاف إنفكاك ، الفاء تأفف ، أي يحدث إنفكاك و تأفف على النعمة ، و هذا هو التناوش و التعارك ، و (يست... او است...) فعل الفعل بجهد كبير . من يستتكف لصعوبة الفعل .

- رعد : ارتجاع له دوي و هو صوت الرعد . كذلك : ر رؤية ، عد العدة او الوعيد . و هو وصف لرهبة صوت الرعد بعد رؤية البرق .

" و خُتِمت سورة يوسف و خرجنا بها من بئر يوسف الأول لبئر يوسف الثاني بختم النور في قلوبنا و قد ازداد نوراً و خشية و خشوع و لذة ، و رأينا هيبه نبي الله و هالة نوره و نصر الله له بالعزة و القوة و الآيات الجليلة ، لكل من إستمع لتفسير نبي الله يوسف بن المسيح ﷺ و أنصت بكل جوارحه و دقائق روحه ، ما لامسته فيك هذه السورة لا تفقده أبداً ، و كن من العارفين ، و لا تنسى الإيمان كما فعل من فعل ، و خسر خسراً عظيماً و ليس بعده خُسران ، إنني أمنتُ بيوسف بن المسيح نبياً لهذا الزمان ، و إن سورة يوسف لهي تزكية و تنبيه و تثبيت لمن أراد الله و نبيه ، و تحذير و تنذير لمن عصى و ولى عن الحق مختالاً فرحاً .. اللهم لك الحمد كما ينبغي لجلال وجهك و عظيم سلطانك ، و صلّ يا ربي البر الحسيب على أنبيائك محمد و أحمد و يوسف بن المسيح صلوات مباركات طيبات ، و انصرنا على القوم الكافرين ، آمين . "

ثم بحمد الله تعالى